

• G • B • D •

• 1 7 1 0 •

14250/20
107/A

15030

E. xv. a

18

57



26

Dr. Emil Mannkopf

1493

62



Head unvoriger Admitten
mit dem Frey. Ort. 2. Zeh.

Compendium. de imperio lunae
et Solis in corpore
humano.

Bellini Opuscolo Se
1. missione sanguine.

Boerhave de morbis
nervorum p 339

Jennerts de Agymica-
turi. cum Aesculapius
et Galenus consensu
et dissensu

Linsset

Oratio de comparan-
do merito in Physicis
17¹⁸ p. Baerhave.

701930
HERMANNI BOERHAAVII,
Phil. & Med. Doctor. Hujusque,
in Academia Lugduno Batava,
Professor. Ordinar.

INSTITUTIONES MEDICÆ,

In usus
ANNUÆ EXERCITATIONIS
DOMESTICOS,
DIGESTÆ:

Cum
PRÆFATIONE NOVA,
DE
STUDIO MEDICO
DIFFICILI, SED
JUCUNDO.

JOHANNIS PHILIPPI BURGGRAVII
D. Med. Francof. ad Moen.

FRANCOFURTI ad MOENUM,

Impensis, Georgii Heinrichi Oehrlingii,
Typis Antonii Heinscheitii,

M D C C X.



AUDITORIBUS

Suis

HERMANNUS BOERHAAVE

S. P.



IN usus tantum Vestros prodit libellus, qui lineas ducit, intra quas annuus mihi Vobiscum definitur labor. Id unum promittit; neque verò aliud exegit, propter quam in lucem jam exit, necessitas. Ad Vos igitur quum totus pertineat, Vestro quoque Nomini inscribendum putavi. Placebit, spero, & proderit! Neque enim ob descriptionis tædia, illapsosque hinc errores,

res , fastidivistis prius. Certè hac
spe fretus Vobis eum , meque si-
mul ipsum , sacro ! Valete !

Lugduni Batav.

Philiatris ,



Philiatris

Candidis & Humanis,

S. P. D.

JOH. PHILIPPUS BURGGRAVIUS, D.



E Studio Medico
pronunciare mihi
liceat, quod com-
muni proverbio fer-
tur; Δύσκολα τα καλὰ: quæ pul-
chra, eadem sunt difficilia: ambi-
tum artis diffusio-rem esse, quam
quem vita viri emetiri & absolve-
re queat, Hippocrates opinat a-
tur pridem: Sanè, nullæ in Me-
dicina definitæ theses, quæ omni
limitatione sint majores, dantur;
seu ex confessæ veritatis præmis-
sis,

sis stringentes, certæ arctæque
conclusiones haud prostant, qui-
bus solis inniti cordatè semper &
ubique possis, & ad regulam ve-
luti quæcunque in Arte obvene-
rint, exigere: Diverſa, diverſo-
rum Autorum principia ſunt,
quibus ceu fundamini ſuperſtru-
ere, ingens Medicæ Artis ædifici-
um, ſeriò laborant; ſuo quiſque
loco Authoritate ad id operis &
eruditione neceſſaria, ſatis pollere
ſibi videtur; alter alterius laudi-
bus ſæpè obtreſcat, famamque
publicis etiam ſcriptis, ſtudioſo-
rum quaſi quidam auceps, pro-
ſcindere haud veretur, ut ſe unum
nempe omnes mirentur vel imi-
tentur; non levis proſectò labor
eſt, hos ſuperare ſcopulos, ac pru-
dentis

dentis probèque muniti pectoris,
hæc cuncta satis dignoscere posse;
felices eos existimaverim per De-
um, quibus à primis Academicæ
vitæ suæ annis institui contigit, à
Præceptore docto, fideli neque
arroganti, aut sermone tantum
erudito subtilique, non vero ope-
re & exercitio, Medico; qui u-
sum quantum fieri potest, etiam
ostendat in praxi, & speciosè in
cathedra, aut prolata aut curata,
ad lectum postea, discipulis suis
& auditoribus, commonstret: sed,
ponamus jam, philiatro cuidam
omnia accidisse ex voto; naturam,
huic maximè studio faventem, in-
stitutionem à puero accuratam, in-
dustriam & sagacitatem, locum e-
tiam studiis severioribus commo-

dum, doctrinam longo tempore
partam, itemque, auream bursam;
quin, Medicinæ faciendæ ipsum
perquam idoneum, Magistris &
Doctoribus suis nuper habitum;
an nullas amplius difficultates tæ-
diave eum manere, putas? vari-
ant admodum pro numero subje-
ctorum, regionum, locorum,
ætatis & consuetudinis ratione,
casus & morborum symptomata,
ingenium igitur σοφασικὸν habeat
oportet; est namque in medicina
aliquid, quod nec dici, nec scribi
potest, crisi medentis cujusvis ex-
actâ è vestigio definiendum;
χαρίσματα ἰαμάτων à Deo hinc solli-
citè expetenda & expectanda:
ægri morosi & delicatiores obtin-
gunt, non nisi ad gratiam medi-
camenta

camenta exposcentes, quæ citò,
tutò & jucundè, hõstem è cor-
pore eliminant; adstantes non-
nunquam minus morigeri, &
medicastræ nasutulæ negotium
faceffunt; ipsi ægri, Iro nonnun-
quam pauperiores, debitis exter-
nis destituuntur: taceo, propter
ætatem multos juniorum Medi-
corum negligi, quod barbam
prolixam ad instar Æsculapii,
haud ostendant, & experientiâ,
longo demum rerum usu acqui-
rèndâ, annorumque computo
unicè æstimandâ, careant; novellus
ergo Doctor, perpaucos studio-
rum ac sumptuum fructus annua-
tim colliget, qui vitæ viri eleganter
eruditi interdum planè impares
sunt; imò ex alienis morbis, pro-
prias

prias sibi sæpè demetit molestias,
aut præmaturam etiam mortem.

Sublimitas studii hujus visen-
da in ejus natalibus: Adamus pri-
mus homo, insignem rerum na-
turalium scientiam, ut afflatu divi-
no animam vitarum, recepit. (α)
quam elegantissimo ac incompa-
rabili prorsus examine, subitò
professus est: (β) amplitudinem
cordis tantam, multis post seculis,
Deus ille scientiarum (γ) Salo-
moni dederat, quanta arena est,
quæ ad littus maris: hinc locutus
est de lignis à cedro, quæ in Liba-
no, usque ad hyssopum, quæ exi-
ens in pariete: item de bestia & de
ave;

(α) *Syrac.* 17, 5. 6.

(β) *Gen.* 2, 7. 19. 20.

Sap. Sal. 7, 15. 16.

(γ) *1. Sam.* 2, 3.

ave, & de reptili, & de piscibus.
 (d) Per successionum & generationum gradus autem, hæc rerum naturalium notitia, quasi per manus tradita semper posteris, cum religione vera fuit; at vero, cum quidam à fide horumce Patrum deficerent, & pristinae pietatis sancta jura, jam contemptui haberent, bonis ex iam his magnam partem fuere exuti, multorumque insignium arcanorum scientia, non promiscuè & temerè vulganda, penes unam sanctorum Patriarcharum familiam, stetit; (e) quâ certè nonnulli egregii *Excogitatores*, (f) & rerum abscon-

)(6

(d) 1. Reg. 4, 29. 33.

(e) Baruch. 3, 23. 31. 37. 38. vid. Luther. Com. in Gen. 34, 1. 2.

(f) Exod. 31, 3. 2. Paralip. 26, 15. Ps. 105, 19. 22. Dan. 5, 11. 12.

absconditarum Inventores, clauere; his suam Magistris & advenis, Abrahamo maximè sapientiam, fusci terræ Ægyptiæ alumni & Sacerdotes quos vocant, debent; quorum deinde Scholâ & contubernio, regiâ munificentia, Moyses, regno utique destinatus, (ⁿ) felicissimè succrevit, magnus arcanorum naturæ Mystra factus; de imperscrutabili humani viribus ingenii, solem intimius solvendi tractandive artificio, quod suis saltem amicis ac dilectis, Deus suggessisse legitur, tanquam ad sui similes, rerumque istarum peritos, loquitur: (፩) Non unâ olim prærogativâ Sacer-

(ⁿ) *Denter.* 33, 5.

(፩) *Exod.* 32, 20. *Dent.* 9, 21.

Sacerdotum hic ordo , valuisse
constat ; Josephus , pro parte præ-
miorum puto , à Pharaone in u-
xorem, Asenath, Virginem Medi-
cinæ non inexpertem, interpreta-
ri istud nominis posses, filiam Po-
tiphera, Sacerdotis cujusdam præ-
cipui, accepit ; & Moyses, Sacer-
dotibus olim familiaris, Sacerdo-
tis filiam duxit ; regnum Sacerdo-
tum, Israeliticum dictum : (1) pre-
mere sua magno consilio etiam
solebant, secretâ disciplina, hiero-
glyphica imprimis scribendi rati-
one, filiis tantummodo suis & Re-
gibus tradituri ; sacra sacris com-
mittenda esse antiquo more, rati ;
neque, ad ministeria Regum Æ-
gyptiorum ullus adhibebatur ,
(7 vel

(1) *Exod.* 19 , 6.

vel servus, vel emptitius, vel ver-
na, sed Illustrissimorum (x) tan-
tummodo Sacerdotum filii,
egressi annos viginti, & præ aliis
sux gentis optimè instituti, ut
cum hos Curatores corporis &
familiares optimos, nocte dieque
Rex haberet, nihil pravum aut
vituperatione dignum, commit-
teret; idcirco etiam longissimo
tempore, sub memoratis Regibus
integrum Reipublicæ suæ statum
conservârunt, in summa felicitate
vitam exigentes, quam diu hæc
legum constitutio aud ipsos vige-
it: Testis est Ælianus, patientissimè
ferre tormenta Ægyptios, imò
citius mori hominem Ægyptium,
in quæstionibus tortum examina-
tum.

(x) *Jes.* 19, 11. 13. 14.

tumque, quam veritatem confiteri: Sapientiæ illius quædam reliquæ, per bene multa secula in Ægypto olim manserunt, usque dum sensum obrepens menti caligo, idololatricis cultibus abreptam gentem, penitus everteret, bonisque istis simul ac regno, privaret; multorum hinc naturæ arcanorum recessuum scientia, sequentia præteriit, nostraque etiamnum secula, quò tamen vates istos & Sacerdotes Ægyptios penetrasse, dudum haud vana quorundam suspicio fuit; ejus rei multa passim vestigia, magno studio collecta, cernas apud Borrichium: (λ) Græci, ut erant prompti animis

(λ) *de Herm. & Ægypt. Sap. Arnd. Postil. conc. 1. 2. Fest. Epiph.*

animis ad nova & mira, peragrat-
tis Perfidis, Arabiæ, Æthiopiæ,
Ægyptique Magis, non pauca
addidicere; tempore existimant
& obsequio Sacerdotum quos-
dam emollivisse, ut secreta quæ-
dam ipsis retexerint; qua certè
ratione sequentibus sæculis adepti
ferè gloriam sunt, tanquam re-
pererint, quæ aliunde omninò ac-
ceperant; Græca interim hæc in-
dustria oppidò Latinis profuit:
Sed prima gloria, in morum
ingeniique variâ culturâ, Ægy-
ptiis manet quam Ebræis ante-
hac Doctoribus, alumniis olim
suis, relictâ Chaldæâ, (μ) provi-
dente ita Deo, acceptam ferre
debent.

Ut

(μ) *Joseph. A. 7. l. 1, 8. 9.*

Ut vèro corpore impolluto
habitare sapientia amat; (v) & in-
signi compendio ii demum pro-
ficiunt, qui felici copula eruditi-
oni suæ, serium cultus Divini stu-
dium jungunt; sic medicinæ so-
rorem ac contubernalem, sapien-
tiæ cognitionem vocavit Hippo-
crates: (ξ) De Deo ergo scientia,
vel maximè animo Medici imple-
xa sit; orare hinc decorum & val-
de bonum fuerit; cùm Medicina
Deum valde reverenter habere
comperiatur; nos igitur, prospe-
rari cupientes, & vita & arte feli-
citer frui, præceptis & oraculis
Divi-

(v) *Sap. Sal.* 8, 10. 9. 6. *Syrac.* 51, 19. 20.

(ξ) *De Nat. Hom.* 4. *De Dec. orn.* 6, 2.
5. *De insomn.* 2, 12.

Divinis attendere decet, (o) cùm
Deus in delitiis sibi posuerit, ut,
qui Medicum creaverit, idem
vinci à Medico velit, ut se omni-
potentem, etiam meritis immit-
tendo pœnas, propriis clemen-
tiæ suæ donis, vincat: (π) Divi-
num hinc Numen precibus fre-
quenter rogabit, benedictione
sua laboribus adsit, eosque, in bo-
num finem dirigat; amoenitatibus
quoque, quibus hæc studia con-
diuntur quasi, apprimè reficiat &
foletur, ne confundamini, vel vul-
gi iudicia veriti & calumnias, fa-
cere medicinam aliquando de-
dignemini: Enrimamur ubivis
creaturam, ut pernoscamus Con-
ditorem,

(o) 1. Paral. 23, 13. 2. Paral. 21, 21.
-32. 30. Syrac. 1, 5. 6. 17, 18.

(π) Tack. Chrysog. A. & M.

ditorem, hortorum, camporum
 sylvarumque, areas & spatia di-
 scurrimus, ut plantæ exiguæ, pe-
 dibus non rarò proteri solitæ di-
 vinas dotes, humano corpori sa-
 nando, quod flagellavit Jehovah,
 fœneremur; artificiosissimam
 hanc machinam cultris exsolvi-
 mus, & per partes singulas expli-
 camus, ut integræ structura ex-
 actè constet; rotulas horologii
 Divino artifice constructi, juxta
 omnes vel posituras, vel figuras,
 vel motus species, dimetimur &
 expendimus, ut, si defecerit una
 alterave in opere suo, vitium, vel
 προθέσει, vel ἀφαιρέσει (ε) tollere
 queamus: ingrato remediorum
 sapore,

(ε) Hipp. de flat. 3, l. l. 1. de dieta.
 14, l. 2.

ſaporem, concupiſcentiſ animæ
 deliquia, emendare Deus voluit, ut
 ſanctioris vitæ memores, ad fru-
 gem mox redeamus: ſervamus
 homines, ut imitemur Deum,
 ἰσὸς θεοῖς: (σ) imperant ſæpè Me-
 dici Magnatum corporibus, ut
 manſuetiores forte redditi, (τ)
 poſthac vereri Deum habeant;
 honores præſtolamur cotidie,
 quos juſſit Altiffimus; juvenes,
 oftendere canitiem ſtudemus,
 eruditione & virtute, quam an-
 nis provectiores, χειραγωγίαν κλινικὴν
 adeptis, expeditum iter eſt; ſerò
 molunt Deorum molæ, ſed benè
 comminuunt; egenis operam
 largimur gratioſè ac manum por-
 rigimus;

(σ) Hippocr. de dec. orn. 5, 1.

(τ) Dan. 5, 22, 23.

rigimus ; opulentiores & Magnates, honores, famam & munera satis condigna, præbent ; pauperum placentæ, horumque morbi, longè olent ; divina freti ope , periculis cluctamur fortunatis, in morte etiam Deo confisi, quod imperatorem stando, hoc est, plenâ in vulnera Christi fiduciâ, mori oportet.

Præsens Nobilissimus Dom. Author, præcepta universæ Medicinæ, brevi & sententiosa oratione, imitatus hâc re Hippocratem, methodo perquam elegantî, nec operâ inutili tradere voluit, ut in Nuce Medicinam, amplam aliâs satis & difficilem Institutentibus æquè ac Instituendis, exhiberet, illis quidem, ut ex uno
for-


fortassis alterove aphorismo ,
prælectionum suarum discursus,
haud injucundè nectant forment-
que ; his vero , ut memoriæ in re
gravi , dicendi genere succincto
confuleret , & lectioni simul Hip-
pocratis assuefaceret , si , quod bre-
vis esse voluit , obscurus Tibi non
nunquam videatur , lege & rele-
ge , Te operæ , spondeo , neuti-
quam poenitebit , mirabere Ejus
ingenii acumen mecum ac festi-
vitatem , solertiam omni laude
dignissimam , qua re profectò Su-
periorum suorum favorem & gra-
tiam , auditorum autem & disci-
pulorum omnium amorem , ve-
nerationem & fiduciam , com-
meruit ; haud proletaria Viri hu-
jus Eruditio , rei Medicæ incre-
men-

mentum polliceri non leve mihi
quidem videtur, siquando ro-
bustior ætas, experimentis ulte-
rioribus suffulcire omnia ac cor-
roborare, per Dei gratiam ipsi
concefferit: Valete optimi Phi-
liatri! vestrisque usibus alacre
inserviendi Bibliopolæ nostri
studium, favore justo prosequi-
mini, maximè cum Ejusdem Ex-
cellentissimi Dom. Boerhaavii,
De cognoscendis & curandis
morbis Aphorismos recudi, hâc
ipsa formâ, etiam fecerit. Dabam
è museo: Francofurti ad Mœ-
num, d. 21. Mart. 1710.

HERMANNI BOERHAAVE

Π Ρ Ο Λ Ε Γ Ο Μ Ε Ν Α

*De Ortu Medicina, Ejusque Naturâ,
& Fatis.*

1.  Njurix Aëris, natura Alimen-
torum, & potulentorum,
Vis corporum irruentium,
Actiones vitæ, Fabrica de-
nique compagis Humanæ effecere cœvas
mortalibus ægritudines, quamdiu eâ, quâ
nos, lege vitam egerunt.

2. Præsentia morbi impulsu quodam au-
tomatico cogit corpus ipsum ad applicatio-
nem auxiliorum. Ut in Brutis & Homini-
bus. Perceptio molesta motus impediti in
quibusdam membris, vel doloris in parte læ-
sâ impulit mentem ad inquisitionem & appli-
cationem remediorum.

3. Hinc Ars medendi primò nata; quæ,
explicato sensu, semper & ubique fuit.

4. Historiæ autem priscæ monumenta
referunt, Chaldæis, Babylonis, Magisque
ita primò exultam fuisse, ut præsentis mor-
bos tollere, venturos avertere intenderint.

A

Hinc

2 ΠΡΟΛΕΓΟΜΕΝΑ DE ORTU MED.

Hinc in Ægyptum, ex hâc in Græciam derivatam inter hos floruisse maximê in Cnido, Rhodo, atque Coörum Insulâ.

5. Prima rudimenta condendæ Artis Casui fortuito, Instinctui naturali, atque Eventui non præviso debentur.

6. Progressus debetur α. memoriæ effectuum, quos observârant. (N. 5.) β. Descriptioni malorum & auxiliorum in tabulis templo Deorum affigendis γ. Expositioni ægrorum in triviis & foro, δ. & Ratiocinio â simili.

7. Major perfectio Arti nata α constitutione Medicorum, β annotatione exactâ morborum, γ accuratiore observatione & applicatione remediorum. Tumque certis familiis Gentilitia honori fuit & emolumento.

8. Tandem incidendo cadavera fabrica sanorum, causæque morborum abditæ, sed proximæ, indagatæ sunt; sanitatis & morborum causæ evidentes magnâ industriâ quæsitæ; horum ortus, incrementa, status, decrementa, exitus, permutationes, notata; Medicamentorum electio, præparatio, applicatio, vires, eventus observata; imô & viva secando animalia Democritus ætatem contrivit, & Hippocrates coætaneus omnia prædicta adunando Corpus Medicinæ Græcæ

con-

condidit, ex Ægyptiacâ, Cnidiâ, Rhodiâ, Coacâ & propriâ conflatum.

Hoc in statu perdurans diu, aliquando variis partibus, vario successu, accuratius exculta a variis Artificibus, vario tempore, tandem à Galeno in formam disciplinæ est redacta accuratius, quam prius ab Aretæo.

Talis permansit fere usque ad tempora Arabum, qui in Africâ Scholam exstruxere Medicam. Hi dein sunt interpretati tantum Galenica, & sequentia secula sequacia habuere.

9. Donec Doctrina eorum emendata & refutata fuit duobus mediis: 1. renovatâ disciplinâ Hippocraticâ in Academiis Gallicis. 2. Experimentis Chemicorum, maximè Paracelsi, dein Helmontii Patris & aliorum.

10. Tandem Mechanicis, Physicis, Chemicis, Botanicis, Anatomicis promota, liberaque ab omni sectâ hodiê colitur.

11. Ex quibus constat:

1. Antiquissimam Medicinam ortam ex solâ collectione fidei experimentorum.
2. Postea cogitatum de causis horum indagandis legeratiocinii.

3. Priorem partem semper fuisse eandem necessitate, usu, evidentiâ; posteriorem

4 ΠΡΟΛΕΓΟΜΕΝΑ DE ORTU MED.,
mutabilem, & in quâlibet fere parte a-
liam.

12. Finis Artis evitatio dolorum, debi-
litis, mortis: adeoque conservatio sanita-
tis præsentis, restitutio absentis in Homine:
hinc quidquid in hâc Arte sciendum vel
agendum, uni huic scopo inservire debet.

13. Objectum Artis Homo, ejus Vita,
Sanitas, Morbi, Mors, horum Causæ, qui-
bus oriuntur, Media, quibus diriguntur.

14. Medicina ergô est Scientia eorum,
quorum applicatione vita & sanitas conser-
vantur, vel sanitas amissa redditur.

15. Necessitas, Utilitas, Nobilitas Ejus
ex dictis per se patent.

16. Media, quorum effectu hæc scientia
acquiritur sunt duo hæc:

1. Observatio accurata omnium, quæ
in Homine Sano, Ægroto, Moriente, Mor-
tuo fiunt tam ab iis, quæ in eo sunt, quam
ab iis, quæ Arte, vel casu per externa in eo
producuntur.

2. Ratiocinatio exacta, quâ ea, quæ in ho-
mine fiunt abscondita sentibus, vel facien-
da sunt, investigantur, demonstrantur: quod
ut fiat, data experimenta, singulatim expen-
sa, comparanda sunt inter se; notanda omnia
seve-

severitate Mathematicâ, quæ in iis contenta inde clare deduci possunt : Talesque dein conclusiones ut veræ, sine erroris scrupulo, adhibendæ.

17. Ut in corporeis quæ sita ex datis investigentur, principia quædam adhibenda, quorum ope demonstratio fiat. Hæc clara, distincta, certa que esse debent; talia sc. sunt Mechanica, Corpus, Figura, Motus, Viresque horum exploratæ, vel demonstratæ.

18. Circâ explicationem eorum, quorum ratio ex his reddi nequit, aliter se res habet: quod ut noscatur, sequentia expendenda postulata.

19. A. Homo constat Mente & Corpore unitis.

B. Quorum utrumque naturâ ab altero differt.

C. Adeoque Vitam, Actiones, Passiones diversas habet.

D. Tamen uniuntur eâ lege, ut multæ cogitationes Mentis determinatis quibusdam motibus in corpore jungantur, & vicissim.

E. In Mente quædam cogitationes ex naturâ puræ mentis fluunt, quædam ex unionem cum corpore.

F. In Corpore exercitationes quædam quo-

6 ΠΡΟΛΕΓΟΜΕΝΑ ΔΕ ΟΡΤΥ ΜΕΔ.,

rundam motuum fiunt sine attentione, conscientiâ, vel imperio mentis ad eas, ut causâ, concurrente ; aliæ per actiones mentis varie determinantur, aliæ mixtæ sunt.

G. Quæ in homine cogitationem involvunt, Menti, ut principio, adscribenda.

Quæ extensionem , vel motum, involvunt, Corpori, ejusque motui adscribenda, per ejus proprietates investiganda, & demonstranda sunt.

H. Neque ex essentiali ideâ Mentis potest dari ratio, cur in Corpus agere, cur ab eo pati queat.

Neque ex essentiali ideâ Corporis dari potest ratio, cur in Mentem agere, cur ab ea pati queat.

Hæc autem solâ observatione effectuum constant ; adeoque eorum allegatio nihil explicat.

Ergo, si solutio Problematis Medici eoque data, ut modò restet demonstrandum, quomodo fiat hæc unio, satisfactum erit quæsito ; id enim sufficit Medico, (12.) ulteriorque inquisitio impossibilis.

I. Neque ultimæ Metaphysicæ, neque ultimæ Physicæ Causæ, Elementa, Formæ rerum primæ, Origo motus, Medico (12.) investi-

vestigatu necessaria, possibilia, vel utilia sunt.

K. Supponatur veritas demonstratorum Anatomicorum, Chemicorum, Mechanicorum, Physicorum, quoad facta.

L. Supponatur, incipiendum a simplicissimis, certissimis, cognitu facillimis, peragendum ad ea, quæ his immediatè junguntur, hâcque lege progrediendum ad ultima, composita, obscura.

M. Supponatur, Artis Inventori ab individuis ad universalia, Docenti verò â generalibus ad singularia procedendum esse.

20. Hinc patet ordo dicendorum. Quia enim Homo Mente constet & Corpore unitis. (post. A. D.) & Corporis affectiones sensui fere obviæ. (16.) adeoque hîc certissimæ. (11. 3.) erit primò agendum de Corpore. (post. K.) In quo, dum duplex affectionum genus, (post. F.) & merè corporeum simplicissimum, (ut per se patet) erit primò agendum de merè corporeis. (post. K.) Ea vitam, sanitatem, morbosve spectant corporis : Ergò primò de Sanitate & Vitâ, dein de Morbis agendum.

21. Prima ergò Medicinæ totius, (14.) adeoque Institutionum Medicarum, pars docet structuram Corporis humani, viventis, sani. Demonstrat itaque. A 4 1. Ea,

1. Ea, ex quibus conflatur.
2. Ea, quæ ejus faciunt vitam.
3. Ea, quæ ejus faciunt sanitatem.
4. Effecta, quæ ex his sequuntur.

Vocatur ea pars φυσικολογία, Οικονομία animalis.

Objecta hujus partis, enarrata mox, dicuntur *Res secundum naturam*.

22. Altera pars demonstrat morborum

1. Naturam, Classes.

2. Causas.

3. Effecta.

Vocatur παθολογία.

Objecta Ejus, *Res prater naturam*.

23. Tertia, quam ordo requirit, pars docet, 1. Quanam sint, 2. quomodo in usum vocanda ea, quæ in sano vel ægro observata indicant, *An, quis, qualis* fuerit, sit, erit gradus, tempus, effectus sanitatis mor-bive.

Vocatur σημειωτική.

Ejus objecta *Res naturales, non naturales, & praternaturales*.

24. Quarta pars docet media, tuendæ sanitati, & producendæ vitæ apta, invenire, applicare.

Vocatur ὑγιεινή.

Ejus

ENUSQ. NATURA, ET FATIS. 9

Ejus objecta res non naturales inprimis.

25. Quinta pars docet auxilia invenire & applicare, quæ sanitati restituendæ apta & pellendis morbis.

Vocatur *θεραπευτική*, sub quâ *διαγνωστική*, *φαρμακευτική*, *χειρουργική*, *μεθοδὸς ἰατρική*.

26. Discenti, docentique commoda hæc Artis divisio, naturæ rei satis congrua, adeoque ad ejus distributionem materiem partiemur dicendorum.

Φ Τ Σ Ι Ο Α Ο Γ Ι Κ Η.

27. **C**orpus humanum constat duplici partium genere, *Solidis*, *Fluidis*.

28. *Solida* vel vasa sunt, *Fluidas* coërcentia; vel *Instrumenta mechanica* eâ lege figurata, & inter se connexa, ut ex definitâ hâc positione determinatî quidam motus exerceri queant; quæ motuum exercitatio Functio dicitur. Adeoque solida hæc nobis repræsentant *Veêtes*, *Trabes*, *Fulcimenta*, *Funes*, *Folles*, *Præla*, *Plana inelinated*, *Trochleas*, *Filtra*, *Cribræ*, *Canales*, *Receptacula*. Ergò solidarum in nostro corpore partium actiones juxta leges mechanicas exercenrur,

A 5

& per

& per eas solum explicari possunt.

Fluida omnes intrâ illa vasa continentur, moventur, in motu determinantur, miscentur, separantur, mutantur, tum illa vasa movent cum suis annexis Instrumentis, horum parietes deterunt, mutant, detrita restitunt.

Ergo harum fluidarum actiones juxta leges Hydrostaticas, Hygrometricas, Hydraulicas, & Mechanicas exercentur.

Ergo per eas inprimis proprietates generales fluidorum explicari possunt, habitâ semper accuratâ simul ratione specialis cujusque fluidi per experimenta noti.

29. Per vitam hic, vulgato sensu, primô tantum intelligo eam Corporis, quoad solida & fluida dispositionem, à quâ motus fluidorum per solida fit & sustinetur ille, qui præcise requiritur ad hoc, ut mutuum commercium inter mentem & corpus sustineri quodammodo queat, neque necesse sit id omnino tolli. Veram enim vitæ definitionem hætenus, hic loci, dare nequeo.

Sanitatis nomine designo eum statum corporis, per quem fluida per vasa ita moventur, & solida movent, ut nulla inde ingrata menti perceptio, nullum functionum

(E.F.

(E. F. postulat. §. 19.) impedimentum, confer (28.) Ergò hæc duo explicare absolvit φυσιολογία.

30. Id ut fiat, omnia phænomena colligenda Vitæ, Sanitatis; Tum inquirenda instrumenta, per quæ, Causæ, à quibus fi-
ant, Effectusque, quos rursus produciunt.

31. Quum verò hæc ipsa innumera sint, doctrinæ ratio ea ad quædam capita revocare debet, ut ordine de singulis singulatim agatur.

32. Incipiendum à merè corporeis.

33. Illa autem *Mari & Famine* communia, vel alterutri propria. De prioribus primò agendum.

34. Hæc rursus fiunt vel in corpore producto & adulto, vel in eo, quod produ-
citur, de priori prius dicetur.

35. Illa autem ipsa dum tractantur ita coherere, ut, circulo quasi, mutuas causæ vices & effectuum gerant. Quæ difficultas evitari nequit.

36. Agemus ergò primò de his, quæ in Homine vivo, sano, adulto corporea fiunt. Corpus perit citò, nisi assumtis restituatur quotidie.

Illæ, quæ ingeruntur, sensibus patent.

Horum mutationes observari possunt,
Hæc mutata corpus hominis faciunt.

Ergò id corpus optimè noscemus incipiendo ab alimentorum assumptione, & mutatione successiva, donec faciant tandem corpus ipsum.

37. Quæ restituundo corpori assumuntur, solida sunt, vel liquida, adeoque vel esculenta, vel potulenta.

Horum materies Primævis aqua, & sponte nata ex terra, id Historia Sacra, Profana, Fabularis, ipsaque rei natura docet.

Dein animalium solida & nonnulla liquida unâ cum esculentis terrâ natis præparantur.

Imò Gentes quædam solis Piscibus, aliæ solis Vegetabilibus, & Homines solo gramine sustentati leguntur.

Quum verò omnibus his, mistis vel separatis, crudis vel præparatis, utatur Homo; quum eorum usu vigeat, vivat, vegeat, reficiatur corpus Hominis; Quum tam vario victu utentium sensiles qualitates vix differant; liquet omnia illa terræ, aquæ, marisque producta mutari posse in liquida & solida Hominis.

38. Rerum deinde usus docuit, hanc cibi
in

in Hominis corpus mutationem (37.) facilius procedere in variis esculentorum generibus, vel in iisdem præparatis ante assumptionem.

Hinc cerealia mundata tritu, subactu, fermento, igne nutritioni aptant. Partes Animalium mundatas tundendo, aëri exponendo, coquendo, assando, frizando, condiendo præparant.

Condimenta, & varietatem potus præparandi docebit ὕμνησιν.

In Fructibus vix ulla præparatio præter maturationem, Natura, vel Arte, factam.

39. Effectus omnium illarum præparationum, (38.) partium separatio, imminutio, mistio, dispositio propior fluiditati, crassiorum a liquidioribus secretio, in quibus nutrimentum.

M A S T I C A T I O.

40. **C**ibi sic immutati in Ore novam induunt speciem, quam Organa Oris eis conciliant, hæc maximè morfu fit & masticatione, quæ fit:

I. Deductione maxillæ inferioris à superiori per contractionem duorum musculorum gracilium, biventrium, oblongorum, qui orti ex parte superiori processus ma-

stoides & ad styloides, desinunt in tendinem rotundum, qui transit stylohyoidæum & ligamentum annulare affixum Ossis Hyoidis, hinc novo ventre descendit in medium internum extremi menti. (Vesal. L. 2. T. 5. Litt. H. I.)

2. Compressâ & adductâ maxillâ inferiori ad superiorem per contractionem musculorum 1. Temporalium, qui orti ab ossibus Verticis, Frontis, Temporum, & cuneiformi, valido, curto tendine se inserunt supremo acuto processui maxillæ inferioris. (Vesal. L. 2. T. 5. L. B.) 2. Masseterum, qui Triangulares, crassi, curti musculi, orti ex osse jugali & maxillæ superioris ad angulum oculi minorem, unde ad aurem usque excurrunt, & tendines affigunt maxillæ inferioris margini inferiori, exteriori, ab angulo usque in medium variis & se mutuô ad acutos angulos secantibus fibrarum directionibus. (Vesal. L. 2. T. 5. L. D.)

41. Incisi per dentes incisivos, pro bolo commodo, cibi arêtantur in ore labiis & genis per suos musculos leniter ad mandibulas compressis, maximè ope sphincteris Labiorum & Buccinatoris. (Vesal. L. 2. T. 4. Lit. M. N.) Tum ope Linguae suis actæ musculis

musculis (Malpig. de Ling.) continetur atque invertitur intra superficiem latam, inæqualem, concavam, acuminatam dentium molarium, ubi detentus motu maxillæ inferioris premitur, teritur, attenuatur; ad quos effectus concurrit 1. motus comprimens (40.) 2. motus antrorsum ope pterygoïdeorum externorum, qui ex parte exteriori Alæ Vespertilionum orti, retrorsum progressi inseruntur inter processum condyliformem & coronam, (Vesling. Tab. Cap. XIII. Fig. 11. Litt. E. E.) & ope variarum fibrarum in temporalibus & masseteribus. 3. motus retrorsum per varias fibras Temporalium, Masseterum, Biventrium determinato concursu agentium. (40.) 4. motus ad latera, qui fit musculis pterygoïdeis internis, qui ex internâ parte processus vespertilionis orti, valido tendine inseruntur posteriori interiori parti maxillæ circa angulum (Vesal. L. 2. T. 6. L. D.) quin liquet pro vario concursu simul agentium variari effectus eorum. Sic cibus atteritur, Linguâ inter molares determinatur, variæ ejus partes variis exponuntur tritibus, masticatio fit.

42. Hoc motu masticationis cibus mutationes

tiones similes (39.) contingunt. Sed & partibus Oris multæ aliæ scitu necessariae.

43. Juxta parotidem conglomeratam alia est conglobata, unde saliva in Os ductu in genis patente circa tertium molarem superiorem, (Sten. Observ. Anat.) & ex maxillaribus, (Wharthon. c. 21.) atque sublingualibus Bartholini (Philosoph: Trans.) faucium, palati, sublingualibusque simul mucus & saliva, (Schneider. de Catarrh. L. 3. S. 2. c. 111. fig. 2. 3. 4.) in os manat, quæ sanis sponte semper præstò est.

44. Dum ore continetur, saliva valde spumosa; esurientibus copiosior, fluidior, acrior; jejulantibus valde detergens, pustulas, maculas, cicatrices tollens, pasta panis mista hanc fermentat; mista succis vegetabilium eos facit fervere & in spiritus inflammabiles mutari; Brutis, dormientibus, & sanis deglutitur; spuitione voluntariâ nimis secreta ἀροεΐαν, δυσπνεΐαν, ἀτρεοΐαν creat; sanis insipida; aquâ, sale, spiritu constat exhalatione Chemicâ cognoscendis.

45. Motu masticationis attenuatis cibis (41.) saliva suis fontibus expressa (42. 43.) admiscetur, hæc liquido arterioso orta similis

milis est liquidis per nostra vasa motis. (44.)

Ergò hæc permistio facit,

1. Ad similitudinem corporis nutriendi.
2. Ad miscibilitatem oleosorum cum aqueis.
3. Ad solutionem salinorum.
4. Ad speciem fermentationis.
5. Ad saporum, odorumque mutationem.
6. Ad inductionem motus intestini.
7. Ad refectionem momentaneam.
8. Ad sapida applicanda, quum insipida sit.

46. Tot ergò effectibus utilis, tot elaborata artificiis, male, excrementum habita, rejicitur.

47. Motu masticationis (41.) & permistionis salivæ (45.) aër miscetur intra massulas pastæ, qui dein elasticitate, fluiditate, gravitate nativis, calore corporis excitatis, & variatâ omni momento pressione varians, separationem, attenuationem, fluxilitatem, motumque intestinum masticatæ massæ conciliat.

48. Voracia, Esurientia valde animalia minus masticant.

Languida, neque fame excitata, multum masticant.

Mastica-

Masticatione diu exercitatâ cibi sâpe jam in ore Chylum referunt, & tum longè citius sedatur fames.

Hinc liquet, actionem hanc & necessariam, & salutarem admodum esse.

D E G L U T I T I O.

48. **S**Ubaeti, permisti, attenuati, satisque jam humidi cibi versus fauces protruduntur 1, claudendo os per constricta hujus labia, ope sphincteris labiorum, & arctando cavum oris per musculos Buccarum & Labiorum, quibus genæ & labia gingivis dentibusque applicantur; qui sunt Buccinatores, Zygomatici, Elevatores & Depressores Labiorum, si agunt simul, (40. 41.) 2. apicem Linguae, extensæ per genioglossos & geniohyöideos, (Vesling. Cap. xi. Tab. Fig. xiii. Literâ BB. CC.) applicando ad palati anteriora & successive ad posteriora, ope Myloglossorum, Styloglossorum, (Vesling. C. xi. F. xiv. L. DD. EE.) atque stylohyöideorum (id. ib. Fig. xiii. L. EE.) tumque simul pressionem urgendo per Basioglossos & Ceratoglossos (ibidem Fig. xiv. L. BB. CC.) eâque operâ bolus pressus, expulso simul succo lubrico linguae, & palati, (Schneid. L.

3. S. 2. C. 3, Fig. 2.) atque juvante motum palati figurâ & superficie, fertur usque ad radicem Linguæ, ubi appulsus irritat facile convellendos musculos Geniohyöideos, Mylohyöideos, & Stylohyöideos, unde vi attollitur radix linguæ, Larynx & os hyöides (Vesling. C. XI. F. XIII. L. BB. EE.) simul in contractionem agit Pterygostaphylinos externos (ibid. F. xv. BB.) & internos, (Ibid. L. CC. & Fallopp. in Observ.) unde sublatus, explicatus, & ad postica retractus, gargareon & palati velum claudunt nares. 3. Tum hâc elevatione bolus vi impactus in velum pendulum palati, (ibidem fig. xv.) foramina narium occludit, epiglottidem deprimit, (ibid. Fig. 1x. x. L. A. A.) & Laryngis versus mentum elevatione, pharynx explicatur versus anteriora, in circumferentiâ verò ope 6. muscutorum, Stylopharyngæorum, Sphenopharyngæorum, & Cephalopharyngæorum (Vesling. C. III. F. II. III. L. AA. BB. CC.) & relaxatione sphincteris œsophagici, (ibid. L. DD.) unde manifestâ actione truditur in gulam bolus apertam. Laxantur omnia instrumenta musculosa huc usque hoc §. descripta, agunt horum
antago-

antagonistæ coracohyöidei, (Vesling. C. XI. F. XIII. L. F. F.) sternohyoidei (id. ibid. L. DD.) stringitur sphincter Gulæ & in cavo œsophagi hæret masticatus bolus.

49. Interna Tunica œsophagi glutinosa, villosa, nervea, alba, tenuissimè fibrosa, glandulosa, liquorem salivâ pinguiorem perpetuò fundens, maximè ubi contractis suis fibris exterioribus, constricta, cibos amplectitur: verè musculares, obliquè decurrentes, a summâ parte œsophagi in initia ventriculi usque fibræ secundæ tunicæ carnosæ supernè à sphinctere ad inferiora fistulam arctantes bolum lubricâ viâ detrudunt, ad orificium ventriculi, cujus fibræ eodem momento relaxatæ ipsi ventriculo admittunt impelli. Interim continuatur gustus; liquor œsophagi glandularis simul exprimitur ex tunica interiori & admiscetur; quæ tunica ad 3, digitorum spatium ventriculum internè investit. (Willis Pharm. Ration. Sect. I. Cap. II. Malpig. de Gland. Congl. pag. 8. 9. 10. Edit. Lond.)

D I G E S T I O G A S T R I C A,
STOMACHI FUNCTIO.

50. **T**unica ventriculi cibos amplectens, parte concavâ aspera, villosa.

losa, tubulosa, nervosa, rugosa, & glutine obsita est; parte convexâ ornatur arteriis ex arteriâ cœliacâ, glandulis ad has ortis, & nervis in fibras sparsis.

℞. Tubi concavæ partis evomunt perpetuò liquorem tenuem, subalbum, spumosum, spiritibus divitem, salsum sine acido vel alcalino, in esurie diu sustentatâ acrem, spumantemque, secretum glandulis partis convexæ impetu sanguinis cœliaci.

γ. In homine sano rugosa & inæqualis valde hæc tunica, ubi inanis ventriculus, & musculosa tunica contracta est, retinet cibi reliquias sensim acriores futuras, &, si ex vegetabilibus, fermenti vicem gerentes, unde lac acescit in stomacho.

δ. Saliva oris, œsophagique ex suis emissariis stillans (43. 44. 49.) continuo in stomachum rivo, vel deglutitione depluit.

ε. Voracissimis animalium Falconi, Accipitri, Aquilæ, Cani, Homini, liquor ille stomachi insipidus est vel subsalsus leviter.

ζ. Quo voracius animal, eo minus masticat, molaribus fere caret, & hoc nervosum magis carnosumque ventriculum obtinet. Adeò ut avi rapaci saliva oris, dentesque desint & glandulæ (50. α.) ventriculi; sed in intestino,

22 DIGESTIO GASTRICA,

testino, quod ducit devorata in stomachum, sunt glandulæ plures Salivæ similem liquorem eructantes. (Malpig. Posth. p. 28.)

§ 1. Adeoque saliva Oris perpetuò deglutita, liquor œsophagi continuò stillans, lymphæ stomachi semper eructata, reliquæ ciborum præcedentium cibis deglutitis miscentur, unde ope caloris humani simul dilui, macerari, tumescere, moveri, attenuari, ferè dissolvi, & meatibus corporis, per quod fluunt, aptati reddi possunt.

Imò ope aëris (47) expansilis calore corporis expandi, spumosi, porosi reddentur.

Tamen inde vix demonstratur causa cibos in succum album, turbidum convertens in his, qui vix masticantes ingesta frustra satis tamen feliciter digerunt.

§ 2. Illa causa ut pateat, opus erit speculari fabricam & inde sequentem actionem reliquorum instrumentorum, quæ in ventriculo, eumque constituunt; Tum eorum, quæ ei adsunt, & in eum agunt.

Comparatio Rapacium, avium voracium & ruminantium structuram humani stomachi mirè illustrat.

§ 3. Post tunicam internam (50.) alia sequitur muscularis, fibris nervosis crassis, robustis,

robustis, elasticis, fortis, minor in inani stomacho.

α. Fibrae hujus in convexâ parte ambiunt totum stomachum serie perpendiculari fere ad longitudinem ejus, videnturque spirales esse circumtorti ventriculo.

β. In parte concavâ fibrae ejusdem membranæ ab uno ore ventriculi in aliud tendunt; hæc ora ad se mutuô ducunt, & conjungunt alias fibras spirales. (Willis Pharm. Rat. P. I. S. I. C. 2.)

54. Post hanc tunica fibris instructa, quæ ductu parallelo figuræ infimæ stomachi. Quam investit illa, quæ à peritonæo tenuis admodum est. (Willis ibid.)

55. Fibrae (53. 54.) distendente cibo expansæ, renixæque cibos immisos, si idonea est horum copia, amplectuntur, moli horum se accommodant, servantque utcunque ordinem assumptorum primo digestionis tempore.

Fibrae (53. β.) ora ventriculi claudunt vel arctant, fibrae (53. α.) arctant & contenta premunt; eaque quæ ventriculo insunt (51.) premunt, cogunt, & variatâ contractione miscent, minus cohærentia liquidis eliquant, tenacia acribus dividunt.

Varia

Varia series fibrarum contractæ simul, vel successivè secundum omnem superficiem partes jam maceratas per liquida calida perpetuò miscent, dividunt, mutant, vasa vel solida ciborum destruunt, fluida & solubilia, iis contenta, exprimunt, reliquisque diluunt fluidis. Adeoque est hîc similis operatio Pharmaceuticæ Emulsioni.

Tali motu fere solo utuntur multæ aves & feræ (Harvæ. de Gen. animal. p. 21. Edit. Lond.) Talis motus species cernitur & auditur in multis animalibus vivis. (Borell. Mot. Anim. P. 2. C. xvi.) Talem adesse docet fabrica nervosa & musculosa stomachi.

Adjumenta sunt α. Calor ambientium fovens. β. Vis moti perpetuò septi transversæ. (vid. I. §. 438. ad 448.) γ. motus internus Hepatis δ. Pancreas, Omentum, Intestina, Mesenterium &c. substrata. ε. Aortæ & Cœliacarum pulsus. η. Motus musculorum abdominis. ζ. Vis & liquidum nervorum.

§ 6. Dum ergò liquor diluens, Vis conte-rens, vas coërcens simul agunt in materiem non adeò duram, facile ex his demonstrantur ea, quæ fiunt in stomacho, nempe:

Mobiliora humidis mista, lævigata, in
fluorem

DIGEST. GASTR. STOM. FUNCTIO. 25
fluorem soluta, pressaque sensim, quâ data
porta, exprimi prius.

2. Tenaciora remanentia eâdem vi, iis-
dem liquidis sensim in fluida conversa ea-
dem subire phænomena.

3. Summè tenacia, ut fibras animalium
& vegetabilium, horumque pelles & liga-
menta exsucca reddi.

4. Ex cibis vegetabilibus, animalibusque
resolvendo rursum fieri liquorem sanguini
similem.

5. Citam instaurationem Virium langui-
darum, maximè à tenui materiè oscula in-
gressa vasorum, quæ in venas Lymphaticas
vel sanguiferas se evacuant.

57. Solvitur simul problema de causis
huius actionis, calore, fermento ventricu-
li, liquore acido vitali, & vitam inspirante,
mediis eam promoventibus vel impredienti-
bus. Undè tot lites.

58. Motu compressivo ventriculi liqui-
diora, concoctu facillima per pylorum ce-
dunt: digestum haud exspectat id, quod
nondum concoctum est. Cibisque rarô pla-
nè vacuus stomachus est.

DIGESTIO INTESTINALIS.

59. **U**T cognoscatur, quid cibus jam in
chylum mutatis in intestino duo-

26 DIGESTIO INTESTINALIS.

deno accidat, attendere oportet ad fabricam hujus fistulæ, humores eo delatos, vasa evacuantia, motum.

60. Ab angusto protensa pyloro in latius adnectitur corpori breviori mesenterio ab unâ parte suæ longitudinis.

Tribus diversis tunicis conflatur. Interior cavum constituens parte cavâ est villosa, extantibus vasculis à sanguiferis oriundis, rugosa, porosa pro lacteis, porosa pro villis, porosa pro glandulis, aliis ambientibus tunicis triplo fere longior, hinc rugosa non modò; sed valvulosa, imprimis in tenuibus, ubi valvulæ plures, majoresque, maximè circâ nexus mesenterii. Parte convexa glandulosa est, nervosa, & vasculosa.

Quæ hanc ambit fibrosa, carneaque, duplici fibrarum motricium serie instructa, annularibus mesenterio, ut tendini, insertis, rectis extimæ tunicæ adjacenti, ut tendini, insertis.

Extima verò membranæ est peritonæi productio. Hæc communia reliquis tenuibus.

61. Propria verò illi rectitudo, crassities, angustia, perforatio ad finem duobus foraminibus, uno pro meatu bilis communi, altero pro succo pancreatico. BILIS

BILIS FUNCTIO.

62. **L**iquor triplex hic loci influit, bilis Hepatica, bilis cystica, liquor pancreaticus.

63. Vesicaria bilis crassior, obscuro-nigrior, amarior, non fluens perpetuô, copiâ pressione externâ, irritatione excernitur. Hepatica dilutior minus nigra, minus amara, jugi fluore stillans. Pancreatis Lympha perpetuô fluit. In longa inedia ex his confluentibus, accedente liquore oris, œsophagi, ventriculi, fit liquor, qui motu (55. 60.) spumescit.

64. Bilis putredini acidæ resistit, alia ab eâ præservat. Saponacea abstergit. Oleosa aquæ miscenda reddit. Tenacia diluit pictoribus; neque alcalica, neque acida est; sed oleosa composita, neque tamen combustilis: nullus liquor acrior in corpore, nisi excrementum sit.

Unde effecta ejus primaria:

Attenuare, abstergere, fibras motrices irritare, diversa miscere, acre salinum obtundere, coagulata resolvere, transitum per vasa expedire Chylo, appetitum excitare, fermenti vicem gerere, ingesta reparandis assimilare.

28 PANCREATIS FUNCTIO.

Cæteræ ejus proprietates descripto demum Hepate patent.

PANCREATIS FUNCTIO.

65. **S**Uccus Pancreaticus (63) insipidus, vel salsus, limpidus, copiosus, continuus, salivæ similis, neque acidus, neque alcalicus est.

Bili mistus non fervet ad oculum, eodem tubo aliquando delatus fertur sine inflatione, & in vacua etiam intestina fluit.

Unde effectus ejus primarii :

Chylum, bilemque diluere, miscere, transitui per vasorum oscula aptare, acria diluere, bilis amarorem, coloremque mutare, chylum sanguini miscibilem reddere, menstrui & vehiculi vice fungi, sapores, odores, & singulares ciborum proprietates ita mutare, ut unam induant indolem.

66. Qui ex glandulis intestinalibus stillat liquor, admodum similis videtur priori. (65.)

CHYLI SECRETIO.

67. A. **C**ontractis fibris rectis Peritonæi tunicæ insertis, ut tendini, (60.) rugosa fit fistula intestinalis, maximè in parte à mesenterio averâ, hinc ex spirali tubo magis in cylindri recti figuram abit, ergo

ergo concava pars laxatur, convexa arctatur, ergo meatus mesenterio proximi, id est ora lacteorum dilatantur, ergò fluidiori, mobiliori, lubriciori Chylo via aperta, quam intrare possit.

Eâdem contractione valvulæ augentur, sibi mutuò appropinquant, Chylum interceptiunt, cava claudunt.

B. Contractis spiralibus mesenterio, ut tendini, insertis (60.) cylindrica spatia (67. A.) arctantur, & auctis valvulis (67. A.) clauduntur, ergò Chylus pressus, & interceptus adigitur versus loca mesenterio propinquiora, id est in ora lacteorum: accedunt adminicula (55.) .

C. In lacteas duodeni, absque multâ mixture, vel mutatione, purus Chylus liquidissimus intrat.

68. 1. Chylus ergò lactea intrans non modò constat cibi potusve dissolutis partibus; sed saliva, liquor faucium, œsophagi, ventriculi, bilis Hepatica, bilis vesicaria, succus pancreatis, liquor intestinorum, deglutitione, transudatione, effluxu, vel sola, vel mista chylo venas lacteas ingrediuntur, licet à pastu tantum conspicuas.

2. An aliquid Horum venas meseraicas ingrediatur, docet harum numerus, amplitudo, liquoris diversitas, fluor in venam portam, ut in arteriam. Tum notata copia liquorum, quæ intestina perpetuò intrat, quæ neque lacteis recipi, neque alvo expelli observatur. Tum anatome comparativa, pennatis lactea negans, & aditum ex cavo intestinali in meseraicas demonstrans.

69. Quum ita cuncta mutationis phænomena, quæ experientia observat cibo, potuique contingere ab assumptione horum, usque ad introitum eorum in lactea, simpliciter, clarè & distinctè demonstrari queant ex solâ fabricâ vasorum, cognitâ indole affluentium liquidorum, horumque sensu cognitis, vel mechanico ratiocinio inventis viribus, quid opus obscura, dubia, rationi & experimentis dissona postulata implorare ad horum explicationem? ut Calor stomachi Coquus. Acor vitalis & volatile reddens stomachi. Archæus faber. Bilis acidum Chylum in alcali volatile falsum convertens. Acor pancreaticæ lymphæ, & cum bile fervor. Præcipitatio Chemica Chylum depurans. Facultates Peripateticorum,

corum, Galenicorum, Chemicorum, fervores, effervescentiæ, fermentationes, & innumeræ tales Hypotheses damnosæ, dum regulas faciendæ medicinæ arbitrarias distant.

FÆCIS ALVINÆ EXCRETIO.

70. **P**Artes assumptorum majori nixu co-hærentes, quam ut causis enarratis masticationis, Chylosiosque tollatur, absorpto liquidiori, motu intestinorum tenuium, 37. palmas longitudine fere æquantium, in loca sensim angustiora pelluntur, premuntur, teruntur, diluuntur, emulgentur & successivè exhauriuntur, donec orbata omni solubili, exsuccæ usque ad intestinum Cœcum motu Iliaco pellantur.

Diverticulum Cœci, (Vesal. L. v. Fig. 6, 7. L. O.) Valvula Tulpii, (Tulp. Observ. L. III. Obs. xxI.) perpendicularis adscensus Coli, (Vesal L. v. Fig. 6. 8. L. N. P.) faciunt, ut stagnans hic loci quod à chylo superest, & supernè resistenti repressum, exhaustumque (Malpig. de Gland. conglob.) siccum, durum, foetidum demum stercus fiat, non prius tale. Valvulæ conniventes Coli, inflexio ejus, amplitudo, longitudo 8. palmarum (Vesal. L. v. Fig. 6. 8. L. N. O. P.)

32 FÆCIS ALVINÆ EXCRETIO.

Q. R. S. T. Y.) spatium concedunt colligendis, retinendisque fæcibus.

Robur carnosum hoc loco musculi valet irritatum dura, immobilia corpora per fistulam resistantem agere in Rectum.

Ubi hîc acrimoniâ, vel mole, vel utraq; stimulant robustissimas Recti fibras; spirales convulsæ expellunt comprimendo; longæ accurtant contrahendo; Sphincter laxatur; Levatores aperiunt dilatando. (Vesal. L. v. Fig. 8. L. a. b. c.)

Tum inspiratio, animæ retentio, Abdominis per musculos & diaphragma arctatio exprimunt fæces, adjuvante Sphincteris motu. Dein his laxatis Sphincter clauditur.

Lubricitas, pinguedo, valvulæ,crementa bilis, arteriarum meseraicarum, glandularumque intestinalium adjumenta præbent.

Et patet, cur saluberrimis alvus lenta, fæx dura & pauca, Hamorrhoides frequentes?

Item, cur deponens alvum vesicam exonerare cogatur? & acri in vesicâ laborans tenesmo vexetur?

CHYLI IN VENAS PROPULSIO.

71. **C**hylus verò (68.) motu (67.) apertis lacteorum osculis (67.) impressus,

pressus, ipso hoc motu, (67.) & adminiculis (55.) enarratis, movetur. Quum verò oscula hæc obliqua in intestina hient, (ut docet transitus flatui in intestina adactò in lactea denegatus) & minima sint, sola pars fluidior, solidior, alba, separata à parte crassiori, ramosiori, cinericeâ magis, intrabit, maxime quum prima lacteorum initia sine valvulis sint circa intestina, ut motus retropremens docet; & patet, cur tam variis Utens cibis non tamen statim æger, sed diu sanus vivat?

Cur homo à tam acribus, duris, acutis, non magis læditur? docet nota œsophagi, stomachi, Intestinatorum compages adeò diversa à structurâ reliquorum viscerum.

72. Causæ, (71.) Chylum in lactea adigentes, permanentes novam ejus portionem, impellendo priorem partem, ulterius propellunt, (71.) ut fluat per vasa posita intra duplicatum mesenterium, ubi seminulares valvulæ coërcent, & determinant.

73 Lacteæ plures minores ad angulos acutos coeuntēs majorem fluvium creant, qui idem cum aliis similibus patitur, & sic porrò. Hinc permistio, attenuatio, fluiditas augetur. Hæc Lactea primi Generis.

34 CHYLI IN VELAS PROPULSIO.

74. Dein rectâ, obliquâ, decussatâ viâ ad glandulas tendunt meseraïcas, ad eas concurrunt, has intrant, velant, cingunt, sed omnes denuò exeunt minus ramosæ, Chylo fluidiøre, aquosiøre turgidæ, valvulis pluribus distinctæ: sunt Lactea secundi Generis.

75. Non ergò secretio ibi, sed dilutio fit.

76. Nam ad eas glandulas Lymphatica ab omnibus abdominis visceribus tendunt, & in lactea se exonerant. (Malpig. Epist. de Gland. Conglob.)

77. Has transgressa lactea in pancreas. Afellianum coeunt miris plexibus, vix mutata inde emergunt.

78. Et paucis, sed amplioribus tubis ad glandulas abeunt Lumbares, in mesenterio ad vertebrae Lumbares appositas, ubi lymphâ infinitorum concurrentium vasorum Lymphaticorum dilutiorem Chylum in alveum Chylosum *Pecqueti* eructant.

79. Ligaturæ, Valvulæ, morbi lymphaticorum docent, ea hîc exonerare se lymphâ ab abdomine & inferioribus refluat.

80. Qui liquor non adeò serosa, sed aquosa imprimis cruoris pars, spiritibus, salibusque dives, ab omni crasso defæcata. Id
ejus

CHYLI IN VENAS PROPULSION. 35

ejus officina, vasa secretoria, & dotes sensibiles docet.

81. Sic dilutus Chylus causâ efficaci (71. 72.) in ductum *Pecqueti*, ex hoc in venæ Subclaviæ sinistræ cavum pellitur, ubi Jugularis in eam hiat, appositâ cornutâ semilunari valvulâ, & in hunc ductum omnis Lympha totius Thoracis refluit. (vid. *Afell & Wharthon. de Lact. Pecquet de Ductu Thorac. Lower. in L. de Cord. C. v.*)

82. Ergo quæ Chylo, viâ ab intestinis in venas mediâ, eveniunt, hæc sunt:

1. Lentior motus per intestina, & lactea; docet priorum laxa longitudo, & posteriorum numerus & exilitas; effectus defæcatio.

2. Motus externus impressus dissolvens quem docemur, & positurâ vasorum coëuntium, sejunctorum, reunitorum, (73.)

β. A motu diaphragmatis, musculorum abdominis, viscerum compressorum in tenuissimas membranas. &c. (55.)

γ. A calore humido ambiente, cujus effectus noti.

δ. Pulsu arteriarum mesentericarum, quæ omni via lacteis occurrunt, & has movent.

3. Dilutio. α. lymphâ glandularum me-

36 CHYLI IN VENAS PROPULSIO.

feræi. (75. 76.) *℞.* vapore rorifero.

2. Liquido forte nervorum meseraïcorum.

4. Assimilatio liquidis omnibus omnium partium corporis, dum a ore ad subclaviam perpetuô admiscetur quid subtilissimî liquorum, jam circulo sanguinis circumactorum, & subactorum. *℞.* lenta, parca simul, successiva, perpetua admistio omnium fere liquorum Corporis, sc. Lymphæ (43. 44. 50. 54. 65. 66. 75. 79. 81.) Bilis utriusque (62. 63. 64.) Spirituum forte, adeo que salium & oleorum, quorum unum, plura simul parvâ copiâ pauxillo chyli miscentur; dein fabricâ, figurâ, situ, motu vasorum intimê miscentur. Cur meseræi rari morbi in sanis?

83. Ut per exilem, tortuosum, arctatum tubum perpendiculariter in homine vigilante adscendat, causa efficax est 1. Vis intestinorum contractilis &c. (67.) 2. Valvulæ lactææ. 3. Pulsus arteriarum meseraïcarum. 4. Vis valida diaphragmatis in alveum lacteum, ad tendines septi situm. 5. Contractio musculorum abdominis terminata in peritonæum. 6. Vis contractilis lacteorum. 7. Pulsus aortæ. 8. Motus pulmonum.

84. Unde

84. Unde in jejunis lactea vasa pellucido liquore aliquando repleta? Causa & materies ex (68.) patet.

85. Unde ductus *Pecqueti* fere semper est plenus liquore? patet ex (84. 79. 76.)

86. Pressio, ligaturæ, folles, siphones, valvulæ, injectiones, ipse sensus enarrata hucusque confirmant.

87. Iter Chyli venis infusi, ejusque immutatio in vasis sanguiferis sciri modò potest, cognito circulo sanguinis, ad quem ergò ducimur.

CHYLI CUM CRUORE MISTI CIRCULATIO.

88. **O**Mnis fere cruor animalis vivi ingenti impetu brevi ex arteriâ quâdam magnâ expellitur; docent Laniones.

89. Neque refert, in quâ Vulnus fiat, fidem fecere incisi canes.

90. Ergò sanguis movetur in animali vivo sic vulnerato velociter, & vehementer. Qui impetus augetur ligando arterias non vulneratas, dum sanguis per vulneratam effluit. (88.)

91. Ergo ex parte quâlibet in arteriam quamlibet aditus est sanguini.

92. Et tota massa sanguinis tum movetur per idem vas, B 7 93. Arte-

38 CHYLI CUM CRUORE MISTI CIRCUL.

93. Arteria quæcunque notabilis detecta & vinculo constricta tumet intra Cor & vinculum, flaccescit intra ligaturam & extrema corporis.

Incisa talis arteria intra vinculum & Cor rivo saliente extrudit celerrimè omnem sanguinem, (ut 88. sed incisâ intra vinculum & extrema corporis vix quidquam profilit.

94. Ergò Cruor fluens hoc modo ex toto corpore per unam arteriam, (91.) fluit à basi in apicem, non contrâ.

95. Vena quæcunque notabilis, si quoque constricta, tumet inter extrema & vinculum, depletur intrâ filum & Cor; vulnerata priori parte eructat brevi omnem sanguinem ad mortem, vel languorem; pertusa alterâ parte nil effluit: nec refert, quæ vena: docet nos veritatem Venæsectio.

96. Ergò cruor ex omni Corpore in unam venam brevi & velociter fluere potest, fluore determinato ab apice in basin.

97. Arteriæ sunt canales conoidèi, obliqui, intorti, internè læves, ramosi cum angulis acutioribus fere à parte apicis, fibris spiralibus validis, elasticis definiti, ut superficie.

98. Venæ

98. Venæ sunt canales conoidèi obliqui, intorti, ramosi acutis angulis fere apicem versus, internè læves; nisi quod in ortu ramorum, & in venis majoribus ad extrema valvulæ sint, uni semicirculo sectionis conicæ firmiter affixæ eâ lege, ut versus Cor possint aperiri, non contrâ.

99. Ergò & hinc determinatio floris sanguinei in venis patet.

100. Omnes Arteriæ, exceptâ Pulmonicâ, rami Aortæ; hæc ex sinistro Cordis cavo.

101. Omnes venæ, exceptis Pulmonicis, eunt in venam Cavam, ut ejus rami; illa verò terminatur in dextram auriculam Cordis, præmissò sinu venoso, musculoso.

102. Ergò omnes Arteriæ (100.) vehunt cruorem à sinistro ventriculo ad omnia Corporis puncta intrâ & extrâ (91. 92. 93. 94.) per Aortam.

103. Ergò omnes venæ (101.) vehunt sanguinem ab extremis ad Cor (95. 96.) per Cavam in auriculam dextram, ne Hepaticis quidem exceptis.

CORDIS FUNCTIO.

104. **E**X sinu venoso, (101.) ope appositi musculi, cruor in auriculam dex-

dextram pelli potest laxatam, nil enim obstat.

Ex auriculâ dextrâ contractâ cruor pelli potest in cor dextrum laxum, id enim permittunt tres valvulae tricuspidales. Id docent ligaturæ, injectiones, flatus, fabrica, sensus.

105. Dextra Cavitas contracta, vel impleta, nil potest retropellere in auriculam dextram, ob situm, figuram, nexumque valvularum tricuspidalium (104.) sed exitus datur nitenti in egressum liquido per situm, figuram, nexumque trium valvularum sigmoidearum. Harum verò mechanica docet, in solam arteriam pulmonalem viam patere ex Corde dextro; ex eâ nullam in cor. Ligatura, Arteriotomia, injectio, flatus, pulsus, sensus id confirmant.

106. Ex venâ pulmonali in Auriculam sinistram liber aditus; ex auriculâ sinistrâ in Cor sinistrum laxatum agi potest cruor, id permittit situs, figura, nexus valvularum duarum mitralium. Harum mechanica docet, hâc viâ ex Corde in auriculam sinistram nihil regredi posse, patet iisdem Experimentis. (105.)

107. Ex Corde sinistro nitenti in egressum

sum sanguini via patet in Aortam laxatam, permittunt enim situs, figura, nexus trium valvularum sigmoidearum. Harum Mechanica docet, hâc viâ in Cor nihil regredi posse; confirmant rem eadem experimenta. (104. 105. 106.) loquor autem hic de homine respiratione jam uso.

108. Ergo propellitur omnis sanguis per venas in Cor; ex Corde per arterias: id verô cum his contingit phænomenis:

1. Ambæ auriculæ simul flaccescunt.
2. Eo momento ambæ implentur; dextra à sinu venoso musculofo; sinistra ab vena pulmonali.
3. Eo ipso momento Cor utrumque simul turget, & constringit sua cava.
4. Tum simul mucro cordis basi accedit, fibræ tenduntur, tument, crassescunt, cavitas arctatur, cruor exprimitur ex corde dextro in arteriam Pulmonis, ex corde sinistro in Aortam. Id docet inspectio, ligatura, abscissio mucronis in corde erecto, compressio digiti vulneri immissi, sanguis eo momento ex secta Aorta exsiliens.

5. Momento post hanc constrictionem latera ventriculorum remittuntur, flaccescunt, mollescunt, elongantur, cavitas ampliatur

pliatur in utroque corde ; patet iisdem argumentis.

6. Ipso illo momento motu musculari auriculæ impletæ contrahuntur , sanguinem in utramque cavitatem simul exprimunt. Docet apertio Cordis ad oculum.

7. Tum iterum auriculæ flaccescunt. (1. 2. hujus) ventriculi verò induunt statum (3. 4. hujus) atque hæc reciprocè se mutuò excipiunt, donec langueat, vel moriatur animal.

8. Tunc enim ad unum pælsu ventriculorum, plures auricularum.

109. Unde omnis cruor ab omni puncto corporis, & ab ipso Corde, redux in Cor dextrum, ex eo per Pulmones agitur in Cor sinistrum, inde per omne corpus, & dein in Cor rursus dextrum.

Hæc circulatio sanguinis, cujus inventi gloria immortale cluet *Harvæi* nomen.

Hanc transfusio, Infusio, microscopia ad oculum demonstrant.

110. Chylus (82.) ergo, pauca copia simul, pressus per ductum Thoracicum (83.) valvulam venæ Subclaviæ (81.) eousque elevat, ut portio, quæ impetu suo resistantiam cruoris venosi superat, in eam venam
intret,

intret, cujus ductu in venam cavam, sinum venosum, (101.) auriculam dextram, inque ventriculum dextrum infunditur.

111. In venis auriculisque miscetur sanguini, divellitur, & diluitur novo affluente sanguine undequaque.

112. Ut, quæ Chylo & Sanguini in Corde dextro contingant, sciatur, attendendum ad propria Sanguinis, & structuræ Cordis; prius elucet ex sequentibus experimentis.

113. Sanguis ventriculi dextri in vivis, jejunis animalibus neque acidum, nec lixiviosum sapit, sed falsum ammoniacum, vel marinum.

114. Acidis, alcalicisve mixtus non citè effervescentias, sed colorum & fluiditatis varias species.

115. Saliens ex arteria pulmonali, & vase exceptus nullum ebullitionis intestinæ, vel effervescentiæ signum dat, sed odorem fumosum, acrem, ingratum; frigore & quiete cōit, dein in solidum concreescens, & fluidum cruore fluidius, se separat.

116. Vivi animalis Corde aperto, & mucrone sursum erecto, sanguis cernitur ex dextra auricula in cavum propelli vi
auriculæ

auriculæ contractæ, non autem efferves-
cere ; maximè hæc clara circa mortem. Ea-
dem hæc phænomena (113. 114. 115. 116.)
de sanguine ventriculi sinistri vera sunt.

117. Thermoscopium Cordi vivo im-
missum docet, non majorem ibi, quam ali-
bi, calorem sanguinis esse.

118. Chylus ductus Thoracici plerum-
que est saporis falsi, aut prædominantis in
cibo indolem sequitur.

119. Exceptus & permixtus salibus op-
positis rarò & vix ebullit.

120. Exceptus vase non ebullit.

121. Interceptus in ductu Thoracico
non fervet.

122. Aggregatus, dein pulsus in Sub-
claviam, mixtus ibi sanguini non ebullit,
nec in vena, nec in auricula, nec in ven-
triculo Cordis.

123. Factis iisdem, & ligata Axillari ve-
na inter Cavam & valvulam, nulla cernitur
effervescentia.

124. Lympha conglobatarum glandu-
larum quum Chylo admixta sit, (68. 76.
78. 82. N. 3.) quumque ea arteriosi sit san-
guinis proles, patet, quid de ea sentien-
dum.

125. Ergò

125. Ergo in Corde nulla ebullitio, effervescencia, fermentatio, sive Cor, sive ingresses liquores spectes, unde magna vis expectari queat.

126. Ergo calor Cordis neque indolem, neque motum sanguinis, ut causa, mutat, (117.) nec eruptionem ejus creat.

127. Nec ullum Cordis fermentum.

128. Nec causa motus projectilis cruoris ex Corde, vel in Cor, in ipsa massa sanguinis inveniunda est.

129. Ergo illa causa in eo quaerenda, quod sanguinem continet, id est in Corde; ubi ut inventa demonstretur, Cordis fabrica, cohaesio, instrumenta, motus, & vis sunt exacte notanda.

130. Parenchyma Cordis, sine vasis sanguiferis spectatum, totum fere nervosum est; cujus fibrae ita decurrunt, ut contractarum effectus sit Cordis cava formare & exacte arctare sine destructione ejus. Nam primo fibrae sunt, maxime in dextro ventriculo, exteriores, tenuiores, pauciores subjectis ad apicem usque innexae, dein in tendines fixatae, quae apicem basi, fibras spirales sibi mutuo arctando, fabricam Cordis conservant; secundo fibrae spirales

cava

cava ambientes, exortæ a tendinibus, in-tortæ, aliis implicatæ, dein alteri tendinum superficiei iterum affixæ, quo itinere duplicem helicem formant oppositam decussatis fibris.

131 Descriptæ fibræ (130.) utrique ventriculo communes; sed tertiô aliæ sunt sinistro propriæ ita, ut forment cavum & totum mediastinum, pariter spirales exteriores & intérieures, partim in basin tendinosam, partim in carneas columnas desinentes, inde in mitrales valvulas, tandem in tendinem. (Lower de Corde. & Vieussens.)

132. Hinc liquet, dextrum ventriculum & sinistrum habere fibras communes; sed sinistrum habere plures, crassiores, fortiores singulares. Unde vis, contractio, arctatio utriusque varia.

133. Arteriæ Coronariæ duæ mox suprâ valvulas semilunares ortæ ex Aortâ basin ambiunt Cordis, hinc variis anastomosibus junctæ omnes fibras intercurrent, & ope venæ Coronariæ cruorem Cavæ reddunt, valvulis coërcitæ.

134. Quatuor ora quatuor magnorum Cordis vasorum valido tendine fiunt.

135. Auri-

135. Auriculæ nervosæ, fibrosæ, carneæ, musculares, duplici fibrarum serie contractiles, multis, fortibusque nervis ex pari octavo Willisii inter arteriam pulmonalem & Aortam ingressis donatæ; quorum nervorum furculi & ingrediuntur Cordis parenchyma.

136. Est & auriculis tendo duplex, in basi Cordis unus, alter in fine sinus venosi ad Cavam & Pulmonalem venam.

137. Cor ergo & Auriculæ veros musculos tota fabrica referunt.

138. Quare & similes habent effectus; ergo & motum, qui fit contractis omnibus fibris (130. 131. 132. 135.) simul; unde necessario sequitur longitudo minor, latitudo major, capacitas interior utraque artata, tendinum dilatatio, contentorum expulsio vi ingenti; hæc est systole.

139. Hujus enim tempore cruorem expelli, adeoque ejus vi moveri, docet 1. sectio arteriæ Pulmonalis & Aortæ propè Cor, aperto vivi animalis Thorace. 2. sanguis ex Corde erecto ad apicem abscisso profiliens. 3. pressio digiti per tale vulnus immissi. 4. fibrarum hoc tempore tumor, duritiesque. 5. Contractio impletionem sequens, non præcedens.

140. Ner-

140. Nervis octavi paris ligatis, vel diffissis in cervice, motus Cordis languet, vel cessat, vel palpitat summo cum angore; qui durat non diu, ope nervi recurrentis & Intercostalis, circa axillaria vasa communicantium. Ergo systole fit per nervos

141. Sanguine per systolen fere integro expulso, (139.) fibræ omnes Cordis (130. 131. 132.) flaccescunt, longitudo inter apicem & basin augetur, pressio laterum in cavitatem tollitur, valvulæ auricularum per fibras annexas versus apicem trahuntur, (131.) auriculæ contrahuntur suis fibris, (135. 136.) ad sinum venosum, (136) premitur cruor, ad cavum Cordis apertum & vacuum (139.) resistit nihil, ergo vi auriculæ contractæ impletur utrimque cavitas. Id eo tempore fieri, docet arteriotomia circa Cor; sectus mucro tum non eructans cruorem; inspectio, pressio sublata ad digitum immissum. Ergo non erumpit ob rarefactionem.

142. Chylus ergo (111.) paucus sanguini venoso pluri mistus ope fibrosæ auriculæ in dextro Corde miscetur, dividitur, conquassatur, & vi Cordis contractili in Arteriam pulmonalem omnis simul pellitur. (139.)

PUL-

143. **U**bi quid ei contingat, & Chylo, docet fabrica & vis Pulmonis perspecta.

144. Aspera Arteria Conus est ramosus, ad latera in infinitos ramos divisus, qui cum trunci superiore parte obtusos, cum inferiori acutos formant angulos, sed flexiles, quorum ultima extremitas pelliculam ovalem, cavam, dilatabilem, contractilem, & mollem, compressilem format, non cartilagineam; partes verò seu segmenta Tubi squammosa, mobilia ad se mutuò, à se mutuò libera in parte cartilagineâ, sed membranâ contractili & expansili inter se juncta sunt. (Casser. T. 1. Fig. 1. 2. 3. Tab. xiii. Fig. 1. 2. 17. Tab. xv. F. 1. Willis, Pharm. Rat. P. 2. Tab. 3. Fig. 1.)

145. Ex infinitis hujusmodi sacculis lobuli, ex lobulis lobi, ex his pulmones.

146. Quoties Aër liquidus, gravis, Elasticus hos tubos, ramos, vesiculasque inflat, ramorum anguli augentur à parte inferiori, minuuntur ad superiora laryngis, lobi assurgunt, vesicæ figuram complicatam & quasi planam in sphænöideam mutant, & puncta contactuum minuunt, &

C

segmenta

segmenta squammosa explicantur à se mutuò.

147. Arteria Pulmonalis canalis est conicus à primo ortu valdè intortus, mox ramosus, cujus ultimi minimi ramuli superficiem internam cellulofam Pulmonum reti arterioso investiunt, infinitis anastomosibus tam in plano, quam transversim communicantibus. Cellulæ hæ sunt spatia inter superficies vesicularum (144.) relictæ. (Malpig. de Pulmon. Ep. 1. & 2. Tab. 1. Fig. 1. 2. 3.)

148. Vena Pulmonalis ex sinu venoso auriculæ sinistræ orta, inflexa ut arteria, (147.) ad vesiculas pariter (144. 145.) reticulatim distributa, æqualibus numero ramis ac arteria pulmonalis (147.) sanguinem ex plexu illo arterioso (147.) sine secretionem transmissum accipit, quam actionem musculosæ pulmonalium vesicularum fibræ juvant.

149. Ex hâc pulmonum fabricâ (144. 145. 147. 148.) & mobilitate (146.) per aërem patet, eorum effectum in sanguinem Chylosum esse:

1. Sanguinem vi Cordis actum in tubum conicum, intortum, elasticum, reprimen-

tem,

tem, ut^rue hâc vi compingere, densare, revellere, à contactu mutare & à figurâ, solvere, contererere.

2. Motu vesicularum, (146. 3.) in inflato pulmone à contactu liberarum, in lapsò plurimâ superficie se contingentium, arteriosos, (147.) venososque (148.) plexus, & sanguinem proinde horum, reciprocè premere, conquassare, remittere, atterere, minuere, solvere, mutare, Chylum canalibus trajiciendis adaptare.

3. Adeoque Chylum in stomacho subactum, in intestinis elaboratum, lacteis secretum, ad mesenterii glandulas dilutum, in ductu thoracico magis mistum & dilutum, in venâ sanguini confusum, in auriculâ mistum ei, solutum, subactum, attenuatum, in dextro corde eadem passum, in canalibus conicis & cylindricis arteriæ pulmonalis validè pressum à postico, & repressum à lateribus, figurari in formam solidorum & fluidorum in corpore.

4. In venis pulmonalibus iterum accuratissimè miscere.

5. Et forte lymphâ aliquâ diluere.

6. Inducere formam nutrimento aptam.

7. Fluorem conservare & Calorem.

8. Mistionem summam producere.

9. Colorem rubrum ei conciliare.

150 An Aëris partes graves & Elasticæ hic admiscantur sanguini pro oscillatione elasticâ vitali, Ex *Borello*?

Non in Arteriis.

Nec in Venis ullo experimento: imo obstare videtur 1. Aëris vis vesicas extendendo venas comprimens. 2. Sanguinis vis arteriosi vesicis collapsis, distentisve urgens in venas. 3. Singularis hic venæ cum solâ arteriâ communicatio. 4. Difficilis hujus aëris intröitus in vasa minima. 5. Humor lubricus asperæ arteriæ.

151. An usus refrigerii, expellendæ fuliginis, vel adducendi spiritus hic obtinet, juxtâ scholas? Obstat Autopsia, Anatomica scientia, & Thermometrum.

152. An ut rarefactus nimio æstu, & fere ebulliens ob effervescentiam cruor dextri ventriculi condensetur, extinguatur, refrigeretur spiritu nitroso aëreo, juxtâ Sylvium & Chemicos? an ut eodem purpurascat, juxta Lowerum? refellit experientia.

153. Ut verò demonstratio à priori, ex datâ pulmonis fabrica & actione, docuit tam multa

multa sequi; (149.) ita experimenta à posteriori idem firmant docendo, Chylum in dextro corde vix mistum, in sinistro mistum, & pulmone robusto omnia (149) sequi, eo labefactato contrâ.

154. Idem etiam Chylosus cruor ex angustis arteriosis venosisque pulmonis rediens in venas latiores, mutatus juxta (149) hic miscetur oppositis nixibus, minus premitur à lateribus, rarefcit ab elatere suo, spumescens hinc, floridior, rubicundior in sinistrum redit.

155. Ruens ex infinitis canalibus in auriculam, (154.) ibi miscetur, tum fibrosâ auriculæ fabricâ prohibetur à concretione, & à secessu in partes diversas: dein pellitur in sinistrum necessitate mechanica. (106. 107.)

156. Ubi vix quiescens Chyli & cruoris venosi massa vi ingenti systoles cordis pellitur in arteriam magnam, in coronarias, & bronchiales, trudit præcedentem, & ita movet omnia.

157. Ergò 1. effectus pulmonis in corpore sano majoris momenti, quam aliorum viscerum.

2. Hinc omnis cruor primò pulmones,

dein reliqua viscera divisus transit.

3. Hic præparatio in nutrimentum, dum omnis Chylus huc pellitur.

4. Hic officina sanguinis.

5. Et præparatio ejus, ut possit fluere per vasa capillaria, quæ non alibi sit.

6. Ibi præparatio in secretiones.

7. Adeoque ad omnes actiones animales &c.

158. Hæc verò ex datâ sanguinis Chylosi massâ, ex data pulmonis fabrica & actione, ex datâ vi Cordis, & Aëris gravis, fluidi, elastici actione in figurata vasa Tracheæ, hinc in sanguifera evidenter sequuntur.

159. Quid ergò aëris admistu, quid fermentis opus?

160. Eidem actioni mechanicæ quidni adscribatur assumptorum quorumcunque nutrimentorum volatilifatio in materiem, unde alcali volatile educitur, observata Helmontio ab aëre pendens, non explicata.

SANGUINIS CIRCULATIO.

161. **A** Dintellectum eorum, quæ sanguini in aortam pulso accidunt, oportet supponi leges hydraulicas, quibus explicantur proprietates liquorum, datâ velocitate,

locitate, per datos canales, in datum terminum actorum. Has ergò supponemus, ut alibi demonstratas; Velocitates verò mensurantur ex causis & effectis observatis: Canales sensu noscuntur, vel regulâ hâc: *ut sensibilia, sic & insensilia in corpore.*

162. Aorta fit 1. Tunicâ nerveâ, cui rete adjacet innumerabilium arteriolarum & venularum, tubos reliquis membranis communicans. 2. Tunicâ glandulosâ, priori substratâ 3. Musculari fibris densis annularibus aggregatis suprâ se mutuô stratis. 4. Intimâ, lævi, fibrosa, fibris in longum productis.

163. Arteria hæc digito arctior, ei vi inducta cum premit, educto digito sponte se contrahit; sanguine vacua arctè contrahit se; in animali cum cruore mortuo parva, & fere vacua, in vivis plena; flatu distenta resistit ventumque repellit. Ergò est tubus elasticus, inflata tunica fibrosa (162. 3.) valde & cum vi constrictilis, neque tamen ulla vi se contrahens, ubi in minima diametro quiescit.

164. Nulla sensilis in corpore particula, quam non ingrediatur arteriola, (exceptis cavis liquido plenis, & forte Hepate) docent & vulnuscula, & microscopia.

165. Omnes tamen (164.) ramuli Aortæ.

166. Ergò cruor pellitur ex ventriculo lævo in aortam vi cordis musculari contractili: sed impetus retunditur 1. a sanguine prægresso. 2. Ab arteriæ spira & cono. 3. ab ejus curvatura. 4. ab ejus vi elastica. 5. à mole corporum ambientium, pondere & elatere comprimantium. 6 ab angustia ultimorum vasculorum. Ergò fluit per vasa excessu virium cordis supra resistentias aggregatas. Ergò sanguis pulmonicus minori vi moveri potest.

167. Ergò vis Cordis ingens, sive impedimenti, sive excessus valorem supputes: id docet vel sola moles movendorum.

168. Sanguis tanta vi actus (167.) tanta vi repulsus (167.) in canalem plenum, conicum, dilatabilem, pro primo effectui habet arteriarum diastolen cordis systolæ Synchronam, & arteriæ non naturalem, quum cordi naturalis sit. Hæc in toto corpore sano, ubique, eodem fit tempore, quia ibi cruor continuâ massâ densus. Sentitur imprimis ubi arteria maxima, nudissima, & inferius durâ suffulta basi: Nulla verò communis omni sano scitur.

169. Huic diastolæ (168.) renititur arteriæ

teriæ vis contractilis musculosa, (162. 163.) & eadem vis corporum ambientium, (166. 5.) quæ verè agunt, hinc simul ac cor flaccescit, (141.) & valvulæ regressæ, (107.) sanguis pressione cordis liber, arteriæ vi urgetur & ambientium, aliter quiesciturus, fluit continuo decursu, (dum causa pellens (166. 169.) continua est) tamen saltuoso.

170. Omni ergò momento sanitatis cruor undique premitur per conum, & derivatur in ramos laterales conicos per ora trunci amplitudinem respicientia.

171. Sanguis corde (138.) pulsus, nisi obliquò ad angulum valde acutum in latera aortæ impingit, ea premit, ob curvaturam ejus omni suâ mole incurrit, ab aortæ figurâ & Elatere repellitur, (163.) ergò omni momento cuilibet sanguinis particulæ alius conciliatur nixus, motus, rotatio, attritus perpetuus, attenuatio, angulorum detritus, homogenëitas maxima, fluor, calor, pressio in laterales hiatus, evitatio obstructionis in capillaribus. Ad horum ergò explicationem non aliâ causâ cruor eget.

172. Ille enim omnia retinens, solo mo-

tu cordis & arteriarum orbus, concrefcens ftatim, & magis ad folidi quam fluidi indolem accedens tempore quiefcentis cordis, jam manet aptus vitæ, dum *ἄχρονος* motus urgentes.

173. Arteriæ fenfim augentur & numero & capacitate; alibi arctiores, alibi latiores; ex liquidis arteriofis perduntur plurima femper; in vafis minimis refiftentia maxima; vīs imprefsa communicatur multis ambientibus; ergo circâ cor, cæteris paribus, maxima, remotius inde, minima velocitas.

174. In Sanguine varia efle docet. 1. Ejus Ortus. 2. Analyfis Chemica. 3. Secelfus extravafati in halituofum, ferofum, fibrofum.

175. Adeoque alia in eo minimâ vi mobilia, alia majori egent; multa folida, lævia, rotunda, levia, jam mota, mobilia; alia porofa, angulofa, fcabra, tarda, vifcida; ergo eâdem vi pulfa non eâdem velocitate, neque directione, neque constantia agentur; fed quæ plus molis, minus fupercificiei habent rectiffimâ viâ, & constanti vi à caufâ pellente recedentia, reliqua in obliquas vias urgebunt.

176. Subtiliffima, folidiffima, læviffima, & mobi-

& mobilissima cruoris pars per Carotidas, & Cervicales arterias pellitur, ut cordi proximas, & ab eo rectissimas.

177. Gravior, crassior, ramosior, minus mobilis portio agetur ad inferiora. Id docent phænomena pedum, manuumque pendularum, & Capitis proni.

178. Mortuo animali, & frigefacto, sanguis in venis non ita concrevit, ac in vase extrâ corpus, sed mistus, fluidusque apparet; in arteriis & Corde concretus, unde id? an quia venæ exhalare, & secerni fluidius impediunt, contrâ tenuissima excipiunt, arteriæ contra?

179. In vivis massa similis ubique, per microscopia globulis rubris, sero tenuiori innatantibus, conspicitur, qui globi ex minoribus facti, in eos resolvendi vario colore donantur, unde id? an ubique eadem? quid globi majores, quid serum tenuius efficiunt?

180. Hinc definitur, quid de Galenicâ, vel Chemicâ doctrina de sanguine sentiendum sit?

181. Et doctrina de Temperamentis melius describitur, ab aqua, terra, sale, oleo.

182. Et à posteriori liquet, motum san-

60 SANGUINIS CIRCULATIO.

guinis arteriosum misturam, fluorem, calorem, rubedinem facere; concretiones impedire; quum eo imminuto cuncta hæc fatiscant.

183. Jam visis, quæ Chylo, Lymphæ, Cruori, horumque composito accidunt, oportet Aortæ vias in Capillaria, harumque phænomena prosequi usque in venulas, & glandulas, & viscera, & musculos.

CEREBRI FUNCTIO.

184. **A** Orta ex corde egressa, inflexa, dat Carotidem sinistram recto ortu, rectam ex Subclavia dextra, hæ recta juxta Tracheæ posteriora per collum eunt ad calvariam, lateralem cruorem deponunt; harum dextra sinistra fere major; cranium perforant, ramos dant, duram matrem perforant, ramos dant, tandem obliquâ viâ superata, inter lamellas piæ matris circum componunt, unde laterales, vertebrales, anteriores.

185. Arteriæ vertebrales ex axillaribus ortæ, recta viâ inter foramina vertebrarum cervicis appendicum defensæ adscendunt ad ultimam vertebam obliqua viâ inflexæ, deposito cruore laterali, hinc duplici trunco cranium petunt, dant truncum descendem

dentem spinæ, dein in unum coalescunt, circulo (184.) arterioso implicantur rursus bifariam divisæ.

186. Ergò pars cruoris descripta, (176.) in adscensu per collum & caput inferius, salivoso, mucosoque, & porrò cruore descripto (177) orba, fertur quadruplici via in circulum (185.) ubi 1. impetus rectus minuitur, servata indole (178.) sanguinis. 2. mistio fit. 3. attenuatio, lævigatio, contritus, fluor, dispositio ad secretionem. 4. obstructio, compressio, læsio facta in uno sarcitur ope alterius vasis, ut fluor advecti perennis sit.

187. Hoc mechanico apparatu Cerebro & Cerebello datur sanguis. Reliquus enim per ramos Carotidum externarum non remotè ab ingressu, & per varias alias arterias videtur modo integumentis Cerebri & Cerebelli impendi, ex accuratissimis injectionibus Clarissimi Rau.

188. Circulus Arteriosus (185.) ramos suos tenui meningi ita impertit per omnia, ut hanc fere constituere videatur: pia verò mater circa sinus duræ per vasa inprimis nexa in convexâ parte, cavâ cerebro arctissimè hæret, ejus anfractus profundè ad

Callosa usque intrat, investit, & totum cerebrum in infinitos lobulos minimos dividit.

189. Tota hæc meninx (188) basis est, qua vascula arteriosa sustenta ordinantur, in infinitos circulos, descripto (185. simillimos, sed minimos tandem distribuuntur; id ligaturæ, & injecta docent; tota adeo est vasorum reticularis plexus, cujus ambitu retinetur in suâ figurâ tota moles arctissimè sic constricta ad intima usque.

190. Arteriolæ illæ, (189.) post facta reticularia spatiosa, implantantur omni puncto cerebri à pia matre attactæ, id est toti cortici cerebri; injectio, separatio, sectio cerebro vivo exstillans cruor id docent.

191. Quolibet ictu cordis fere una tertia pars sanguinis expulsi magna & directa vi agitur in corticem cerebri. Hinc ille tollitur & deprimitur per systolen & diastolen cordi reciprocam: quæ ergò Cephalica? quæ ebrietatis causæ?

192. Cerebri & Cerebelli pars piæ matri contigua, exterior adeoque, cinereo colore, sanguine ubique respersa, cortex vocatur, solidam, callosam, albam, interiorem ubique ambit, arctissimè ipsis appendicibus, ventriculis, origini medullæ spinalis adnecti-

adnectitur ; imò in interiori parte medullæ spinalis adest.

193. Cerebello tam clarè apponitur cortex, ut proportio, distinctio, fabrica videri queant. Ergò Cerebrum, Cerebellum, Medulla Spinalis cortice & medulla constant. (Vid. Willis. Vieussens. Malpig. Rhuyfch. Ridley de Cerebro)

GLANDULARUM FUNCTIO.

194. **C**ortex glandula est. Cujus ut fabrica, & vis sciatur, structura glandularum generalis ex Sylvio, Stenone, Warthono, Malpigio, Bellino, Borello, Nukio, Peyero indaganda erit, & proponenda.

195. Harum 1. aliæ simplices, aliæ magis compositæ, & hæ plerumque ex adunatis illis. 2. priores liquidum ibi secretum per lymphatica vasa sanguini venoso vel Chylo miscent, posteriores liquidum suum per singulares ductus in emissaria excrementorum, vel in vias aliquas communes.

196. Simplicissimæ glandulæ (195.) habent omnes membranam ita vasculorum textura, fibrisque contextam, ita convolutam, ut inde formetur cavitas rotunda, ovalis,

ovalis, vel alterius cujusque figuræ.

197. Membrana illa fit fibrillis nervosis, carneis, vasisque arteriosis & venosis iis intertextis, in qua cuncta ordinatâ serie, ut in firmante basi, distribuuntur, sustinentur.

198. Arteriæ hanc membranam (197.) adeuntes sunt canales conici, obliqui, inflexi, ramosi, elastici, circumvoluti, ultima parte cylindrici, non ramosi amplius, sed venæ factæ; in plano hujus membranæ, antequam venæ fiant, distributæ hæ arteriolæ infinitis numero inosculationibus, infinitis diversis posituris, ad infinitos angulos inter se communicantibus: Venæ ibidem iisdem proprietatibus præditæ sunt.

199. Ergo sanguini arterioso glandulas adeunti motus magnus, pressio in mutuas partes, pressio obliqua, permutatio contactuum perpetua, applicatio ad solida latera ubique per minima & multiplex, motus in qualibet particula varius, solidi attenuatio, attritusque, liquidi solutio, pressiones oppositæ, derivatio in ramos, secretio, iterumque permixtio accidunt.

200. Diametri ramorum fere ubique minores diametro trunci recta pergentis in
eodem

eodem loco communi, qua lege divisio usque in minutissima pergit, hinc ultimi rami ultimo trunco minores, ergo ibi in sanguine soluto (199.) partes, quarum diametri majores diametris ramorum, aliæ quarum diametri minores; priores ergo agentur in & per ultimum truncum rectum, ubi rami desinunt, ubi conus cylindrus fit, ubi arteria vena fit: sed posteriores partes in patentibus ramos pressione obliquâ, opposita, valida (199.) urgebuntur.

201. Liquidior pars sanguinis, (174. 176.) secreta à crassiori, (200.) non est amplius cruor, sed multiplex liquor alius, Lympha, saliva, mucus, cerumen, Lachrymæ, sudor, urina, bilis, semen, Linimentum &c. Hinc rami ultimi (198.) non sunt sanguiferi, sed nomen vasis adipiscuntur ab indole liquidi, nec divisi in ramos nec in alia vasa abeunt, sed aperturis patentibus liquorem secretum eructant in glandulæ cava (96.) Loquor vero de ultimis, nam vas laterale non sanguiferum ex arteria ortum, potest rursus arteriæ omnes proprietates induere, exceptâ mole & colore cruoris, eademque iterum omnia pati, ut in insectis, & tum hæc vasa arterias Lymphaticas voco.

202. Ex hoc cavo (196.) in omni glande vasa plura, vel unum, in quæ pellitur, per quæ educitur liquor, qui in cavo depositus (201.) vi contractili membranae carneæ, (196. 197.) vasculorum, vi muscutorum ambientium, vi arteriosi floris, juvatur valvulis. Hinc illæ secretiones in iisdem glandulis qualitate & copiâ variæ in eodem, & in variis.

203. Varia longitudo Arteriæ à Corde, varius ejus situs, varia complicatio, (198.) varia velocitas, (173.) varia proportio rami ad truncum, (200.) varia vis exprimens, (202. 197.) varia mora in cavo (201.) facit, ut varia liquida, variis locis secernantur, & secreta immutentur mirificè.

204. Hæ causæ (203.) variis locis variæ, solæ, combinatæve reperiuntur in ipsâ fabrica sensu deprehensa, vel deducuntur evidentia summa ex ea per leges Mechanicas indubitatas, & ex natura liquidorum omnibus cognita: ergò mille species secretionum & secretorum esse possunt.

205. Cur ergò pororum ficta figura, varietas, immutabilitas, causa varia.

206. Cur opus præcariò advocare fermenta, præcipitantia, fermentantia, coagulantia,

lantia, mutantia, horumque fingere materiem, causam, cryptas, admistionem, perennitatem, effecta, fines?

207. Glandulæ uno gradu magis compositæ eandem fabricam habent, sed eâ differentia, 1. quod plures simplices (196. 197. 198. 199. 200. 201. 202.) una adhuc communi membrana obvolvuntur, 2. quod ex singulis cavis propriis (196.) surgentia vasa secretoria (202.) uniantur in unum commune vas secretorium.

208. Id vas secretorium commune (207) abire potest iterum in alterius glandulæ minoris fabricam, iterumque ibi distribui, ut illa arteria, (198.) rursumque producere eosdem effectus; (199. ad 205.) vel desinere in alveum recipientem, ibique exonerari, vel in emissaria ubique in corpore præsentia.

209. Aquosior, fluidior, salina, spirituosâ portio cruoris sic separatur ab arterioso sanguine ope glandularum, quæ vadit in vasa minima ad motum & nutrimentum; reliqua pars crassior, rubra, venis redditur sensim latioribus sine obstructionis metu. Ergo cruor arteriosus primo venoso dilatior magisque lymphaticus; cujus effectû vasa majora aperta tenentur, robur

Corpori

68 GLANDULARUM FUNCTIO.

Corpori datur, materies constantiori refectui servatur. Sed inde venoso cruori dilutionis necessitas, ut fluat iterum per arterias minimas pulmonales, aliasque: hoc effectu omnis Lympha glandulis secreta, functa suo munere & circuitu venis redditur immediatè, vel per ductum *Pecqueti*, ante novum in Cor ingressum.

210. Aliarum glandularum ea forte structura, ut arteria ad eas pergens prius per laterales anastomoses venæ sociæ suum cruorem det, dein solitaria cylindri formâ pergat, sed plicata in gyras, cujus fines ultimi præparatum liquidum non sanguineum promant in receptaculum commune; talis fabrica Testium, juxta Lealem.

CEREBRI GLANDULOSI FUNCTIO.

211. **C**erebri Cortex (192. 193. 194.) majorum Animalium Wepfero & Malpigio deprehensa est congeries glandularum simplicium, minimarum, quæ adunatæ exteriorem undulatam Cerebri substantiam faciunt. Harum ovalis ex se figura, mutuo tactu angulosa spatia intercipit. Exterior harum portio convexa Cerebri & Cerebelli piâ matre velatur, ab ea accipit

CEREBRI GLANDULOSI FUNCTIO. 69

accipit vasa sanguifera arteriosa, (190. 191. 192.) quibus & tota congeries penetratur. Interior portio centrum globi cerebrosi spectans emittit fibrillam albam, nerveam, medullarem ex quâlibet glandulâ unam. Harum existentiam, figuram, situm, nexum docet 1. autopsia in cerebro cocto. 2. avulsio lenta piæ matris insertos canales docens. 3. avulsâ piâ matre affusus coloratus liquor, qui leviter absterfus rimas nexus coloratas ostendit. 4. in morbis cerebri evidenter conspecta sphaëularum figura, maximè in hydrocephalis. 5. apparens color cruoris in cerebro scisso. 6. microscopidum. 7. fungi in cerebro vulnerato, horumque curatio.

212. Omnia eadem in illâ corticis parte, quæ in cerebri ventriculis, ad initium medullæ spinalis, ubi cocta examinatur. Sed in medullâ glandulæ intrâ nervosa corpora vel fibrosa cerebri, à quibus nervosis fibris protuberantia ventriculorum oritur; imò in oblongatâ medullâ glandulæ affusæ & vasculis sanguiferis irrigatæ.

213. Ergò ubi arteriæ reticulares (189. 190.) venis ab opposita parte venientibus uniuntur in miris illis plexibus (189.) in
pia

pia matre, ibi illæ glandulæ (211. 212.) in recessibus, hiatibus, interstitiis, & in superficie extima cranium spectante.

CEREBRI MEDULLOSI FUNCTIO.

214. **I**Ntrâ Corticalem altera substantia hæret, solidior, cohærens, alba, unde à cerebri & cerebelli cortice orta, in quatuor crura reflexa, in oblongatam medullam desinens, quæ medullam spinalem dat, & ad latera nervis ortum dat intra cranium oriundis.

215. Sunt fibrillæ albæ, medullofæ, nerveæ, rotundæ, ex glandulis (211.) Cerebri & Cerebelli adunatæ in 4. reflexis cruribus (214.) desinentes in medullam & nervos, (214.) quæ hanc medullofam cerebri substantiam constituunt, & cum corticali, totam cerebri massam.

216. Harum depressè rotundarum, & intestinulis testium similium existentiam docent. 1. piscium, leporum, bœum, ovium cerebra cruda vel cocta. 2. in ventriculis ad extrema Corticis affusi spacia inter fibras relictæ vasis sanguiferis occupantur, unde manifesta distinctio. 3. clarissimè in parte posticâ medullæ spinalis contentæ adhuc
intrâ

intrâ cranium, & ad latera principii medullæ spinalis albæ fibræ cerebri per mediam corticis affusi apparent. 4. in appendicibus extremis corporis callosi, ubi fibrosa corpora, quibus testudo ventriculorum fit, desinunt tandem in gyrum lacinatis productionibus ductis in corticem.

217. Decursus earum ex anatome comparativâ piscium, brutorum, hominum est 1. à cortice in medullam & nervos. 2. in ventriculis fibræ ad latera inclinatæ, in fornicem extructæ horum fabricam constituent. 3. ductu quandoque parallelo, quandoque opposito, collectu in fasciculum, dispersu rursus in ramos, sæpe superequitatione reticulari, tum mutuo amplexu instar fasciarum feruntur.

218. Necti glandulis, indeque oriri, docet ipse continuatus nexus, disruptio cerebri cocti dilacerando tentata, quando discernuntur fibræ usque in glandulas fissæ, microscopia.

NERVORUM FUNCTIO.

219. **V**Ascula esse docet 1. implantatio ad extrema corticis, ubi copiosissima vasa arteriosa. 2. latex repertus in ipsâ medullâ cerebri morboſi igne vix crescens,

crescens, sero lactis similis. 3. totius sanguinis ad corticem appulsus continuus. 4. venarum insertio ad corticem pro cruoris reductione. 5. ordinata incrementa & propagines. Ergò tenuissimum liquidum arteriis suprâ advectum, glanduloso cortice secretum, his fibris in medullam oblongatam, & inde in spinalem, nervosque fertur.

220. Cujus liquidi naturam explicat 1. natura sanguinis per arterias carotidas & vertebrales advecti (186.) 2. structura vasorum arteriosorum extrâ & intrâ meninges, in piâ matre, in cerebri cortice glanduloso. 3. ex omnimodâ ejus exhalatione ad ignem sine concretionem. 4. Effectu in nervis & musculis. Unde soliditas, tenuitas, mobilitas, fluiditas patent. Quid verò facere queant, & quousque dividi hæc liquida, docet vita insectorum, & ovi incubatu foti liquida mutata.

221. Separationis ejus causas docet cognitus impetus sanguinis cerebrosi, supposita structura glandulæ in cortice, arteriolarum tenuissimæ hic membranæ, unde separatio ad sensum continua, sed tamen cum brevissimâ remissione in diastole Cordis.

222. Emissaria, in quæ liquor ex cortice agitur,

agitur, sunt ipsæ illæ fibræ cavæ, (212.) per quas medulla cerebri, medulla oblongata, medulla spinalis, nervi calvaria, nervi vertebrarum producantur, quorum filamenta in ultimos quosque viscerum, musculorum, totius solidi corporis recessus diffunduntur, unde patet, in omne punctum fere solidi id liquidum ferri.

223. Horum Emillariorum exilitatem indicat glandulæ corticalis parvitas; numerum moles cerebri ingens, exilitas fibræ cujusque; plenitudinem liquidi ingens copia cruoris cerebrosi; motum impetus cordis.

224. Glandularum 1. parvitas. 2. arteriolarum ultimarum hîc exilitas. 3. glandulosa fabrica. 4. fibrillarum tenuitas, miri gyri, nervorum numerus, varia positio, crassities, durities variis locis, docent lenem esse hujus liquidi motum.

225. Quid ergò miri, ligaturas, puncturas, sectiones nervorum non reddere sensilem hujus liquidi præsentiam, motumve? quid boni facit calvaria & Theca vertebralis hujus liquidi productioni? Cur ad tardiores pulsus Cordis vertigines?

226. Hujus liquidi fluens copia an

functa suo munere lymphæ reduci, cruori, & inde cordi redditur? An sistitur in viis coecis? An refluit in scaturiginem? An exhalat certis viis?

227. Superstes ab hoc opere sanguis venis redditur ad glandulas corticales implantatis, novo apparatu mechanico. 1. venæ satis amplæ gyris reticularibus minimarum arteriolarum apponuntur. 2. venæ arteriis visibilibus plures & capaciores. 3. magna receptacula parum resistentia venosum sanguinem facile excipiunt, facile retinent.

228. Cruor ille (227.) jam venosus per magnos canales in sinus effunditur varios, inprimis in 4. alveos, unde omnis per laterales effluit.

229 Sinuum considerata structura, magnitudo, situs, docet calore, motu, fortu sanguinis venosi frigus & inertiam cerebri tolli.

230. Ex sinibus lateralibus (228.) circa cranii inferiora derivatur in saccum venosum exactè ibi formatum, & osse defensum, qui triplo fere excedit capacitatem vasis infundentis.

231. Ubi sisti, minori impetu ferri,
Lymphâ

Lymphâ cerebrosâ reduce dilui potest, in jugulares internas, subclavias, cavam, sinum venosum, auriculam, cor &c. redit.

232. Novo chylo, lymphâ, bile, cruore venoso, succis forte nerveis dilutus & mistus in pulmonibus patitur descripta, (154. 155. 156. 157. 158. 159.) adeoque idem forte sanguis ita sæpius itque reditque.

233. Repetito per pulmones transitu aptus iterum producendis spiritibus fit, si nihil crudi adest.

234. Ergo singularis, vix aliis similis, vix aliis communicans, major, frequentiorque ob suas causas hic circulus fit.

235. A pastu cur torpor? an ob impeditum per inferiora, & auctum ad superiora circulum? ut in animali, cui ligata aorta descendente, anxietas summa: an ob crassiora sanguini permista?

236. Cur à fermentatis ebrietas, sopor, delirium, apoplexia, tremor? an à similitudine succi nervosi? an ab coagulo igneo?

237. Cur longè à pastu acutissimi, promptissimi? an ob ea quæ dicta? (233.)

238. Cur frigidis pedibus vigiliæ,
D 2 capitis

capitis calor, faciei rubor? Cur tanta moles glandulosæ substantiæ Cerebri? Cur medulla cerebri, cerebelli, oblongata, spinalisque tam magna, tam defensa, tam diffusa? An ulla est particula solidi non ex nervis orta? Quæ pars cerebri vitæ necessaria? Cur medulla spinalis & cerebrum, unde reliqua viscera? docente Malpig. de Ovo Incub.

SANGUINIS PER PARTES INFERIORES CIRCULATIO.

239 **S**anguinis portio, quæ soliditate, tenuitate, mobilitate, fluiditate proximè æquat sanguinem cerebrosum, in arterias subclavias, axillares, brachiales, manuum fertur: hinc ibi agilitas, motus, robur, calor, sudor.

240. Alia tandem portio in ossa, membranas, musculos, glandulas, medullam, cutim fertur, ubi evanescentia vasa in venas humerarias, Cavam, Cor redeunt: adeoque novus & hic circulus velocitate & reliquis (234) circulum cerebri fere æquans.

241. Imò & hic, & ubique in corpore, ad ultimos fines arteriolarum machinula glandulosa, à quâ vas liquidum ab eâ secretum inde avchens tenue & limpidum; id ad
Cor

Cor per venas reducitur, Lympha appellatur, id docet hydrops, anasarca, partes quarum venæ ligatæ, ulcera fistulosa, hydatides, Phlyctenæ, Scabies. &c. itaque hæc omni corporis parti applicari queunt.

242. Rarior, immobilior, crassior pars sanguinis in Aortæ descendentem truncum fertur; ejus portio minus gravis intercostalia, musculos, glandulas adit, motu post brachialem velociori, morbi acutissimi hic frequenti causa.

243. Arteriæ phrenicæ diaphragmati cruorem dant similem intercostali & vertebrali, (242) qui inde in venas phrenicas, cavam, Cor redit.

244. Perforato septo Aorta in ramos finditur visceribus abdominis distribuendos, tum in lumbares, in femora, crura, pedes, unde in venas, cavam, Cor.

245. Ut viscerum vis in liquida pateat, oportet glandulæ mechanicæ revocare (195. 196. 197. 198. 199. 200.) nam agunt ut glandulæ.

SPLENIS FUNCTIO.

246. **L**ien ob locum, fluidique sui motum primo examinandus.

247. Arteriam vel ex cœliacâ, vel ex aor-

tâ habet. Hæc dum tendit in splenem ramos omento dat & pancreati, dein divisa in plures ramos ingressa lienem, cum totum pervadit, purumque ei arteriosum dat sanguinem.

248. Venas habet innumeras ubique per splenem dispersas, arteriâ longè capaciores, coeûntes in ramum splenicum venosum, maximum ratione suæ arteriæ; ille in venam portam tendens in itinere duos vel tres ramos à ventriculo, & per hos sanguinem inde reducem accipit, suo miscet cruori, communique vase Jecori infundit.

249. Rami arteriosi, sinus venosi, & nervi juncti, eidemque membranæ, ut vaginæ inclusi, ultimo terminantur in glandulis, quæ ovali formâ innumeros racemos constituunt, qui locantur in cellulis membranosis effectis per fibras lienares. Cellulæ illæ hærent loco inter ramos venosos medio, in quos manifestis hiant orificiis; in his cellulis sanguis reperitur valde solutus.

250. Ergo cruor arteriosus, Lymphaticus lienis, ibi patitur, quæ in glandulis solet, sed non orbatur parte fluidiore, sed per ultimos arteriarum cylindros agitur in cava glandularum, & loculos; ibi lentus ejus mo-
tus

tus iterum excitatur 1. vi membranæ, 2. texturâ illâ lienis fibrosâ. 3. ingenti respiratione, inque sinus venosus actus ibi conquassatur validissimè, attenuatur, ad secretionem facillimè suscipiendam disponitur; ingreditur verò sinus venosus tam per venas capillares, quam per patentia ora loculorum.

251. Ad has enim glandulas Lymphatica vasa secretoria ne oculatissimi anatomici vidère; quum eorum fines membranis lienis, non folliculis, inferi viderint (vid. Glisson. Malpig. Rhuyseh. Drelincurt.)

252. Ergò sanguis venosus lienaris, sero, aquâ, spiritibus dilutior fere omni alio sanguine venoso, excepto pulmonico, qui, ut hic, in alienos usus.

253. Qui tamen omnis (252) ramo splenico in venam portam; hinc in jecur actus docet, effectum lienis inservire Hepati, adeoque post ejus historiam demum sciri.

254. Quid lienis situs, moles, vicinia, suspensio pendula, arteriæque ejus insertio, & ortus docent? Ablato liene cur salaces? docet ortus seminalis arteriæ. Cur mictiores? docet situs renalis arteriæ. Cur voraces? docet positura Cœliacæ. Cur primis ab extirpatione diebus borborygmi, vomitusque?

patet ex iisdem & nervis. Cur hepar crescit ablato liene? docet arteriæ mesentericæ contemplatio. Cur splenicis, hypochondriacisque eadem, & pallor? Cur cruor lienosus fluidior, minus concrefcens, rutilior? docet lienis fabrica (252) & vis ambientium, (initio hujus 254.)

255. An ergo lien error naturæ? an cloaca facis atræ, ut fingunt scholæ? An focus vitalis acidi scintillis ventriculi hyemem refocillans; hinc luxurie, veneris tam vigilis, quam ludicræ in insomniis sedes? An somniblandities hic nata, hic fota later, ut somniat Helmontius? An rectius veteres risus, lætitiæ, saturnique seculi hic posuere thronum? Disparent omnia, ad lucem lieni aperto per Malpighium adpersam, hæc mentis fictricis ludibria.

256. Sanguini venoso lienari in viâ ad jecur cruor venosus ventriculi, omenti, mesenterii, pancreatis, vesicæ felleæ admiscetur; ergo de iis iterum erit ante historiam mechanices hepatis agendum.

257. Magna copia sanguinis arteriosi pellitur per arterias mesentericas binas in mesenterium & in eo ad glandulas meseraicas, (74.) cujus portio Lymphâ orbata in venulas vicinas

nas redit altera ad intestina fertur, horumq;
membranam glandulosam, ubi lymphã de-
nuò secernit variam; hinc venis meseraicis
infusus idem sanguis in ductus annulosos,
hinc in magnum ramum mesentericum, &
lento fluxu in portarum venam; hanc ante-
quam intrat sanguini venoso lienari seroso,
omenti oleoso, ventriculi forte chyloso, ip-
se forte biliosus miscetur, dein hepar intrat.

258. Ergò lienis efficacia diluere, solve-
re, lubricare, & separabilitatem in hepate
procurare Cruori.

HEPATIS FUNCTIO.

259. **V**ena portarum recipit omnem san-
guinem, (257.) ingressã dein viã
semipollicari Jecur, sinum constituit com-
munem, hinc primo in quinque, mox in in-
finitos ramos dividitur, in quos sanguis ex
lato in angustum pellitur effectu arterioso,
(171) membranã adscitã musculari, loco vir-
tutis Cordis, hic deficientis, vi respirationis.
Ligaturæ & injectiones hæc confirmant.

260. Cava vena posticæ hepatis parti ad-
hærens in id ramos spargit per totam ejus
molem; variè divisa fines venæ portarum ad-
sequitur (259) suis finibus, per eam cruor
portæ (259) reducitur ad Cor.

261. Pori hepatici, & rami vesicæ fellis ramos portæ (259) & Cavæ (260) indivulso comitantur nexu in extremitates usque, reconditi eâdem vaginâ communi, (259) feruntque bilem duplicem (63) ex jecinore; Nervis perpetuo concomitantibus.

262. Arteriam verò hepaticam nutriendis hepatis partibus solidis inservire, ejus magnitudo, locus, distributio, venæ propriæ, analogia, docent.

263. Quo loco portæ, (259) Cavæ, (260) pori & vesicæ, (261) nervi, (261) & arteriæ rami extremi in finibus adunantur, acini sunt glandulosi; ex eorum verò aggregato lobuli conici, ex his jecur membranâ cinctum (vid. Glisson. Malpig. de Hepate.)

264. Ergo in sinu portæ (259) collectio, & permixtio sanguinis mesenterici sero orbi. & forte iterum diluti, (68. 2.) bile divitis, (257.) lienaris serosi, (252) pancreatici, gastrici, Epiploici, multis spiritibus forte scattentis, & pingui omentoso. (226)

265. Quin & dilutio hæc fit, ut cruor ille glandulas intret, (263) ibi effectus subeat glandulosos, (199. 2Co. &c.) separetur bilis, (63) agatur in poros & vesicam, & reliquus sanguis feratur cavâ ad Cor.

266. Hinc lienis effectu ultimo constat ; ut & de naturâ bilis oleosâ subactâ ; de circulo singulari per abdomen in hepar ; de opere jecoris ad vitam ; de novâ solutione sanguinis , de sanguine hic arterioso nutritivo , non secretorio ; de bile ex solo sanguine venoso ; de similitudine hepatis & cordis ; Lymphaticis hepatis ex solâ arteriâ ortis ; de venis in arteriam mutatis , hisque rursus in venas ; difficili hic curatione.

267. Cœliacam , & mesentericam superiorem præterlapsus sanguis dein ad trivium descendens & Emulgentium renes intrat magnâ quidem copiâ.

R E N U M F U N C T I O.

268. **R**enum structura fit in primis arteriis Emulgentibus , venis , pelvi , glandulis , vasis urinosis , nervis , membranisque.

269. Arteriæ emulgentes simam partem renum intrant , cum venis emulgentibus , & arteriis adipe cinctis. Ureter , ubi parum penetravit , dilatatur instar assurgentis infundibuli in pelvim : hæc dein in propagines varias usque ad gibbum renum propagatas ; his fasciculi vasorum excretoriorum , & vasa sanguifera , ut involucro , continentur.

270. Vasa sanguifera dirimuntur in ra-

mos juxtâ pelvim excurrentes, ubi hæc se papillis adaptat, ibi & vasa sanguinis se in arcus flectunt, aliis occurrentes hi anastomosi junguntur, dein ad gibbi extima vasa reticularia projiciunt, quorum pars ad glandulas, pars ad lobos vasorum urinæ, horumque superficies vergit.

271. Ad superficiem hanc renum extremam, & supremam, ablatâ membranâ, innumeræ parvæ glandulæ sunt, quæ & hinc inde magis ad centrum locantur, sanguiferis vasis, ut poma ramulis, appenduntur, has venæ, arteriolæque attingunt, docente injectione, & ligaturâ in vivis.

272. Microscopia, anatome comparativa, morbosorum renum dissectio, glires, erinacei, testudines id confirmant.

273. Arteriæ ergo sanguinem ad has glandulas vehunt, venæ revehunt, glandularum structura lotium inde separat, inque folliculum recondit.

274. Ab totâ peripheriâ glandulosâ (271) vasa secretoria innumera orta in fasciculos pyramidales polygonos colliguntur, qui ex latâ basi in acumen desinunt circa pelvim, & horum 40. circiter renum falsò dictam carneam substantiam constituunt, qui renum
centra

centra petentes desinunt in papillas vestitas reflexa membrana pelvis, quales fere 12. papillæ hiantes in pelvim urinam eructant per fistulam in fine positam, qua elevata cernuntur vasa secretoria ibi deponere lotium (vid. Eustach. Bellin. Malpig. Rhuyſch.)

275. Injectio, ligaturæ Emulgentis in vivo, microscopia, anatome comparativa, dissectiorem morbosorum, figura calculorum renalium id docent.

276. Unde mechanica urinæ secretio.

277. Ut fingenda nulla attractio.

278. Nec opus fermento, cujus deest locus, causa, effectus, tempus, materia, admissio.

279. Nec præcipitans vis vel fundens.

280. Neque stercorei liquido Helmontii fides.

281. Urina renibus secreta continuo, sed varia copia, vi emulgentis arteriæ, & organorum abdominis, agitur in pelvim, ex hac continuato fluxu in Ureteres, per has vi contractili propria & motu à tergo inter lamellas membranaceas vesicæ in hanc, ibi aggregata hæret donec copia vel acri stimulet in exitum.

LOTII EX VESICA EXCRETIO.

282. **T**Um rodendo vel distendendo fibras sensiles, motricesque vesicæ excitat urina, unde tunica vesicæ media muscularis contrahitur, qua contractione relaxantur sphincteres fibræ colli vesicæ supra prostates altiuspositæ & simul etiam musculi urethræ expulsores in viris; diaphragma, musculi abdominis, retentio animæ premunt vesicam, exprimunt lotium; contractus jam musculus vesicæ quiescit, cessat nixus abdominis, contrahitur sphincter, exprimiturque suis musculis in viro ex Urethra Urina.

283. Urina ex liquido potus cruda, copiosa, facilè retinenda.

284. Ex liquido Chyli magis cocta, parciore, plus stimulans.

285. Ex fero & liquido sanguinis cocta admodum, pauca, acris.

286. Ex solidis attritis maximè cocta, paucissima, validè urgens.

287. Cur calidis, motis, sudantibus parciore, & acrior, & contra?

288. Cur tenuior, acrior, foetidior, salior cruore?

289. An sal ejus acidus? an. alcalinus? an. muriaticus?

290. Quid boni effectus ex separationem lotii ad salutem machinæ? docet (288. 289.)

291. Cur nulla nutritia continet?

292. An ejicitur crassior cruore? Cur aquea diuretica? Cur salina magis? & cur inter hæc frigidiora? Cur liquores fermentati spirituosissimi minimè diuretici? Exceptis vinis acidis oligophoris.

293. Unde urinæ copia, odor, color, sapor, spissitudo, sedimenta? An ex aquâ, oleo, terrâ & sale maximè attritis motu vitali? an non id docet phosphorus?

294. Cur à nimio motu sano sæpe cruentus mictus, nulla suspitione calculi renis?

295. Quum ligaturæ, injectiones, autopsia hanc per has vias lotii separationem doceant, quid opus fingere in ventriculo, intestinisque integris transsudanti liquido paratos meatus; hujus in cavo abdominis delapsus, collectionem, ad vesicæ exteriora integumenta allapsus, in ejus membranis poros aptos, in medio resistantiam nullam, pro solvendis phænomenis?

296. Quid renes ad semen faciunt? an quidpiam? docet spermaticæ arteriæ & Emulgentis situs. Cur in rene arena? &c.

297. Qui per alia arteriosa vasa fertur
san-

sanguis, adit vel glandulas ubique dispersas, vel distribuitur per musculos, vel ad internam, externamque corporis superficiem, sed neque ibi sine glandulis secretio.

298. In glandulis varia secernit liquida, in aliis fluidiora advecto, ubi secretio in laterales ramos plerumque, ut in saliva, Lympha, aliisque; vel crassiora advecto, ubi laterales rami fluidius separare, manente in trunco recto parte crassiori, qui proin vas secernens fit, ita forte in semine, & aliis; sed saepe secretum primò liquidius, dein exhalatione crassescens imponit.

299. Quid sanguini per musculos accidit dici nequit, nisi exposita musculi historia.

MUSCULORUM FUNCTIO.

300. **P** Artes corporis solidæ moventur vel ad imperium mentis, vel sine eo, vel contra illud; isque motus fit in plurimis operibus musculi, quo disiecto, avulso, corrupto triplex ille motus cessat, nec pars musculo nexa amplius agitur.

301. Omnis musculus sanus & movens (300) habet nervos, unum, pluresve, qui cum ingressuri membranam suam externam deponunt, dein in eo ita distribuuntur per infinitos ramos ad omne musculi punctum, ut

ut ultima carnosæ substantiæ pars omnis nervea videatur. Hoc nervo ligato, compresso, dissecto, ipso momento vis musculi cessat.

302. Omnis musculus sanus & movens habet arteriam, pluresve, cujus rami in eo distribuuntur ita, ut omne ejus punctum attingant usque ultima latera vasculorum carnosorum (307) coronata his ubique, terminari videntur ultimò in venas continuas canalibus, hinc tantum musculi rubedo. His ligatis cessat paulò post motus, solutis redit.

303. Habet omnis musculus fines, qui sunt substantiæ tenacis, compactæ, solidæ, exsuccæ, per has neçtitur partibus movendis, ossa sint, membranæ, cartilagines; Tendines vocant, circa quos raro nervi ingrediuntur. Cor musculus est liber se ipsum modo, eaque ope cruorem movens.

304. Tendines infinitis filis tenuissimis adunatis arctissime conflantur, quæ una extremitate circa partes movendastalia; altera, ubi musculos formant, crassiora, molliora, laxiora, compressilia, ultimo in membranulam terminari videntur. Hæc caro; hujus congeries venter musculi.

305. Neque enim fila hæc (304) terminantur utriusque in tendines, docente Lovvero.

306. Caro hæc ætate, tabe, elotione, elixatione, conquassatione succo orba, mera tenuia fila refert; floridâ juventâ distenta, succo turgida ubique æqualiter, dum quiescunt: Ergo vasculosa est.

307. Fila hæc carnea, & tendinosa in tortu ad se mutuô complicata infinitis transversis nectuntur vinculis, quæ nervea novimus ex difficili horum rupturâ, hinc cellulae formantur minimæ, quarum parietes vasis sanguiferis minimis coronantur; cruore eloto alba sunt omnia; Lymphatica vascula adsunt. Ex infinitis numero talibus filis minimis, figurâ similibus, fit musculus, ut quæ ratio fibræ carneæ ad tendinosam, ea ventris musculi ad tendinem.

308. Plura hæc fibrosa vincula juncta formant membranam, quæ & singularem fibram ambit, & cur similis totum musculum involvit.

309. Caro musculosa (304) musculi inertis in superficie dissecta fibras solutas ad fines fixos attrahit: ergo semper in musculo nixus est ducendi media ad fines, etiam dum non agunt; ergo extrema semper trahuntur ad se mutuo dum integer est; ergo semper adest nixus ut partes, quibus jungitur, adducat

cat ad se mutuo ; ergo requiritur vis , quæ hunc nifum inertem reddit, illa est Antagonistæ virtus opposita, id docent phænomena paralyfios à quacunque causâ, item potentia hujus nixus , qui aliquot libras sæpe trahit, & effectus dum mufculi sic nonnulli $\frac{1}{8}$ tâ longitudinis minuantur.

310. Dum mufculi agunt, tendines vix ad sensum mutantur, (304. / Caro (304) tumet, protuberat, tenditur, crassescit, durefcit, accurtatus mole sua augetur ; docet maffeter , & Cor, tum tendines accurtato ventre sibi mutuo adducuntur. Hæc dicitur Contractio.

Dein ad arbitrium remittitur tensio, tollitur tumor, durities, crassities, flaccescit caro, redeunt à se mutuo tendines, longior fit mufculus. Hæc est restitutio.

Dum unus agit, hi oppositi status obtinent in Antagonistis simul.

Hæc contractio , vel restitutio fit in tota carne mufculi simul.

Uno momento physico adesse , abesse, in se mutuo mutari possunt, nullo in corpore vestigio relicto.

Vis contractionis hæc (310) vi contractili spontaneâ (309) longè major.

Cujus

Cujus potentiam docet. 1. locus inserti tendinis circa juncturam vectis movendi plerumque. 2. obliquitas directionis per angulum acutum valde. 3. pondus movendi vectis. 4. pondus ponderis appensi & elevandi. 5. duplicatio harum virium requisita in tractione versus terminum fixum ex Mechanicis, dum duplici vi fibrâ resistere debet.

311. Hæc phænomena, sive effectus, suæ causæ proprietates aliquas determinant.

1. Ut abesse & adesse in musculo queat.

2. Adeoque in eum ingredi, ex eo egrediendo.

3. Id est aliunde in eum derivari.

4. Idque citissimè, & in multis ad impetum voluntatis.

5. Momento contractionis (310) internè versus superficiem in oppositas partes simul niti.

6. Hoc est per omnem musculi carnem simul distribui, ejus superficies urgere foras, æqualiter & simul.


7. Adeoque latéra fibrarum à contractu remove dilatando, simul tendines ad propiorem contractum adducere accurtando.

8. Debet ea causa potens ad superandas

tot resistantiarum vires esse; (310.) Ergo debet esse Corpus tenue, celere, fluidissimum, musculis cum vi applicatum.

312. Ergo succus nervosus solus est, cui hæ proprietates ad sunt, (220. ad 226) & cui phænomena respondent, (301) cui denique accidentia Cerebri, Cerebelli, medullæ spinalis, vulnerati, percussi, puncti, contuli, obstructi, inundati, inflammati, suppurati, sphacelati adscribi queant.

313. Influxum hujus liquidi in nervos, ejusque effectum in musculos docet contemplatio unius fibræ simplicissimæ in musculo simplicissimo.



Hujus figuram dat consideratio figuræ dimidiæ partis musculi. (304. 305.) Sit talis A C B D, hujus pars C D cava five vasculosa, (306.) in quam nervi E C ultima
pars

pars pateat, (301.) si in hanc partem jam plenam, (222) & in æquilibrium cum antagonista suo positam (309.) per nervum EC (301.) liquor (220. ad 226) Cerebri, Cerebelli, medullæve spinalis nititur influere, quacunque demum de causa, premet liquorem in HCDB, quæ vis ingens fit ob exilitatem canalis EC ad receptaculum HCDB majus; (ex mechanicis, hydrostaticisque) ergo pressus liquor nitetur ad omne punctum internæ superficiei HCBD, (ex lege liquidorum) ergo distendet donec vis resistens fibræ æquetur vi pressionis hujus; sed plura sunt puncta vim recipientia circa HCB, HDB, quam ad H & B, (ex figurâ fibræ oblongæ) & fibra ibi flexilior, quam circa tendines AH, (303. 304.) ergo mutabitur figura HCBD, accedendo ad sphericam, id est dilatabitur CD, id est angustabitur HB, id est satisfacet omni phænomeno (310. 311.) D.E.D.

314. Dum ea contractio (313.) fit in adunatis infinitis fibris simul, id est in toto musculo, latera fibrarum se mutuò comprimunt, ergo aditum occludunt liquido tentanti transfluere arterioso, (302.) id ergo urgebit, id est distensionem juvat, sanguis

sanguis vero venosus exprimitur, id est musculus fere exsanguis fit, quid ergo hinc boni?

315. Dum sic longitudo fibræ minuitur. (313.) simul adducit id, quod tendini adpenditur, si hujus resistentia modo minor vi dilatante, (313.) excessu quocunque minimo.

316. Omnia ergo explicata, exceptâ eâ vi, quæ pressiois momentum per EC (313.) auget & minuit in origine nervi, sed hæc difficultas tolli nequit (19. Lit. H. I.)

317. Quid ergo opus facultate incorporea instante Galenica? Vi nitrosa & explosiva spirituum accendentium sanguinem? effervescentia ab acido & alcali volatilibus? ebullitione succi arteriosi & ætheris? An sensu, organis, materie, mistura, proportionem, durationem, copia, phænomenis, necessitate causæ hæc omnia inveniuntur?

318. Influxus ille liquidi (313.) in omnes musculos semper æquabiliter fit, in aliquos musculos semper constanti tenore alternê fit, ut in Cor, Intercostales, Abdominales, Arterias, Intestina; &c. in alios vero ab mente momentum id pressiois mutatur, quando agent. Vis

Vis musculi dirigitur sæpe 1. fasciis membranosis coërcentibus, ut ad Carpum &c. 2. fasciis musculosis ut in dorso & femore. 3. trochleis cartilagineis, ut in trochleari oculi, pterygostaphylino. 4. alio musculo dirigente, ut in digastrico & stylohyoideo. 5. Hypomochliis tendines sustentibus, ut patella in genu, ossibus sesamoideis ad articulationes digitorum. 6. appendicibus ossium enatis, ut trochanteribus femorum. 7. circumductione circa ossa, ut in obturatore musculo interno.

319. Hinc patet in musculis contractis & relaxatis cruorem uno momento alternè vi magna exprimi & admitti.

Ergo attenuari, dissolvi, ateri hac ope debet, ut in pulmonibus, idque ubique & sæpe.

320. Hinc effectus vitæ alacris & sedentariæ in liquida patent.

Cur musculus diu contractus rubet, dolet, inflammatur, moritur?

CUTIS FUNCTIO.

321. **M**otus musculorum, (313) ossium, ligamentorum, aliorum solidorum perpetuo flexorum, ut & impetus liquidorum per minima solida ubique

que fluentium, ex solidis deterit & resolvit minutias parvas, minus cohærentes; in fluidis vero attenuantur multa eousque, ut ultimis vasculis coërceri non potentia, extra corpus exhalent.

322. Dum ubique externô in cute, internê in membranis cava formantibus, glandulæ numero plurimæ, figurâ & mole milii, nervulis, arteriis, venis, vase secretorio instructæ latent.

323. Cutis portio, his glandulis contigua, lævis, nisi dum fibris nerveis nectitur musculis subjectis; superior vero alba, flava, inæqualis ob innumeras papillas nerveas, conôideas, ordinatim positas, emissiles & retractiles.

324. Cui (323.) incumbit stratum inferius subnigrum, exterius subalbum, glutinosum, mucosum, reticulare, poris ordinatim positis pertusum, sectionibus gyrosis, spiralibus, reticularibus exsculptum, cui cuticula imposita adnectitur.

325. Vasa secretoria (322.) stratum (323.) perforant, dein cum papillis (323.) simul & ordinatô penetrant per stratum, (324.) & desinunt in cuticulæ sulcos (324.) ut quolibet sulco bini ordines paralleli papillarum

98 SUDORIS EXCRETIO.

pillarum (323.) cum medio ordine secretoriorum (322.) contineantur.

SUDORIS EXCRETIO.

326. **Q**Uæ vasa secretoria ultima habent valvulas instar cucurbitæ cavas, liquidum coërcentes, vel emittentes, & conservantes papillas, (vid. Malpig. de Ling. Cute. Cornibus.) Hinc sudoris materies, secretoria vasa, effectus boni & mali, hinc perspirabilis Sanctorii intelligitur natura, materiës, odor, sapor, color.

327. Sudor sic secretus pro cœli, soli, sexus, ætatis, temperiëi & similium varius

328. Item pro varietate Emunctoriorum,

329. Et pro victu, vitâ, & coctionis tempore.

330. Hinc in Corpore sano vix adest, nisi peccato sex rerum non naturalium; & primo effectû semper nocens, per accidens sæpe prodest. Unde ergô?

SANCTORIANA PERSPIRATIO.

331. **I**nsensibilis Corporis exhalatio per Cutim, pulmones, nares, os, œsophagum, intestina, soli Sanctorio probè expensa, omnium secretionum aggregatum superat. In aëre Italô, ætate vegetâ,
vitâ

vitâ beatâ, victu moderato $\frac{1}{8}$ assumptorum æquat.

332. Hujus summa subtilitas, æquabilitas, maxima copia, cum levitate ad sensum, pondere ad stateram, aucta post somnum demonstrat, & conservat perfectissimam sanitatem

333. Hujus ab his (332.) recessus, morbi nuncia, causaque.

334. Hanc efficiunt, conservant, augent viscera robusta, aër purus, serenus, siccus, gravis, frigidus, motus ad lenissimi sudoris initium moderatus, somnus 7. vel 8. horarum bene tecto Corpore, cibi solidi, leves, fermentati, interpolatis levissimis aromatis sine pinguibus, potus levissimæ aquæ, Venus modica ad corporis non mentis stimulum? affectus lætitiæ; juvenia.

Minuunt, impediunt, depravant aliæ secretionēs omnes magis auctæ, & omnia modo dictis contraria.

335. Inde constat, quæ hujus perspirabilis materia, causa, effectus, necessitas, usus ad flexilitatem, & mollitiem, & refectionem perdit.

336. Cur motus violentus, & æstus vertunt hoc perspirabile in sudorem?

Cur motus moderatus, & calor mediocris adjuvat?

Cur sudor adeo lassat, & debilitat?

Cur debilibus, atrophicis, syncopicis, moribundis sudor?

Cur statim à pastu, & diu ab eo perspiratio in sanitate minima?

Cur intrâ quintam & duodecimam à pastu horam maxima?

Cur vectio in Rhedâ, Equo, Navi, motusque inprimis suprâ glaciem ferreis calceis adeo eam promovent?

NUTRITIO, INCREMENTUM, DECREMENTUM.

337. **A** Nimal, ut moveri ritè posset, requirerebat flexilitatem, ergo constitui debuit totum ex partibus minimis separatis, & singulari liquido plenis; sed motu musculari, & liquorum, solida minima deterruntur, detrita liquidis miscentur, mista exhalant; adeoque brevi perit totum animal, nisi reficeretur, id est nutriretur in solidis & fluidis. De posterioribus omnia clarè exposita. Sed nutritio solidorum cantu difficilior. Ergo notetur;

338. Solidæ partes ex aliis minoribus, & maximè similibus constant; docet id enumeratio omnium; determinat ratio quousque procedat.

339. Solida ultima pauca in corpore, docet atrophia, docent microscopia, & vulnera minima: Eaque omnia nervosa.

340. Eaque cuncta ex liquidis orta, docet historia fœtus Malpighiana.

341. Idque transeundo ex liquidissimis ad solidissima omnes status medios, docet autopsia & enumeratio.

342. Ergò liquida & solida tantum figura, cohæsiōe, motu, quiete differunt.

343. Et pars fluidi partem solidi facit, si adest vis cohæsiōem efficiens.

344. Quæ cohæsiō optime perficitur, si & sit locus capax, & pars fluidi mole, figura, cohæsiōe congruens.

345. Sanguis chylosus in pulmone vi æris redditur tenuis, similis; mistus per ut minima vascula transeat. (149.)

346. Et eo motu serum chylosum simile fit illi fluido, ex quo solida, (340) calore moderato concrescens, plasticum, simile illi fluido, in quod solida resolvi magnam partem queant laxo sensu; nam solida

102 NUTRITIO, INCREMENTUM,
cuncta mera terra, quam aër, aqua, ignis
vix mutat; docet Chemia posterius, & ovi
albumen prius.

347. Sæpe iterata hac actione acrior, flui-
dis orbat, & illi coagulo ineptus redditur
sanguis.

348. Unde necessitas novi chyli, id est
alimenti & potulenti, ad nutritionem.

349. Cujus causa, materies, locus, in-
strumenta, actio ex his intelliguntur Theo-
rematibus.

350. Impetus liquoris rectâ propulsi per
canalem conicum à basi, vel per cylindri-
cum, elasticum, vel rigidum, nititur latera
canalis producere juxta axin canalis.

351. Quo nisu vel minimo sensim & in-
sensibiliter parvo tempore hæc vasa elongabit,
& elongando attenuabit magis magisque.

352. Ergò minus cohærentia, id est mi-
nus resistentia dissolutioni sensim ultima ef-
fiet.

353. Adeoque fines vasorum ultimos red-
det vix à fluidis differentes.

354. Et pergendo in propulsione, (350.
351.) ultima latera iterum in liquidum reso-
luta avellet, siue cutis, siue aliarum partium
extrema fuerint.

355. Ille liquor motus (350. 351. 352. 353.) aliquo tempore à pastu gerit partes aptas coagulo, quod facit solida corporis, (345. 346.) quæ ubi applicantur lateribus vasorum cavis, ubi similes abrasæ sunt vi liquidi, (350. 351.) hærent, (342) vi liquidi transeuntis pressæ magis uniuntur, ad eam reducuntur figuram, quæ minime resistit fluori præterfluentis liquidi, id est eandem amissæ canalium superficiem acquirunt; hinc conservatur idem in omnibus status, id est nutriuntur omnia.

356. Quibus vasa recens ex fluidis facta, his elongari facilè queunt sine dissolutione; quibus iteratâ sæpe causa compingente (355.) solidiora, vix magis extenduntur.

357. Ergo quò initio propiora, eò plus crescunt animalia; & contra.

358. Hinc sordes cutis inter solida & fluida ambigunt; in capite, facie, pedibus, manibusque lotione, atque abrasione facile producuntur; renascuntur subitò omnia exteriora, ungues, cuticula, pili, dentes.

359. Hinc carnis, pinguedinis, nervorum, tendinum, cutis, ossium conglutatio, quæ cuncta elonganti debentur motui; hinc patet, quòndiu animal crescat? quam-

104 NUTRITIO, INCREMENT. DECREMENT.
diu maneat idem? quamdiu decreſcat? & cur?
item cur ſolida à fluidis non ſolvantur? cur
animal tam diu vivere queat?

360. Denique intelligitur, quis, quotu-
plex circulus cruoris? qui effectus? quæ ſo-
lutio problematis, quo quæritur tempus,
quo omnis ſanguis Cor ſemel tranſit? & ſi-
milis, longè difficiliora examinanti, quam
præcipiti apparent.

361. Vigilia ſuperſunt & ſomnus; ho-
rum contemplatio ſupponit ſenſuum exter-
norum, & internorum, motuum voluntario-
rum, & naturalium perſpectam prius naturâ.

DE SENSIBUS EXTERNIS, ET DE V I S U.

362. **E**Rgo prius de Senſibus externis, &
primo inter hos de Viſu agemus.

363. Supercilia, cilia & palpebræ oculos
à ſordibus, & lumine nimio defendunt; pal-
pebræ ſuis muſculis, & recto, & orbiculari
aperiuntur, & clauduntur, & niſtant; glan-
dulæ & marginales, & lachrymalis ſuperior
vi circulantium liquidorum, motu palpe-
brarum, moleſtiâ irritantis, per ſua vaſa ex-
cretoria liquidum tenue, limpidum, lene,
lubricans eructant, quo ſordes averruntur
in angulum majorem; membranæ mobiles,
lubri-

DE SENSIBUS EXTERNIS, ET DE VISU. 107
lubricæ, flexiles, pellucidæ, extensæ manent;
figura oculi exterior globosa fit : liquidum
id superfluum motis palpebris determinatur
in canthum majorem, in puncta lachryma-
lia, ope carunculæ in saccum lachrymalem,
in canalem nasi, in nares. Cornea sphærica
est, prominens ex majori spærâ, infinito-
rum stratorum tenuissimorum, pellucido-
rum congeries, lymphaticis minimis con-
texta, sensibilis maxime, caloris, frigoris-
que inprimis patiens.

364. Interne alluitur liquore aqueo, pel-
lucido, ex colore, tenui, fluido valde,
salso ad ignem vix concrecente, ad gelu
vix cogendo, sæpe renato, vasis singulari-
bus præparato, secreto, excreto, forte &
ipsius corneæ, & aliis. Hujus vi radius ex
aëre refringitur, ut in aquâ.

In hac aqua jacet membrana musculosa
ex Choroëide orta, ubi sclerotica corneam
formare incipit, in medio foramine rotun-
do pertusa, pensilis quasi; Uvea dicta, ejus-
que foramen Pupilla: fit ea fibris in limbum
pupillæ orbicularem terminatis duplicis se-
riei; inferior limbus latus superiori minus
lato & minori jungitur. Unde longitudi-
nales fibræ contractæ limbum trahunt, pu-

pillam aperiunt maxime; alia verò series acta videtur emitti in centrum, sicque pupillam claudere, superne coloratæ, infra nigerrimæ sunt. Hinc Iris, oculi color, & pupillaque intelliguntur.

Tum Lens utrimque convexa, pellucida, coloris expers, crassior suorum arcuum sagittis, vix liquida, vasculosa, cum liquore tenuissimo per vasa currente, ex suspensio extillante, affixa mirifice cum vitreo subjecto, pensilis, mobilis, aquâ plus refringens.

Liquidum Vitreum vasculosum, pellucidum, fibrosum, subsalsum, purissimum, suspensum fere in liquidorem destillans, superne tectum & cohærens Crystallinæ lenti, inferne contiguum miro reti ex nervo Optico, arteriis, venis, lymphaticis vasis, id est tunica Retinæ, superne ad latera fibris muscularibus ex choroëide, circa originem Uvæ, emissis membranulam formantibus, aspersa nigredine, titulo ductuum Ciliarium: refractio Crystallinâ minor: cuncta hæc durâ membranâ coercentur, & musculis quatuor, quibus seorsim, vel combinatim agentibus in omnem ambitum rotari sphaera queat; ubi verò agunt simul, compri-

primi

primi & elongari queat; binis aliis, quibus extra verti, & elevari, vel deprimi possit.

365. Ut visionis modus & locus determinetur, Optica, Catoptrice, & Dioptrice colenda, unde pauca huc transferenda sunt.

366. Ab omni visibili puncto objecti visibilis ad omnia puncta Corneæ, (364) quæ comprehenduntur inter extremas tangentes, secantesve, ab eo puncto ad extrema corneæ puncta ductas, radii visorii feruntur recti, iique lineæ fere geometricæ, si sensu explorantur, sed divisibiles in plures alias, ex incomparabili NEUTONO.

367. Qui à lucido corpore orti, superficie visibilis excepti, inde reflexi variis modis ad puncta corneæ (366) pertingunt; non autem ab oculo, vel objecto emanant.

368. Ea reflexio fit ad angulos æquales, quibus inciderant radii: magnitudo anguli intelligitur, qui ex radio incidente & tangente corporis in eo puncto incidentiæ illa, quæ cum radio in eodem plano.

369. Qui tamen radii hac reflexione sæpe mutantur in aliis proprietatibus, scilicet velocitate, ratione, &c.

370. Idem radii acti ad superficiem cor-

108 DE SENSIBUS EXTERNIS,
porum pellucidorum, sive solidorum, sive
liquidorum, quorum soliditas major, mi-
norve, quam medii, ex quo appellunt, per
meatus horum corporum transeunt, sed in
superficie mutant iter à rectà ad perpendicu-
lum incidentiæ, vel ab eo; ea inflexio, Re-
fractio dicitur.

371. Cujus refractionis, adeoque & so-
lilitatis resistentis mensura non fit angulis
mutatis, sed sinibus horum semper propor-
tionalibus.

372. Figura corneæ apta excipere ex quo-
libet visibili puncto objecti visibilis radios
plures, (366) eosque sua soliditate refrin-
gere, fere ut aqua, hinc non ad latera ocu-
li in aqueo liquido, sed ad foramen pupillæ
determinantur, & inde ad superficiem lentis
crystallinæ, facta refractione ad perpendi-
culum, eaque in aqueo liquido conservata.

373. Figura Corneæ planior radios mi-
nus cogit, nimis dispergit, unde crystalli-
nam lentem pauciores penetrant. Figura
Corneæ globosior nimis cogit, unde nimis
parvam partem superficiem Crystallinæ attin-
gunt.

374. Pupillæ effectus, definire numerum
radiorum ad crystallinam mittendorum, de-
terminare vim luminis, Hinc

Hinc illæsa oculi tenerrima fabricâ, distincta & vivida pictura objecti; inde remotis, propinquis, lucidissimis, obscuris accommodatur oculus.

375. Lens Crystallina utrimque convexa, radios aqueo (372. 373.) definitos, pupilla ordinatos, (374.) novâ refractione ad perpendicularum cogit, ut vergant versus unum punctum qui ab uno orti, id punctum centro lentis satispropinquum.

376. Ejus figura planior punctum collectionis remotius, globosior propius figit.

Prioris senum instar; posterioris myopum visio.

Illi vitro connexo, vel objecto remoto, hi vitro cavo, vel objecto propinquo juvantur.

Mobilitas ejus ad corneam, vel retinam propior an sit musculis 4. oculi rectis tractis & laxatis? an lens attrahitur crystallina fibrisciliaribus? an vitreus humor, elasticis vesiculis constans, his fibris elatus lentem attollit, se restituens retrahit? Ejus certe effectus & necessarius, & mirabilis, ut remota & propinqua videre queat.

An huc facit mutabilitas figuræ in crystallina? vis videtur deficere requisita.

377. Refractio ex aqueo (372.) in crystallinum (364. 375. 376. 377.) æquatur fere illi, quæ radiorum ex aqua per vitrum actorum, unde parum flectuntur.

378. Vitreus aqueo densior, crystallino fluidior, radios (375. 376.) nimis prope uniendos, paulo ulterius dispersos cogit, spatiumque dat crystallino movendo.

Hinc triplici hac, vel forte quadruplici refractione hoc fit, ut omnes radii ab uno puncto orti, pupillam transgressi colligantur in uno retinæ puncto. Hinc pictura distincta, spatium satis magnum, imago vivida.

379. Nigredo interna reflexionis varietatem, & inde orituram confusionem prohibet.

Mobilitas oculi sex musculis facta circumducendo, intorquendo, extrorsum vertendo, laxando, comprimendo, eum elongat, dilatat, & ita variis accommodat.

Mobilitas crystallinæ lentis, ejusque forte in figura mutatio, facit nulli arti imitabile illud, ut uno instrumento dioptrico infinita, mole, situ, distantia diversa objecta distincte pingantur.

380. Visus ergo perfectio pendet ab ea
figura

figura solidorum , & ea densitate liquidorum , quæ pellucidissima, sine ullo colore, plurimos radios ab quoque puncto objecti cogat in unum distinctum ab aliis in retina punctum , refractione non nimis ante, neque post retinam colligente ; ea mobilitate amborum , quæ pluribus distantis clare pingendis par , sic enim magnitudo , figura, distantia, motus, quies, situs, lumen, color, optimè pinguntur.

§ 81. Nervus tandem Opticus eam requirit dispositionem , expansionem , tenebritudinem , puritatem , proportionem vasorum sanguiferorum & lymphaticorum , quæ imagines excipere, & illibatas ad sensorium commune deferre queat libera ubique via ad locum sensus primum. Hinc determinatur locus visionis in oculo ; ratio situs nervi optici ad latus internum axis optici ; radios non emanare ex nobis, & reflecti ab objectis in nos , ut Stoici ; non specie visibili ab objecto emissâ nos videre, ut Pythagoræi ; non emissis effluviis ab objecto & oculo , obviam factis, mutuo amplexis, & reflexis, ut Plato ; nec emanatione materiali, ut voluit Epicurus : hinc tandem Experimenti Mariottani clara ratio. (vid. Briggs Ophthalmogr. Rhuyſch Nuk.) DE

382. **S**onus est aëris tremulus motus, or-
tus à corpore sonoro cum elastico
tremore concutiente.

Auditus est perceptio soni menti commu-
nicata ope organi auditorii.

Soni propagatio fit à centro in ambitum,
eâdem lege progressus, & reflexus, ac ra-
dii luminis. (368.)

Unde liquet Auris externæ politam, ten-
samque firmiter membranam, cartilagi-
nem elasticam, tremulam, pendulam, ten-
samque, radios sonoros immutatos reflecte-
re satis valide.

383. Eminentia utriusque, & satis mag-
næ auris, harum spirales eminentiæ sua in-
clinatione, intortu, decursu, concursu fa-
ciunt, ut ab omni sonoro puncto emissio-
rum radiorum sonantium 1. satis multi ca-
pantur, 2. reflectantur, 3. in concham uni-
ti pellantur.

384. Conchæ apertura musculis binis
applanari, tendique potest, unde radiorum
arctior collectio, vel dispersio accommoda
debili vel fortiori sono. Compages ossea ve-
stita membrana tensa meatus auditorii so-
num illæsum defert: ejus obliquitas superfi-
ciem augens, loca reflexionis multiplicat.

Figura

Figura ejus tubulosa , cylindro elliptica , serpentino progressu primò adscendens , in medio descendens , in fine demum adscendens iterum id agit , ut omnes radii in medium sui finis centrum , ubi membrana tympani , uniantur , sicque sonus augeatur ibi , clangore simul impedito Lingua cartilaginea ejus initio versus faciem eminens facit , ne reflexus sonus vertatur extra aurem.

385. Membranæ Tympani obliquitas , cum fine meatus auditorii superiori & posteriori obtusum , cum inferiori & anteriori acutum formans angulum , superficiem , adeòque puncta incurfus soni , tum tremulos concussus multiplicat , simul id agit , ut sine impedimento mutuo in medium ejus agiqueant radii.

386. Membranæ Tympani arcta ad meatum applicatio , tenuitas , siccitas , laxitas , figura cava versus aurem externam , convexa versus tympanum , musculorum mallei , & hujus ipsius actio , docent arceri hâc aërem , sordes , humores , insecta , pulverē&c. motus verò sonoros transmitti ad interiora , & forsan hic aliquid auditus exerceri.

387. Transversa , firmaque mallei per processum majorem & manubrium ad membranam

branam tympani, radii instar, adcretio ab initio manubrii, usque ad centrum membranæ; insertio musculi interni inter minorem & majorem eminentiam mallei, unde descendit versus os petrosum, canalem ingreditur osseum, suprâ partem osseam tubæ Eustachianæ lateraliter excurrit; adhesio per processum Ravianum cum musculo externo per latissimam fibrarum applicationem, qui oritur à pariete tympani faciem spectante, hinc progressus, & inferius tympani chordam subtermeat, inde, ut dictum, inseritur malleo; capitis articulatio cum incude: libera hinc ejus quasi suspensio docent, 1. membranam ergo hanc tendi, & remitti, convexiorem, vel planiorem reddi posse; idque varios per gradus, variasque per directiones. 2. hâc ratione simul spatium conchæ variari, aërem adduci, expelli, comprimiposse, viam præbente ductu Eustachii. 3. hinc infinitis tremoribus, per consonantias excipiendis, aptari, & reliquis officulis communicari.

388 Mallei, Incudis, Stapedis conjunctio inter se; horum libera, & solis membranis, vel musculis tremulis, in ca-

vo aëris pleno suspensio ; stapedis per suum musculum directio ; hujus , per basin , in foramen ovale per membranam tensam & tremulam nexus , nos docent.

1. dicta (387.) membranæ foraminis ovalis posse immutata communicari. 2. hanc membranulam infinitis modis posse tendi. 3. sic infinitis tonis recipiendis aptari. 4. eos communicare labyrintho. An & forte aërem immittere ? vix vero simile. An eum laxare vel comprimere ? decidi nequit , nisi ab eo , qui eum inesse demonstraverit prius.

389. Figura Conchæ Elliptica , focus ejus foramen rotundum , hujus oppositio ad focum membranæ tympani , hujus membranula tensa & madida , facit ut radii sonori , sine adminiculo ossiculorum , huic communicari queant , & distinctam à foramine ovali actionem edere in unam scalam Cochleæ. (394.)

390. Meatus Eustachii musculo interno aperiendus , dum adductâ membranâ tympani id arctat , claudendus forte musculo cephalopharyngæo , temperiem , calorem , humiditatem , rarefactionem , condensationem , pressionem , elaterem hu-

jus

jus aëris cum externo æquare, vel differentem reddere valet, eâque ratione mirificè variare; simul soni augmenta producere, ore aperto, & ipso ductu patente.

391. Stapedis nexus ad membranam foraminis ovalis, hujus apertura in vestibulum, ejus communicatio cum quinque aperturis trium canalium semicircularium, nervi mollis auditorii ramos excipientium, & recondentium in leni quasi liquido labyrinthum replente suspensos & expansos, demonstrat horum nervulorum ramulos sic aptissimos disponi ad tremores sonoros membranæ foraminis ovalis (388.) suscipiendos; quo & forte multum faciet canalium & materies ossæ tenuis, & figura tubæ æmula.

392. Per eandem membranam ovalem (391.) & vestibulum aditus in scalam Cochleæ unam indicat, tremores sonoros & hujus ope hic communicatos propagari posse usque ad apicem turbinis.

393. Vestibulum vero commune & labyrintho, (391.) & illi scalæ Cochleæ uni, (392.) docet sonum ope ossiculorum & membranæ tympani (386. 387. 388.) binis his, adeo diversis viis & organis commu-

communicari ; diversitas effectus patet ex (391. & 394.) comparatis inter se.

394. Cochlea tubo conico spiraliter per binos & dimidium flexum circuli ad conum osseum exciso constat ; pensili lamellâ similiter adscendente bifariam dividitur ; hæc lamella parte centro gyri proximâ ossea, remotâ membranæ, & forte nervosis expansionibus sensibilis ; Conicus ille canalis hinc duos habet exitus per hunc laminæ ingressum , uno exitu in vestibulum , (391. 392. 393.) altero in membranam foraminis rotundi ; (389.) unde clarior de effectu horum sententia ; nempe 1. sonus sic nervosæ membranulæ laminæ imprimi potest tremore membranæ ovalis , & rotundæ. (391. 392. & 389.) 2. omnes toni fere possibiles in aliquâ parte laminæ spiralis reperiunt tensionem , & proin dispositionem aptam consonantiæ illi tono , dum crassitiei , & latitudinis infinitos fere gradus percurrentes , omni tremori concordare potest. 3. hos tremores non turbatos ferre in nervum auditorium mollem , & inde in sensorium commune. 4. infinita hîc restare inquirenda de ultimâ harum partium structurâ ; maximè vero de ingressu,

gressu, digressu, distributione nervi auditorii per has organicas partes.

395. Responsio vero ex his datur ad quæsitâ sequentia.

1. Cur auditus augetur manu cavâ auri applicatâ versus sonorum?

2. Cur idem fit aure obliquê ad sonorum obversa ad ang. fere 45. grad?

3. Cur ore diducto?

4. Flanti, oscitanti, acutum loquenti, vel canenti cur bombus in aure, & auditus obtusior?

5. Cur surdi ope dentium stridores annexi corporis percipere possunt?

6. Cur eorum multi voces ori immixtas audiunt?

7. Cur his, & aliis fami ore pressi sæpe aure exeunt?

8. Cur clausa tuba Eustachii, surditas?
Cur surditas à rupta membrana?

9. Cur binis auribus unus sonus? (Eustach. Schelhamer, du Verney, Valsalva.)

DE OLFACTU.

396. **N**ervi olfactorii ex medulla cerebri egressi ad anteriora cranii procedentes molles, medullosi usque ad meatus ossis cribriformis, quos investiti duræ

duræ matris thecis transeunt, inde membranarum suarum exteriori involucri constituantur, & in ea, ut basi disperguntur.

397. In naribus utrimque bina ossa levissima, tenuia, papyracea, cavernosa, his circumducitur, hæcque per foramina ingreditur membrana olfactus, (396.) augens sic superficiem, irretiens materiem odoris; eadem dein membrana cavos sinus frontis, maxillæ, ossis sphenoidis sub sellâ Turcicâ ingreditur, investit, egreditur, relicto in singulis foramine patulo in nares, unde mucus exit, odor intrat, auctâ superficie.

398. Ramus quinti paris Willisiani parvus, duriorque olfactorius, in eadem se membranâ (396.) explicat pro sensu communi, & motu sternutationis.

399. Animalia odoratu sagacissimo prædita majorem & longiorem narium superficiem habent, ut & processus mammillares majores, & ossicula (397.) magis intorta & cochleata, & gyrosa, adeoque membranam olfactoriam (396.) superficie auctam magis.

400. Plantarum & Animalium illæ partes odoratæ sunt, quæ chemico igne in sales.

sales, olea, & spiritus resolvi queunt, vel talia reapse continent, id est, quæ & acria sunt, & mobilia simul, aqua, & terrena vix odorifera.

401. Expellenti per nares aërem olfactus nullus.

Cohibenti spiritum vix ullus.

Adducenti verò per nares excitatur.

Et si fortiter adduxerit, augetur, imprimis verò expellenti & adducenti reciproce.

Motu, calore, tritu objecta olfactus (402.) virtute odoriferâ augentur.

402. Ergo inspiratione in nares figuratas, cavernosas, & inæquales aër materie odorâ (400.) foetus adductus impingit in plures partes successivè membranæ olfactoriæ, (397. 396.) id est in fibrillas nervi olfactorii, (396.) per has sensorio communi, & animæ communicatur odoris sensus.

403. Cur odores vitam uno sæpe momento reddunt?

Cur morbos & mortem subito excitant?

Cur in diversis tam oppositos effectus præstant?

Cur odora vis augetur iis, quibus, rostra, & nares longissima? Cur

Cur exigua odora corpuscula tam fortem odorem excitare possunt?

Cur putrescentium & animalium, & vegetantium tam tenax odor, ubi semel impressus?

Cur fortissima odorifera sternutatoria?

Quis muci in organo olfactorio usus?

An is excrementum? an in ortu crassus? (Palfin. Osteol. de Naribus & Muco. Schneider. de Catharris.)

DE GUSTU.

404. **D**orsum linguæ vestitur membrana exteriori densa; in hac calida, humida, exserta apparent eminentiæ rotundæ, multis exiguis foraminulis pertusæ, in ægris & mortuis disparantes, sub his tuberculis latent cornicula erecta cutanea.

405. Sub hac membrana (404.) latet alia crassa, glutinosa, exterius alba, inferius nigra, extensa instar retis perforati, per cujus foramina papillæ (404.) emergunt usque in cava tubercula primæ membranæ. (404.)

406. Sub hac reticulari membrana (405.) stratum occurrit molle, nervosum, papillare, subflavum, subalbum, satis altum,
F inferius

inferius læve, nisi à nexu & insertione nervorum, ex hujus exteriori superficie papillæ nervæ ordinatæ, altiores, profundioresve ortæ (404. 405.)

407. Papillæ ortæ basi ex strato, (406) ubi nervulum accipiunt, cui uniuntur, sæpe emittunt ramos nervosos in alias papillas distribuendos in cornua, (404) dein perforant membranam reticularem, (405) desinunt in capitulum molle nervosum, tuberculo (404.) recondendum. (Bellin. Malpig. Fracassat. de Lingua.)

408. Partes ex animalibus & vegetabilibus, cibos, potusve sapos constituentes, in olea, sales, spiritus converti valent, quæ saliva dilutæ, calefactæ, motæ, foraminula (404) penetrantes, papillis (407) applicatæ, eas movendo sensum saporis excitant.

409. Cujus ergo solum, & totum organum nervosæ papillæ (407.)

410. Hinc liquet, quæ affinitas, quæ inter gustum, & odoratum diversitas?

Cur ejusdem objecti saponi tam diversus sapor in varia ætate, temperie, morbo, sexu, consuetudine, aliis prius usurpatis?

Cur

Cur sapidissima dolorificis proxima; Acetosa, Salina, Aromatica?

Cur sapida cita restaurantia?

Cur aqua, terra, olea lenia insipida?

DE TACTU.

411. **Q**uales lingua, tales tota cutis habet papillas nervosas contractiles, & emissiles, maximè ad extrema digitorum pedis manusque, ubi epidermide adscitâ formant ungues: harum ope Tactus exercetur. (vid. 322. ad 326.)

DE SENSIBUS INTERNIS.

412. **S**oli ergo motus corporum determinatorum secundum figuram, molem, duritiem, communicati nervis, horum liquidis, & medullæ cerebri excitant in mente varias ideas rebus haud similes.

413. Hæ verò voluntatem determinant, prout placent, vel displicent, in amorem, vel odium causæ has excitantis; unde & voluntas, ut eam capiat, vel fugiat, musculos quosdam movet.

414. Ergo ab extremis ad sensorium commune, ab hoc ad extrema est motus liber. Ille vero locus est ubique, ubi ex folliculo glanduloso cerebri exit nervi medulla.

415. Quò actio objecti in nervum vehementior, eò idea vividior.

416. Vel quò sæpius imprimitur eidem nervo.

417. Aut quò magis insolita.

418. Et per easdem causas sensorio communi pertinacius inhæret ea dispositio, quæ eas ideas actione causæ menti primò creavit.

419. Unde occasione similis causæ, vel ideæ, vel sponte dispositionis corporeæ (418.) volenti, invitove eadem præsens idea redditur: huic si conscientia repetitæ adest, *Memoria* vocatur.

420. Motus nervi, spirituum, sensorii communis æque à causis corpori internis, ac ab externis produci possunt: unde similis idea: cui si accedit persuasio, eam habere causam extrâ corpus, vocatur *Imaginatio*.

421. Si Voluntas in sensorio communi, & partibus eo spectantibus eum statum retinet, qui oritur ex actione ipsa vividâ objecti; vel si impediens reliquas eam excipiat solam, hæc ejus actio *Attentio*, ejusque effectus clara, vivida & distincta perceptio sensibilis. Hi sensus interni; quò fames, sitisque.

422. Hinc solvitur:

1. Cur, cessante motu muscolari voluntario, sensus externi, internique vigeant?

2. Attentus cur sopiat sensus externos? ut & reminiscens, vel imaginans, & unde his *ἀναίσθησία*?

3. Cur cibi, potus, quies, motus, aer, calor, frigus, consuetudo, animi affectus tantam in his vim exercent?

4. Cur variata objecta adeò exhilarant?

5. Cur sensus interni nimis exercitati adeò debilitant, & lassant?

DE VIGILIA.

423. **S**I motus sensuum externorum, & internorum, musculorumque, qui voluntati serviunt, viget, vegetque, homo dicitur vigilare.

DE SOMNO.

424. **C**UI statui oppositus dicitur somnus; ejus naturam cognituro attendendum ad phænomena, quæ sanis adfert.

1. Cessant sensus externi, internique.

2. Cessant omnes voluntarii motus.

3. Musculi voluntarii omnes inertes.

4. Cessant omnia, quæ ex tribus his immediate sequuntur.

5. Cordis, arteriarum, venarum motus fortior, lentior, plenior, æquabilior.

6. Motus organorum respirationis æquabilior, respiratio lentior, æquabilior, robustior, profundior.

7. Adeoque eorum, quæ ex (5. 6.) phænomenis dictis fluunt, exercitatio perfectior; sanguinis perfectio requisita ad circulationem, coctionem, secretionem, perspirationem, nutritionem; maxime celerior per sanguifera, lentior per lateralìa motus.

425. Somnus oritur:

1. A cibo lautiori.

2. A potu vegetabili fermentato.

3. A lassitudine ex labore.

4. A quiete corporis, silentio objectorum sensibilibum, tranquillitate mentis.

5. A calore, frigoreve nimis, sive à causâ communi, seu ab ætate, temperie, vel aliâ fluxerint.

6. Ab omni causâ, quæ transitum sanguinis in corticem Cerebri; ejus secretionem ibidem in spiritus; horum derivationem in organa sensuum & motuum, horum refluxum in sensorium commune ab extremis impedit, plethora, pituita, vulnera,

nera,

nera, phlegmone, apostemata, evacuatio nimia, contusio, compressio cerebri, extravasatio liquidorum &c.

426. In somno cessant sensus motusque voluntarii, (424. 1. 2. 3. 4.) neque horum muscoli turgent, (424. 3.) ergo liquida illorum nervorum (424. 1. 2. 3.) non consumuntur, non mutant, non destruunt villos musculorum motu contractionis, neque varietatem pressionis ad vasa, vel velocitatis in liquidis producant.

427. In somno Cordis, pulmonumque motus viget, (424. 5. 6. 7.) neque variatur, vel destruitur ab organis sensuum, motusve voluntarii, tum cessantibus, (424. 1. 2. 3. 4. & 426.) ergo quæ inde fluunt immediate, tum imprimis exercentur: 1. circuitus cruoris æquabilior per omnia vasa libera, laxa, ingressui patentia; adeoque in vasa lateralìa lentior quidem, sed æquabilior. 2. mutatio Chyli in serum nutriendum perfectior. 3. detritus partium minus cohærentium lenior. 4. harum secretio ad cutim imprimis. 5. restitutio perditæ optima, quia ejus requisita materies, vasis aptitudo, liquidi ingressus, causa applicans jam vigent; causæ verò

impedientes, vel turbantes, & destruentes absunt. 6. Nova productio, & accumulatio spirituum, quoad materiem in sanguine, quoad ad plenitudinem in vasis.

428. Quies ergo major liquidorum, sensuum, & voluntatis, jactura detritorum ex solidis, (cujus perceptio lassitudo) est causa comesque somnolentiæ.

429. Adeoque quæ hæc duo, (428.) ea & somnum possunt producere.

430. Et his (428.) per somnum (427) regeneratis, aptitudo ad vigilias, (423.) ineptitudo ad somnum (424.) fit, unde accedente objecti sensibilis actione, vel sponte homo vigilare incipit.

431. Cur tempore somni perspiratio duplo major, quam vigiliarum, posito somno intra limites 8. horarum?

Cur protracto nimis somno, frigus, pituita, obesitas, pondus, virium suffocatio, musculorum ad motum ineptitudo, imperspirabilitas?

Cur somnus diuturnus vitam sine cibo, potuve, sustinet?

Cur à somno oscitatio, expansio, acies iudicio, corpori agilitas, nervis vires, si ille moderatus?

Cur

Cur foetus semper, pueri plurimum, juvenes plus Viris, senibusque dormiunt?

Cur à morbis validis resurgens plus dormit se sano?

432. Cur musculus Cordis in somno motum continuet, docet cerebelli à cerebro diversitas, ortus octavi paris à medulla ibi, ubi jam cerebelli medulla accrevit ei, dein consideratio structuræ sinus venosi, auricularum, thalamorum cordis, alternique influxus liquidi cerebellosi in auriculas nunc, nunc in Cor.

RESPIRATIONIS ACTIO.

433. **Q**uæ sit respiratio, cur somni tempore perennet, docent sequentia.

434. Pulmones, in aëre libero undique suspensi, collabuntur, & fiunt cavo Thoracis minores; docet anatome.

435. Pulmones vi inflati Thoracis cavum æquant, vel & superare possunt.

436. Inter pleuram & exteriorem pulmonis membranam, in homine sano, aër nullus.

437. Anatome, foetus productio, pulmones inflati, vulnera Thoracem penetrantia, pulmonisque dilatationem impedi-

dientia, maximè verò Hokii experimèntum, id docent.

438. In inspiratione costæ attolluntur versus claviculas, tumet abdomen, & distenditur, augetur capacitas thoracis; id docet funis mensurans, oculus, ratio mechanica.

439. Simul diaphragma ex sinuoso, convexo situ versus thoracem, deducitur in planum; id docet incisio vivorum, & conspectus musculosæ in diaphragmate structuræ.

440. Contractio intercostalium internorum, (Vesal. L. 2. Tab. 8. Lit. E) externorumque, (ibid. Lit. D.) serratorum 4. anticorum, (ibid. Tab. 4. L. K. & Tab. 5. L. r. & Tab. 2. Lit. ooo. Tab. 4. Lit. L. Tab. 6. L. R.) & posticorum (ibid. Tab. II. L. F. & Δ.) elevat costas, accedente diaphragmatis (ibid. Tab. 7. L. Δ.) actione, (439.) & musculi subclavii, (ibid. Tab. 4. L. d.) dilatatur thorax; (438. 439.) docet contemplatio anatomica, respirationis diversitas naturalis, vel voluntaria, dein horum musculorum ægritudo.

441. Aër fluidus, gravis, elasticus per nares,

nares, vel os in apertam Laryngis rimam (Casser. Tab. 13. fig. xi. Litt. D. D. E. E.) ruens in pulmonem (§. 144. usque ad 149.) aëre vacuam, subito nixu eunt in omnem dimensionem dilatat, Thoracemque ipsum hoc primo impetu mutat. Hinc in fœtu respiratio prima.

442. Dilatato thorace per causas, (440) resistantia inter pleuram & pulmones tollitur, unde Aër irruit effectu simili, (441) sic fit inspiratio in jam natis.

443. Si hoc in statu (440) durent causæ dilatantes Thoracem, (439. 440.) simulque larynx clauditur, aër coërcitus calore corporis rarefit, & simul premit in omnem circumferentiam continuo incremento.

444. Si Aëre sic rarefacto muscoli dilatatores (440.) agere cessant, elasticæ cartilagines (Vesal Lib. 1. Cap. 19. fig. 1. 3. L. C. B. D. E.) costas deprimunt, sursum pellitur diaphragma, agunt oppositi decem abdominales, (Vesal L. 2. T. 3. L. G. Tab. 4. L. n. Tab. 5. L. Δ. & Y. Fallopp. Observ. Anatom. de Musc.) sacrolumbi, (Vesal. L. 2. Tab. xi. L. Q. Tab. xii. L. Δ.) spinati (ibid.) muscoli, arctatur

arctatur thorax & abdomen omni dimensio-
ne, expellitur Aër.

445. Hæc expulsio adjuvatur musculis
squamosos laryngis annulos nectentibus,
& fibris reticularibus vesicularum.

446. Inter musculos intercostales, & car-
tilagines costarum, circâ sternum, est anta-
gonismus sine musculo antagonistâ.

Inter musculos thoracis dilatatores, præ-
ter intercostales, (440.) & arctantes, (444.)
exceptis cartilaginibus costarum, is nexus,
qui antagonismum muscularem producit,
ut in auriculâ, & cordis corpore; ergo al-
terni horum motus, ubi semel excitati,
(441.) & est in cerebello præsto liquidum
influens in nervos horum tempore somni;
ergo continuatur lege dictâ, (424. 6.)
quia nulla duo momenta successiva æqua-
liter in inspiratione vel expiratione agunt.

447. Cordis motus, immediatè per vo-
luntatem sisti nequit, Thoracis quidem.
Ergo vis respirationis facilius superatur,
quam vis cordis; ergo motus hi ἀχρηστοί;
tamen se mutuo sequuntur, quâ lege?
quæ iterandi ictus cordis, quæ iterandæ
respirationis necessitas? quousque hæc duo
persistere sine repetitione possunt? quæ
causa,

causa, quæ instrumenta, quæ differentia, inter naturalem vel vitalem, & animaleam respirationem?

448. Epurgatio alvi, vesicæ, uteri, pulmonis, cavitatum cranii, maxillæ superioris, ossis cuneiformis, per respirationem fit. Risus, loquela, cantus hinc pendent, ut & circulatio abdominalis. (266.)

449. Cur moribundis, respiratione sublata, Cor pulsare pergit?

Cur tussi, & suspiriis sanguis acceleratur?

Cur aër crassus, gravis, tenuis, levis, humidus, siccus, calidus, frigidus in summo gradu respirationi ineptus?

Cur actio respirationis ultima exspiratio; prima inspiratio est?

Cur sæpe vix cernitur respiratio in his, qui sani & quieti vigilant?

GENERATIONIS FUNCTIO.

450. **H**Æc mechanica explicatio actionum vitalium, naturalium, animalium, mari & fœminæ communium. Ut eas sciamus, quibus Generatio fit, observandum, alia mari, alia fœminæ esse organa generationis, aliosque horum effectus vario ætatis gradu.

451. Arteria spermatica dextra ab Aortâ, sinistra ab Emulgente, Arteriæ sæpe pro-

culâ venis spermaticis ortæ , brevi his junguntur , ita ut individua eidem membranæ inclusæ præcedentes , corpus pyramidale constituent , arteriis & venis inosculatis.

452. Cruor arteriosus (ex hâc hypothesi) per ramos laterales in venas comites transit , eâ parte exceptâ , quæ motu validiore rectâ ad testes pergit , ubi arteria duobus diversis ramis tunicam nerveam aggressa , ibique distributa mirabili gyro , centrum testis petit , & post infinitas reflexiones in vas seminale deponit per infinita oscula liquidum cinericium , id est semen testium.

453. Circâ idem vas seminale infiniti nervuli , & vascula lymphatica notantur , quæ ad vas pyramidale desinunt.

454. Venæ per tunicam nerveam in adyta testium non penetrant , sed per vas pyramidale ei accumbunt , ubi infiniti meatus ex nerveâ in vas pyramidale , per quæ forte hæc vasa lymphatica in venas se exonerant.

455. Vas seminale productum Epididymidem facit , dum attenuatum , & pluribus ad angulos acutissimos adunatum inflexibus , semen (452.) sistit , fovet , elaborat , inque vas deferens animalcula formata transfert.

456. Vas deferens ad vesicularum seminalium initia inseritur ad angulum acutum versus ejus capacitatem maximam, ibique semen infundit, recondendum, & anfractuosis sinibus moraturum.

An verò succus harum vesicularum ab semine testium loco, fabricâ, naturâ, fecunditatis effectû, diversus est?

457. Prostatae succum albissimum confectum retinent, plurimumque canalium ostiolis evomunt in urethram circâ carunculam meatus seminalis ex vesiculis.

458. Vesiculæ seminales (456.) singulæ suum emissarium in unum canalem adunant, qui in Urethram desinit. Vesiculæ, (456) & prostatae (457) eâdem muscolari membranâ tectæ, strictæque sua liquida (456. 457.) in ejaculatione ibi simul jungunt, miscent, diluunt pro fecundo semine. An & huc concurrunt glandulæ Couperi?

459. Semen fecundum in testibus, vase deferente, vesiculis seminalibus, urethrâ, ejectumve, animacula caudata oblonga continet, & liquidum, quod ea innatantia sustinet. Prima pulli Carina Malpighiana, his
conve-

conveniens, probabile reddit hæc animalia rudimenta hominis continere.

460. Barba, vox, temperies, ætas, affectus, semen sequuntur, vel comitantur.

461. Seminis ergo fœcundi (459) productio, (a 451. ad 460.) ejus asservatio, (452. 455. 456.) liquidorum (455. 456. 457. 458.) permixtio, inflatâ cruore arterioso in cellulas nervosorum corporum effuso, & per venas compressas musculis & ligamento suspensorio penis, non potente regredi, virgâ, in uterum muliebre affusio facit omne, quod vir ad generationem præstat (vid. de Graaf de Vir. Org. Leal. Lealis, Rhuyfch, Couper.)

462. Uterus membranis, fibris contractilibus & valde distractilibus, arteriis, venis, nervis, Lymphaticis, Lymphaticomucosis vasis, tubis, ovariis instructus, per tubas & vaginam habet tria foramina, quorum bina priora in cavum abdominis, vel ad ovaria, posterius in vaginam patet.

463. Fibræ validæ in fasces congestæ musculares eâ lege, ut harum actione uteri circumferentia extensa à centro versus id renitatur; hinc se contentis arcte applicet, horumque expulsui opituletur.

464.

464. Inter quas fibras ((463)) vasa posita ampliantur pro mole extensa uteri, simulque attenuantur, tandem quasi in sinus mutata sibi mutuo occurrunt, sua liquida communicant, ubi sanguis, lymphæ, mucus ingenti copiâ aggregantur, mutantur.

465. Arteriæ & venæ 1. à pyramidalibus spermaticis ad ovaria, ova, uterum delatis. 2. ab arteriis venisque hypogastricis. 3. ab infinitis aliis, quæ uteri ligamenta rotunda dicta constituunt, hæc omnia mutuis osculis vasa communicant, varii incrementi & decrementi capacia.

466. Uterus in pelvi amplâ, nec premente, sanguine facile distenditur plethorico, (dum adolevit, nec facilè magis extenditur corpus) dolet, vasa lateralia ampliat, cruorem emittit variâ ætate, tempore, copia, indole; vocatur Menstruus Fluxus, docens plus cruoris, quam necessarij ad vitam, confici.

467. Loco circâ os uteri, intrâ uterum, & in vaginâ hic cruor exit.

468. Mammæ extrâ ossa & musculos posita, vasis uterinis communicantes eodem tempore, causaque, augentur, tument, dolent, succæ lac fundunt, maximè post partum.

469. Ovaria globulis pellucidis, Lymphâ pellucidâ, ad ignem concrefcente, turgidis, ab ultimis arteriolarum spermaticarum emissariis oriundis, & luteo corpore instructis, constant, hi ovula omni proprietate simulant.

470. Cornuum mutatio fervente venere, figura, fimbriæ, meatus, situs, insertio ad uterum, deprehensi in iis fœtus cum involucris, abortus, falsi conceptus, comparatio anatomica docent, ova in ovarii pedunculo glanduloso nata, tubis recepta, per has delata, utero condita, ingressu animalculorum (459) facundata formare conceptum.

471. Ubi fœtum, liquido Ovi (469) nutritum, in utero capaciore natans, ejus lymphâ ovum intrante auctum, donec ovum uteri capacitati par sit, dicitur Embryo Animal.

472. Inde calice luteo uteri vasisnectitur, toto Chorion, maximè placentâ, tumque Fœtus dicitur.

473. Arteriæ uterinæ, (465.) suis extremitatibus (466) jam dilatatis, auctâ mole distenti uteri ab ovo increfcente, occurrunt acinis calicis lutei, (469) quæ dilatatione aucto

aucto, inde cruorem chylo tenui divitem excipiunt, glandulosa suâ fabricâ mutant, venæ funis umbilicalis infundunt, hinc umbilicali venæ ope funicularis, unde in fissuram hepatis, inde in portæ sinum, & per canalem ejus singularem foetui, magnâ parte in cavam sub diaphragmate, inde partim per foramen ovale in venam pulmonalem, partim in auriculam dextram, tum in Cor dextrum, ex eo pauca portione in pulmones, maximâ per canalem arteriosum in Aortam; dein per Aortam pellitur per omne corpus, partim in venas, partim in arterias umbilicales, ex his ope funis & placenta in venas uterinas matris.

474. Chorio omni accretus uterus infundit seram nutriens, cui tutus innatat, unde primæ digestionis visceribus functio.

475. Alimentum, (473. 474) à matre foetui datum, in Stomacho, & intestinis fœces, vel concreta deponit, quæ cæco, colo, recto contenta augentur.

476. Quæ congesta, nec sine respiratione expellendæ, (70. 448.) pondere, mole, acrimoniâ graves intestina irritant, unde musculis abdominalibus, infantique toti motus, nixusque in respirationem, ruptu-

ra Chorii & amnii, jam debilius ab extensione & maceratione; effluxus aquæ, & sæpe aliqua avulsio placentæ.

477. Unde irritati muscoli abdominales matris convelluntur, uteri, abdominis, diaphragmatis, inspirationis, & retenti aëris compressi vis, infantis bene siti nifus, apertura lubricati oris uteri si concurrunt, simul naturali partu expellitur foetus.

478. Ablatâ dein placentâ, diutius fere adhærente, abdominales muscoli, cutis, membranæ, graviditatis tempore distenta, jam contrahuntur, comprimuntur, & contrahitur sensim uterus, arctantur vasa, (465) minus huc fluit sanguis, nec tamen integrè desinens Lochiorum nomine adest variâ copîâ, tempore, indole, & pro variâ puerperæ, nutricis, vel ab lactantis functione.

479. Auctâ ad uterum resistentiâ, eominus fluens cruor mammas petit, (468) earum glandulis chyloso-aqueus succus discernitur ab arteriis mammariis, in sinus dilatos deponitur, hinc in vasa reticularia, unde suctu in exiguas fistulas papillæ educitur, lactis specie.

480. Unde liquet, Cur

Mammarum dolor, durities, tensio, papillæ

pillæ elevatio , feri stillicidium , tempore graviditatis.

Hæc augeantur tribus, quatuorve à partu diebus?

Lactetepulso largioralochia , & reciproce? Color , odor , sapor , vires assumptorum fere intactæ lacti communicentur?

Lac sponte vix effluat? sed factâ primâ suctione sponte & velociter effluat?

Viris , virginibusque fuerit exortum? Solum lac acescat inter nostra liquida , butyrum , & caseum det?

Lac 24. horis à pastu & potu ultimo pessimum , falsum , brevi fœtens? 4. à pastu horis optimum?

Statim à cibo sæpe noxium , & cur , & quando?

Item quæ ratio victus nutricis pro infante?

481. Infans nixu thoracem dilatans, simul ac aëri exponitur, hunc haurit impetu, ultrâ æquilibrium irruentem : eo ipso distenditur pulmo, ejus vasa sanguifera majora, & minus compressa fiunt; hinc sanguis cordis dextri uno impetu in arterias, venasque pulmonales, vix resistens, ruit; in venam pulmonalem valide urgetur, & majori

majori copiâ; ergò valvula foraminis ovalis claudetur, dum Cavæ sanguis jam in vacuum auriculam & ventriculum dextrum ruit, & vena pulmonalis plena est; hinc id foramen clausum manet. Eo ipso arteria pulmonalis rectior, & inflato pulmone productior, & canalis arteriosus fœtus complicatior; atque ventriculus sinister jam plus cruoris accipit, ergò & rejicit, ergò Aorta plus repletur, ergò ejus latera plus premuntur, ergò canalis arteriosus comprimitur, ergo circulatio jam, & respiratio, ut in adulto.

482. Abscisso, & ligato umbilicali fune, sanguis hujus vasis contentus, exhalante vel expressâ parte liquidiori, cum membranis coëuns, vasa in ligamenta mutat; eâdem causa hætenus lotium in matrem referens Urachus clauditur.

483. Unde jam solvuntur problemata:

1. Unde membranæ tres fœtus?
2. Unde placenta ejus?
3. Quid fœcundatio, & ubi?
4. An fœtus respiret in utero? vel ovo?
5. An alvum deponat? & cur non?
6. An vesicam exoneret? Et quo versus?
7. An

7. An alatur per os ? An per umbilicum?

8. An fœmina quidpiam, & quid fœtui det?

9. An ex solo semine masculino homo integer per artem educi queat?

10. Unde animi deliquia ? nausæ ? vomitus ? pica ? Mammarum durities, tumor, dolor ? Macies ? Menstrua retenta ? Anhelitus ? Tussis ? Varices pedum in gravidis.

Π Α Θ Ο Α Ο Γ Ι Α.

484.



Narratæ hæctenus Actiones Principes, quæ motu fluidi per canales in humano corpore exercentur, titulo functionum vitalium, naturalium, animalium, sexus, privatarum, publicarum. Unde patet, harum causas certis solidarum & fluidarum partium conditionibus hære.

Atque earum effectus revocari posse omnes fere ad duas classes:

1. Motuum quorundam.

2. Immutationum assumtorum.

Neque minus certô hinc scitur, quid sensu acurato vita denotet ? quid sanitas ?

MORBI-

MORBI NATURA.

485. Ille corporis status, qui functiones lædit, (484.) morbus vocatur.

486. Illa Medicinæ pars, quæ morbi (485) naturam, differentiam, causam, effectus demonstrat, Pathologia, Nosologia dicitur.

487. Natura morborum clarescit ex 485. Summæ eorum classes, id est differentiæ, petuntur ex summa divisione functionum læsarum.

MORBORUM DIFFERENTIÆ.

488. Quæ vel communes mari & fœminæ, vel propriæ alterutri; quare & summa morborum genera hæc sunt.

489. Functiones communes vel solum corpus, vel id ut animæ junctum spectant; quare & communium morborum (488) hæc summa genera.

490. Corpus solidis constat, & fluidis, adeoque summæ morborum differentiæ sunt hæc tres.

1. Solidi, vel fluidi.
2. Maris, vel fœminæ.
3. Hominis, ut compositi ex animâ, & corpore.

491. Morbi solidæ partis in se spectatæ, sine relatione ad aliam, vocantur morbi partium similarium.

Morbi solidæ partis, spectatæ quatenus sola, vel aliis juncta actiones aliquas exercet, organici dicuntur.

492. Ultimum solidum minimi vasis, omni liquido orbem, est corpus merè terrestre, simplex, tenue, cujus connexæ particulæ adeo minutæ, ut vix à fluidis differant, omnes nervosæ, vel ex nervis oriundæ: quatuor adeoque in solidis classes.

1. Particularum terrestrium minimarum, quarum unione fibra; cujus fibræ dotes sunt laxitas & rigiditas, robur, debilitas.

2. Canaliculorum minimorum ex his fibris adunatis, id est nervus minimus.

3. Canaliculorum ex unione minimorum canaliculorum; quæ omnia alia vasa.

4. Concreta ex liquido & vase, vel ex vasis, liquido expulso, concretis.

Ergo in his, semel sanis, nihil morbi, nisi solutæ unitatis concipi potest, aut laxitatis vel rigiditatis minimæ, roborisve & debilitatis.

Aut in his sensim morbi fient ex ma-

le appposito solido minimo, in quo moles, figuræ, soliditas solæ spectari possunt, & cohesiones inter se.

Adeoque morbi Elementares, temperiei, totius substantiæ, hic capi nequeunt.

493. Morbi organici, (491) quatenus in solis considerantur solidis, referri possunt ad quatuor inprimis hæc classes summas:

1. Læsæ figuræ, externæ, internæ, ejusque accidentium, asperitatis, lævitat-
tis, cavitatis, soliditatis, rectitudinis,
curvitat-
is, laxitatis, structuræ: hi morbi
malæ conformationis.

2. Numeri in excessu, defectu.

3. Magnitudinis auctæ, minutæ.

4. Situs, nexus, motus, quietis.

494. Superficies læsa, vel ab unionelæ-
sa, vel à morbis liquidorum oritur.

495. Quatenus verò cava format, re-
ceptacula, vel meatus, horum morbi oriun-
tur raro numero peccantes, sæpe excessu, vel
defectu magnitudinis,

496. Auctâ viâ naturali, vel novâ factâ,
triplex nascitur malum, ἀνασώμωσις, δια-
πύθνησις, διαίρεσις; quæ omnes morbi
species retineri, atque mechanicè explicari
queunt.

queunt, sæpe in unam διαίρεσιν desinunt, sæpe aliter.

497. Vis liquidi distendens vasa trahendi, secernendi, excernendi materiem mutat.

498. Imminutæ cavitatis quintuplex memoratur species. 1. ἐμφραξις, obstipatio; ubi copia, viscositas, crassities, grumi, calculi, pus, adeps intrinsecus vasa claudit. 2. στενοχωρία, angustatio; cum enato tumore propriæ substantiæ arctatur meatus. 3. θύψις, compressio; cum externum comprimens vasa claudit. 4. Coalescentia, dum separata concresecunt. 5. συνζήσις, collapsus; ubi inanita concidunt vasa.

499. Numero pars organica raro peccat, nisi molestia adsit læsæ functionis; defectu peccat sæpe.

500. Magnitudo organicæ partis aucta continet tumores, ὑπερσαρκώσεις, tophos, exostoses; referri potest ad ἐκχύμωσιν & διαίρεσιν, fere, si sint majora; minuta moles in φθίσιν, ἀτροφίαν, & mutilationem dividitur.

501. Quartum & ultimum genus partium organicarum læsarum exponit ma-

lam compositionem, adeoque situm, nexum, mobilitatem, immobilitatem.

Luxatio, subluxatio, distorsio, ad superiora, inferiora, anteriora, posteriora, interiora, exteriora; Herniæ, procidentiaæ uteri, omenti, intestinorum, ruptura, laxatio, elongatio, accurtatio ligamentorum, ad connexionem læsam spectant.

In quibus respiciendum;

1. Ad conditiones requisitas jungendarum partium.

2. Partium jungentium eas inter se.

3. Eorum, quæ inter jungendas & jungentes adfluunt.

502. Organicæ partis unio læditur vulnere, puncturâ, ulcere, contusione, corrosione, rupturâ, fracturâ, fissura, exfoliatione, carie, &c.

503. Requisita fluidi sunt, molecularum sensum fugiens parvitas, contactus sine cohæsiōe sensibili, figura partium lubrica; requisita verò fluidi humani magis singulares dotes, respectu machinæ, petunt; unde liquet infinitos horum morbos esse.

504. Qui tamen ad Copiam, vel Qualitatem læsam facile revocantur, si fluida in se spectantur.

505. At

505. At relata ad solida coërcentia, vel loco peccant, vel proportionē.

506. Copia aucta boni liquidi *πληθώρα* vocatur; cujus origo ex Chylosi auctâ, & *διαπνοῇ* minutâ; hanc ad vasa, & ad vires describunt. Copia minuta facile intelligitur, raraque est boni succi, nisi per vim externam.

507. Qualitas fluidorum vitiata considerari potest, vel in particulâ eorum seorsim spectatâ, ut unâ moleculâ, concursu similitum, vel aliarum, componente fluidum; vel in totâ mole fluidi perpenſa simul.

508. Si in fluidis una spectatur particula, in eâ occurret moles, soliditas, figura, rigiditas, flexilitas, elasticitas, cohæſio, diviſibilitas.

Moles aucta faciet *μφοραξί*. (498.)

Moles minuta creat *Διατρεῖν* nimiam.

Soliditas aucta producet vim nimiam in solida, vel fluida; unde in illis *ἀνασόμεναις*, *Διαπρήθῃσις*, *Δεσμίσις*; in his attenuatio nimia, & attritus.

Soliditas minuta inertiam liquidi in vasa augebit, vimque solidi in liquida fere enervabit obtundendo.

Figura acrimoniâ peccat angulorum,

dum à sphæricâ nimis recedunt partes ; qui recessus infiniti reducuntur 1. ad mechanicos , mutatæ figuræ. 2. salinos , alcalinos fixos , volatiles , compositos ; acidos fixos , volatiles , compositos ; muriaticos. 3. oleosos , alcohol , olei ambusti , olei salini . olei terrestres , olei ambusti salini terrestres simul. 4. saponaceos , acres , ut venena animalium , & vegetabilium. 5. compositos ex hisce , inter quæ sales metallici , vel vitriola dicta acris.

Rigiditas nimia , si acrimonia adest , lædit vix sanabili malo.

Flexibilitas nimia facilè , aucto contactu , concrefcere facit partes.

Elasticitas nimia cuncta mutat , mutato calore , vique comprimente.

Cohæfio nimia impedit requisitas partium in aliam naturam mutationes : divisibilitas contra.

Quæ in ægro sola effectuum observatione possunt deprehendi.

§ 09. Ratione totius massæ fluidæ simul spectatæ , fluiditas , tenacitas , motus , quiesve peccant , & compositio , quatenus considerari possunt dicta (§. 508.)

§ 10. Ratione loci peccant fluida. c. si nimis

nimis auctâ vasis diametro crassiora liquida in arctiores eunt canales. 2. si ruptis vasis in solidorum interstitia fluunt distenta. Hinc inflammationes, collectiones cruoris, varices, aneurismata, sugillationes, à Cruore: pustulæ, hydropes capitis, thoracis, abdominis, uteri, testium, scroti, peritonæi, habitus corporis, œdemata, à Lymphâ: emphysemata ab Aëre.

§ 11. Liquores collecti, effusivi, stagnantes, calore & quiete aeres, rodentes, purulenti, ichorosi facti, solida destruunt, unde fistulæ, ulcera, gangrænæ, sphaceli, canceri &c.

§ 12. Hi fuere characteres proprii, quibus differunt morbi itâ, ut differentia ex ipsa morbi essentiâ petatur.

Sed & diversi æstimantur per alia pluribus communia, ut sequitur.

§ 13. Ratione 1. causæ, per *ιδιόπαθειαν*, *συμπάθειαν*, hæreditarii, acquisiti, connati.

Ratione 2. subjecti, ætate, genere, universalitate, particularitate.

3. Pro tempore, acutissimi intra quatuor; peracuti intrâ septem; acuti intrâ viginti dies terminandi; Chroni-

ciab his distincti; iique verni, autumnales, continui, continentes, intermittentes.

4. Pro effectibus, benigni, maligni, salubres, sanabiles, lethales, contagiosi.

Ratione 5. initii, progressus, status, decrementi, finis, &c.

ΑΙΤΙΟΛΟΓΙΑ ΠΑΘΟΛΟΓΙΚΗΣ.

§ 14. **D**iversi status solidorum & liquidorum in nobis supponunt rem eos producentem; vel defectum ejus rei, quæ ad functionis exercitulum requirebatur: hæ vocantur causæ morborum, quæ fere semper reales.

§ 15. Quæ si ante effectum præextitere in corpore, internæ; si extrinsecus ei applicatæ, externæ dicuntur.

§ 16. Quarum priores fere semper prius in fluidis, deinde in solidis; posteriores contrâ.

§ 17. Causa præsens morbum constituens immediatè, *proxima* audit. Hujus absentia tollitur, præsentia ponitur morbus, unde præcipuè inquirenda.

§ 18. Causa sic mutans corpus, ut disponatur ad suscipiendum morbum, si alia adhuc

adhuc causa accesserit, *remota* vocatur.

§ 19. Id vitium morbum antecedens, si in ipso corpore latet, vocatur causa *προνυμίνη*, ut plethora, cacoehymia.

§ 20. Si hanc (§ 19) alia accedens exci-
tat, siue externa, siue interna, eamque
deducit eô, ut morbum creet, appellatur
προκαλαρητική, vel *ερόρασις*, solis nocens
prædispositis.

§ 21. Ad quatuor capitarevocari possunt
hæ posteriores causæ. (§ 20)

1. Ad ingesta, ut sunt Aër, cibus, potus,
medicamen, venenum.

2. Gesta, corporis, animique motus,
& quies.

3. Retenta vel excreta.

4. Applicata corpori externê, ut sunt
Aër, balnea, litus, vestes, fatus, empla-
stra, vulnerantia, contundentia.

§ 22. Ex his sex classes titulo Rerum sex
non Naturalium constituuntur.

1. Aër. 2. cibus, potus. 3. motus, quies.
4. affectus animi. 5. retenta, excreta. 6.
somnia, vigiliæ: hæ corpori applicatæ na-
turales fieri queunt, & præternaturales. In
his morborum causæ evidentes iusto exami-
ne inveniri possunt.

§ 23. Aër æstuans pulmonem siccans ejus cruorem cogit, functiones impedit. Externa auferens, interna excoquens, mobilia dissipat, lentiora aggregat: hinc aquea, salina volatilia, spirituosâ minuit, salina fixa, olea crassa, acria exusta, terrea fixa auget, inde obstructions, exsiccatio, inflammatio, coctio impedita, putredo, adstricta alvus, sitis, stranguriæ, acuti, calidi, sicci morbi, maximè generis nervosi.

§ 24. Aër gelidus spiculis frigidis solida solvit, ubi regelascit, liquida cogit, pulmonem siccât, stringit, ejus cruorem coagulat; unde inflammatio, pus, gangræna, sphacelus; moto corpori perspirationem mire auget, unde voracitas, animi deliquia, mors subitanea; si corpus autem simul quiescit, torpor, dolor, scorbutus.

§ 25. Humidus pulmonis fistulas humectat, aëris ingressum impedit, serum pulmonum retinet, auget, perspirationem prohibet, unde tussis, peripneumoniæ, diarrhœæ, torpores, febres; si calor iis se jungit, putredines; si frigus, serosa colluvies.

Siccus agit ut æstuans solus, si nimius.

§ 26. Gravior comprimit vasa, & in corpore toto, & in pulmone, hinc motum suffocando occidit.

§ 27. Levior æquilibrium cum interno tollit, tumores, eruptionesque humorum, & rarefactiones creat, simul vim contractilem fibrillarum pulmonalium superare imposit, sistit trajectum per pulmones, unde mors.

Hinc densi, rarefactique aëris vires patient.

§ 28. Cælum, anni tempestates, solum, mare, montes, paludes, flumina, vapores, exhalationes variant aërem, & inde producunt varios morbos, non ex aëris, sed admisti naturâ pendentes.

§ 29. Venti motu, vel qualitate aëris agunt, (§ 22. § 23. § 24. § 25. § 26. § 27.)

§ 30. Cibi potusque copia, vel qualitate peccant.

§ 31. Copia excessu, vel defectu.

§ 32. Excedens stomachum distendit, & convellendo claudit, vasa ejus comprimit, tritum, digestionem, dilutionem, expulsum, separationem prohibet, hinc dyspnœa, circulatio liquorum perversa, cruditates, ructus, nausea, vomitus, pur-

trefactio, vertigo, confusio, cachexia, quæ dein vitia vix corriguntur.

§ 33. Deficiens in inedia nil patrat, sed actiones corporis consumunt, deterunt, destruunt solida, dissipant subtilia, inspissant reliqua, interimque sales & olea repetito tritu solvunt, extricant, volatilia reddunt; hinc spuma salina, acris, biliosa, foetida in stomacho, ructus, nausæ, animi deliquia, appetitus ingens, ejus prostratio succedens, sitis, tormina, borborygmi, bilis camulus, vomitusque, macies, pervigilium, epilepsiæ, febres furiosæ, mors.

§ 34. Cibi potusque vitia, quæ qualitatem spectant, revocari possunt ad acrimoniam, viscositatem, oleositatem.

§ 35. 1. Acrimonia cibi salina imprimis muriatica est; inde Sitis, raucedo, asperitas, liquorum fluentium acrimonia similis, horum dissolutio, serosæ partis in sanguine ad nutriendum ineptitudo, solidorum minorum destructio, scorbutus muriaticus; tum acida nativa, atque acerba, vel fermentata vinosa, ut in vino Rhenano, Mosellano, vel acetosa, ut in aceto. Effectus primæ aciditatis adstrictio, coagula, scabies; posterioris Rheuma, & Podagra.

§36. 2. Acrimonia aromatica, ex oleo acri & sale unitis ut plurimum constans, sitim, siccitatem, ardorem, stimulum solidi, velocitatem liquidi, dissipationem liquidi, inflammationes, vomitus, febres, maciem, & inde pendentes morbos profert.

§37. 3. Acrimonia spirituosā in potu creat dein sitim, fibrarum constrictionem siccam, humorum coagula, stimulum celerem solidi, obstructions, febres, tumores, leucophlegmatiam, hydropes.

§38. 4. Acrimonia fermentans, ex succo crudo fructuum horariorum, producit ructus, inflatus, spasmos ventriculi, intestinorumque; diarrhoeas, vomitus, choleras, dysenterias, ileon, & similia mala.

§39. Viscositas nimia ex farinosis non fermentatis, vel gelatinosis animalium, vel coagulo lactis, flatus, ructus, acorem, cruditates, obstructions intestinorum, horum inertiam creat; dein sanguini gluten infert, & infinitos inde orientes morbos, ad inertiam, obstructionemque facile reducendos: huc & frigida spectant; maxime nocent quieto.

§40. Oleositas nimia impedit miscelam, excitat acria nidorosa, ructus, nauseas, vomitus amaros, sitim, inflammationes viscerum, indigestiones, & inde orta mala.

§41. Somnus nimius motum per vasa sanguifera retinet, per lateralia minuit, oleosa aggregat, volatilia dissipat, inspissat reliqua, excrementa figit, pituitam auget, musculos voluntarios immobiliiores reddit; hinc torpor, insensibilitas, obesitas, leucophlegmatia, frigus.

§42. Vigiliæ nimiae spiritus consumunt, reliqua exsiccant, acre augent, coctiones, nutritionesque impediunt, bilem exacerbant, hinc macies, febres, deliria, bilis atræ productio, agitatio, evacuatio, ejusque effectus, tristitia, phantasia depravata.

§43. Otium & Quies effecta dant similia iis somni nimii, (§41.) sed leviora, & lentiora.

§44. Motus nimius velocitatem liquidæ per vasa auget, unde fluida & solida nimis attrita dissolvuntur, aquosa & mobilia difflantur, reliqua ad inflammatoriam indolem mutantur, olea & sales extricata putredinem quasi induunt, olea crassa accumuluntur; unde fatigatio, dolor, inflammatio,

matio, febris, suppuratio, gangrænæ, hæmorrhagiæ, &c. Mors.

Noet maximè cacochymicis, & in æstu.

545. Affectus animi mediocres sanitati conducunt, vehementiores augent, sistuntve, depravant, vel minuunt spirituum motus, unde quoslibet fere morbos producere valent, pro varietate causæ.

546. Excretio nimia salivæ coctionem primam, hinc reliquas turbat, siccitatem, tabem, bilem atram, sitim profert.

Parcior, vel sublata ciborum masticationem, saporem, deglutationem, digestionem impedit, sitim auget.

Excretio bilis nimia per superiora, vel inferiora, ciborum coctionem, secretionem, excretionem impedit, unde frigus, debilitas, deliquia.

Excretio bilis impedita, vel sublata, digestiones primas vitiat, aliquam speciem Icteri creat.

Excretio nimia pancreatici, & intestinalis liquoris morbos salivæ sic peccantis similes excitat, tum diarrhœas quaslibet, debilitates summas, animi deliquia, siccitates, sitim, febres hæcticas. Parcior, vel sublata, tormina, pondus, sitim, febres, volvulos facit.

Excre-

Excretio nimia sanguinis vires, spiritus, actiones omnes destruit, cruda accumulatur, unde leucophlegmatia, hydrops, & similia.

Excretio per Hæmorrhoidas, vel naturalia mulierum impedita, inflammationes topicas, suffocationes circulationis, febres, hæmorrhagias aliis locis excitare solet.

Excretio feminis nimia debilitates, immobilitatem, maciem, visum hebetem, tabem dorsalem, fatuitatem, variosque alios morbos producit.

Excretio urinæ nimia siccitatem, calorem, sitim inexplebilem, cruditates, spirituum dispendia, maciem, atrophiam, & similia mala profert: (Sudor nimius fere eadem.) at suppressa vesicam, ureteres, renes corrumpit, anxietates, vertigines, soporosos morbos adfert.

Excretio Sanctioriana aucta nimis debilitatem, animi deliquia, mortem inopinam sæpe advocat.

Parcior, vel impedita, stagnationes, circulationis mutationem, cruditates, febres, inflammationes, apostemata gignit.

§ 47. Enumeratis classibus rerum, quæ applicatæ corpori morborum sunt causæ, alia causarum censetur series, quatenus occasione

caſione morborum maximè generalium indagantur.

548. Plethora fit, & augetur in corpore, cujus viſcera chylopoëa fortia, vaſa ſanguifera laxa, victu pleno boni ſucci, ætate mediâ, temperie ſanguinolentâ, tempore hybernò, & æſtivo, aëre humido, mente otioſâ & indolente, inprimis poſt abſciſſos artus.

549. Motus auctus liquidi nervoſi auget fere omnes alios, ſecretiones depravat, morboſque hinc pendentés creat, qui fere innumeri, maximè febres.

550. Fluiditas liquorum nimia exhalationem, conſumptionem, debilitatem, ſecretionis perturbationem, minimorum vaſculorum rupturam, ſuppurationes producit.

551. Nimia tenacitas obſtructiones, extensionem vaſculorum, dolores, tumores creat, ad glandulas maxime, & reticulares plexus.

552. Tenacitati juncta acrimonia facit, pro vario gradu tenacis & acris, deſtructionem vaſculorum, unde puſtulæ, gangrænæ, ſphacelus, cancer, ſcirrhus, ulcera cacoëthe, caries, ſive ea acrimonia obſtru-

obstructioni comes, sive pedissequa fuerit.

§§3. Humores acidi, alcalini, falsi, acres, infulsi, oleosi, faciunt morbos similes, ac dictum (à §35. ad §41.)

§§4. Bilis flava, vitellina, porracea, æruginosa, isatodes, solo motu, solo animi affectu sæpe nata, causâ non explicatâ hæctenus, morbos producit varios, nauseas, anxietates, singultus, cardialgias, vomitus, dolores iliacos, colicos, tormina, diarrhœas, dysenterias, morbos acutos, febres, convulsiones.

§§5. Bilis atra dicta à colore & loco excretionis, sapore vel aceti acerrimi, vel putrefacti sanguinis, rodit, eliquat, inflammationes, gangrænas, sphacelos, effervescentias enormes excitat. Triplex describitur, 1. mitissima ex sanguine nimis exusto, & moto, 2. ex priori exacerbata. 3. ex corruptâ & exassatâ bile flavâ, vel vitellinâ, quæ pessima. Hinc pro varietate indolis, & determinationis, varii effectus.

§§6. Sanguis, bilis, serum, scatentia prædominio acidi, alcali, salis, olei, terræ, similes his morbos proferunt.

§§7. Bilis, serum, urina calculos creant, qui ex sale Urinæ, oleo, terrâ. Hi

Hi motu vasorum, & pressione ad duri-
tiem asperitatemque vasa atterunt, destru-
unt, cavitates obstruunt, transitum per vasa
impediunt, dolores, inflammationes, ul-
cera producant.

§58. Ova insectorum cibo, potu, aëre,
ingesta, fœcibus in corpore mista, vel in
cavitatibus hærentia vermes fotu educunt.

Qui sugendo, vellicando, rodendo, te-
rebrando nervos irritant, solida vulnerant,
nauseas, cardialgias, vomitus, animi de-
liquia, maciem, tumorem abdominis, &
similia producant.

§59. Vis externa, vel intra motorum
corporum lædit nostri corporis partes sim-
plicissimas actione omnibus notâ, ut me-
chanicâ, quæ ad calorem, frigus, humi-
dum, siccum, chemica principia, acce al-
cali, vel acidum, referri nequit. Hinc
morbi partium simularium.

§60. Materia morbi in ægrâ parte col-
ligitur sensim, vel repente. Causa vel pars
solida non subigens, nec expellens, vel pars
liquida jam peccans, aliunde derivata.

§61. Motus, calor, dolor, fœtus deri-
vant vi, quam fluxionem, vel attractio-
nem vocaverunt. Hinc morbi cum ma-
teriâ.

§62. Con-

562. Contagia, pestes, venena lædunt solida, fluida, vel utraque itâ, ut vitalis liquorum cursus sistatur; agunt vi semper mechanicâ, sed sæpe per chemica explicandâ.

Solida lædunt constringendo, dissolvendo.

Fluida lædunt, inspissando, acria reddendo, dissolvendo.

Utraque utrâque operâ juncta.

Pleraque ideô velocia pulmoni, vel sanguini nocent.

Hi olim dicti morbi totius substantiæ, & cur?

563. Imaginatio matris morbos malæ formationis creat. Obstetrices, nutrices, vis externa deformat tenerum corpus premendo, ligando: liquidorum acris & spissa indoles eadem producit mala.

564. Morborum cavitatis vitiatæ causæ claræ. Diæresis causæ, distensio, acrimonia, vis externa, unde & reliqua patent.

565. Pressio fortis, inflammatio, laxitas membranarum, vel ligamentorum, horum unitas soluta, hernias, procidentias, luxationes producit.

566. Secantia, pungentia, Ictum inferentia,

rentia, rodentia, contudentia, distendentia, rumpentia, adurentia, sunt causæ unitatis solutæ.

ΣΥΜΠΤΩΜΑΤΟΛΟΓΙΑ.

§67. **Q**Uod ex morbo, ut causâ, sequitur, à morbo ipso, ejusque causâ distinctum, vocabo morbi Symptoma: si ex morbi causâ sic fluit, symptoma causæ; si ex alio symptomate, symptoma symptomatis. Horum recensitioni causas adjungam.

§68. Commodè, ex placitis veterum, referuntur ad actiones læsas, excretorum & retentorum vitia, & qualitates corporis mutatas.

§69. Imminutio, abolitio, depravatio primæ coctionis occurrit: ἀνορεξία appetitus destructus; δυσορεξία, imminutus; ἀποσιτία sine cibo vita; βέλιμνος, ὀρεξις κινώσης, fames aucta; μαλακία, κίσση, appetitus depravatus; sitis aucta.

Horum causæ plerumque deprehenduntur, pituita iners, sordes, vermes, humores acres in ventriculo, vel in intestinis, cacochymia aquosa, pituitosa, biliosa, atrahilaria, alcalina, acida, oleosa, terrestris, circulatio in virginibus, gravidisve, immutata.

§70. Sitis

570. Sitis aucta à siccitate, calore, acrimuriatico, acri ammoniaco, acri alcalino, aromatico, oleoso, spissitate liquorum aquâ diluente egentium, venenis, pendet.

571. Deglutitio læsa vitio oris, linguæ, palati penduli, tonsillarum, laryngis, pharyngis, œsophagi, ventriculi superioris, contingit.

Causa, spasmi, paralyces, tumores, dolores, *χονδρογερία*, luxatio partium laryngis, vel vertebræ colli, siccitas defectu salivæ, muci.

572. Chylosios læsæ species primæ, *ἐπιψία*, *δυσψία*, *βραδυψία*, *διαφθορά*. Si ingesta non, vel lentê, in fluorem chyli mutantur, vel si calore corporis in putrem liquorem vertuntur.

Causa, defectus salivæ oris, muci, stomachalis liquidi, ventriculi ad contractionem inertia, organa respirationis languida, sordes, pituita, vermes, ingesta tenacia, affluxus putridorum humorum. Celerior digestio rarô morbus est.

573. Expulsionis ex ventriculo læsæ vitia, singultus, nausea, vomitus, cholera, ructusque.

Singultus est convulsio œsophagi, ventriculum & septum trahens. Causa,

Causa, acrimonia, copia, inflammatio partis, spasmus à vomitu &c.

574. Nausea & vomitus sunt convulsiones fibrarum œsophagi, stomachi, intestinorum retrogradæ, ut & musculorum abdominalium.

Causa, copia, acrimonia ingestorum, venena, læsio cerebri, inflammatio diaphragmatis, ventriculi, hepatis, splenis, renum, pancreatis, mesenterii, intestinorum, irritatio gulæ, agitatio scaphæ, rheda, idea.

575. Cholera, dum vomitus (574.) jungitur spasmo intestinorum ad inferiora determinato; causa eadem, sed vehementior, (574.) fructus horæi, tempus calidum Augusti.

576. Ructus à spasmo œsophagi, ventriculi, intestinorum intercipiente elasticam, & calore dilatatam materiem, subito resoluta.

Causa, cruditas, putredo, acor, fructus horæi, mustum, liquida fermentantia, venena, spasmodici morbi.

577. Expulsionis, & secretionis chyli per intestina læsæ vitia, λευτερία, quæ cibi citò, nec mutati alvo redduntur.

Causa

Causa intestinorum & ventriculi laxitas, respirationis vis, humorum inertia.

578. Affectio cœliaca, quâ in chylum versi cibi unâ cum fœcibus expelluntur sine separatione: Causa eadem, ac (577) sed stomachus valens, humores boni, lactea obstructa.

579. Diarrhœa, copiosa, frequens, liquidorum excrementorum per alvum ejectio; materies cibi, potus, humores quicunque.

Causa, acre irritans in intestinis, in vasis, hepar, venæ mesentericæ, lactea obstructa, intestinorum vis contractilis deleta, alia secretio impedita.

580. Dysenteria, frequens, dolensque secretio bilis, feri, sanguinis, muci intestinalis, puris, saniei, bilis atræ.

Causa ut §. 579. acrimonia sanguinis, ulcera, gangrænæ, sphacelique.

581. Ileus, cibi, potus, medicamenti, chyli, bilis, feri stomachici & intestinalis, fœcum alvinarum, clysmatum per os rejectio violenta.

Causa inversus motus fibræ intestinalis, & stomachi, accedente omni vomitus causâ, (574) inflammatio, volvulus, scirrhus hernia, fæx dura, convulsio,

582. Bilis

582. Bilis generatio & excretio læsa
Icterus, Cachexiam biliosam, calculos,
gypsumve hepatis, obstructions, excre-
menta alba, dura, subactionem cibi sub-
latam, miscelam impeditam, Tympani-
tidem, Hydropem pro symptomatibus
creat.

Causæ, inflammatio, exsiccatio, inspissatio viscerum & liquidorum abdominalium.

583. Succī pancreatici & intestinalis
confectio, ac secretio læsa similia (582.)
producit, & causas habet similes.

584. Sanguinis in corde mutatio pendet ab ejus motu læso, qui si nimius, febres ardentes, continuæ, validæ; si minor, languor, concretionisque oriuntur polyposæ, pituitosæ.

585. Actio pulmonum læsa, αἰματο-
ποιὰς, & nutritionis instrumenta lædit,
unde ἀρτηρία, φθίσις, & infinita mala: Cau-
sa omnis labes organorum respirationi in-
servientium.

586. Secretionis urinæ læsæ symptoma-
ta sunt, *ισχυρία*, urina retenta; causa la-
pis, pituita, pus, grumus, spasmus, pres-
sio nimia, inflammatio renum, ureterum,
H vesicæ,

vesicæ , urethræ , hujusque caruncula.

§ 87. Δυσουρία, difficilis mictus; σπασμική, guttatum stillans cum ardoris sensu; causa, acrimonia liquidi, excoriatio solidi ab inflammato, ulcere, attritu calculi, calculus occludens, tumor in vesicæ collo, vel in urethrâ.

§ 88. Urinæ incontinentia à resolutis, dilatatis, discissis, suppuratis fibris sphincteris.

§ 89. Διαβήτης, trajectio potus chylosi copiosa, cita; causa laxitas renalium vasculorum, tenuitas liquidorum.

§ 90. Functionis vitalis actio læsa pulsus, respirationem, vel utraque simul respicit.

§ 91. Palpitatio Cordis est violenta ejus systole unâ cum magnâ resistantiâ pulsus cruoris; causa inordinatus & vehemens liquidi nervosi influxus, ut in animi affectu, evigilatione subitâ, morbo hysterico, cursu, & in irritatione per quodcunque acre, corde inflammato, calculo cordis, vermibus, pilisve, tum à spisso, vel polypofo cruore, arteriis osseis, cartilagineis, vel male formatis, Pericardii morbis, sanguinis copiâ.

§ 92. Inter-

592. Intermittens pulsus, vel à vitio liquidi cerebellofi inæqualiter influentis, vel vitio liquidi fluentis, vel vasis transmittentis: hinc causa, convulsio, poly-
pus, cacochymia pituitosa, inflammatio arteriosa, pulmonica, cardiaca, cruor deficiens, arteriæ ossæ, cartilagineæ, aneurismaticæ, calculo infarctæ, Cor male affectum.

593. Crebrior pulsus a crebriori cordis systole; causa frequentior liquidi cerebellofi influxus, difficilior liquoris expellendi progressus, adeoque omne acre irritans, omne obstruens.

594. Pulsus imminutio, ejus gradus tres, *λειποθυμία*, *λειποφυχία*, à spirituum deliquio; *συσκοπή* à vitio cordis; *ἀσφυξία*, ab exinanitis & collapsis vasis orta subita debilitas. Harum causæ eadem, (592.) tum spasmi, animi affectus, exinanitiones quælibet.

595. Respiratio suffocata, *ἀσπνοία*; causa sublatus pulsus, (594.) aër vitiosus, (523. 524. 525. 526. 527.) vapor venenatus, paralyxis, vel spasmus organorum respirationis, (434 usque ad 448.) horum-
• alii morbi.

596. Respiratio difficilis, δύσπνοια; causæ eadem, (595.) sed leviores, tum mala pectoris conformatio.

597. Ejus species ἀσθμα, quæ frequens, difficilis, sibilosa respiratio; causæ eadem. (596.) sed pertinaciores, tum convulsiones fibrarum pulmonalium.

598. Ὁβέπνοια, anhelosa, difficilis, stertens, erectâ cervice respiratio; causæ eadem, (567.) pro tempore, insultu, symptomatibus variæ.

599. Catarrhus suffocativus, quo brevi suffocati ægri moriuntur; causæ eadem, (595.) sed imprimis vitio nervorum, ut hystericarum exemplo patet, vel materiæ eliquatæ in laryngis cava effluxu.

600. Symptomata autem dicta (295.) hucusque produci solent imprimis à sanguine, lymphâ, pure, Thoracem implentibus, ab inflammatione pleuræ, mediastini, pericardii, diaphragmatis, musculorum intercostalium, pulmonum, laryngis, musculorum abdominis, à calculo, gypso, pituitâ, sanguine, pure, quæ laryngem obstruunt, à tumore, vel inflammatione laryngis, aut scirrho pulmonis, à pulmonibus costis adnatis &c.

601. Visus læditur, si partes oculum coërcentes eum lædunt, premendo, protrudendo, extrudendo, erodendo per tumores, exostoses, apostemata, caries ossium orbitam constituentium.

602. Tum vitio palpebrarum immobili-
lium, inflammatarum, suppuratarum,
inflatarum, concretarum, conglutinata-
rum; quod infinitis ex causis fieri potest,
inter quas vitia sebacearum, in limbis
palpebrarum, glandularum præcellunt.

603. Rursum peccato lachrymarum ab-
undantium, acrium, spissescentium; vel
ex his ad limbos guttatim natantibus,
dein elapsis in genas, vitio figuræ limbo-
rum, carunculæ ad sacculum lachryma-
lem, osculorum absorbentium in palpebra-
rum colliculis ad angulum majorem, sac-
culi lachrymalis, canalis in nares lachry-
mas ducentis, naribus internis obductæ
membranæ.

604. Ut & obscuracione, dealbatione,
incrassatione, œdemate, inflammatione,
ungue, sarcosi, perlâ, cicatrice, suppura-
tione, phlyctenâ, panniculo, albugine,
cartilagine, tunicæ corneæ undecunque
accidentibus.

605. Iterum vitio liquoris aquei deficientis, abundantis, stagnantis, colorati, spissi, mucosi, pituitosi, concrefcentis; unde infinita mala, maxime oculi elephantini, suffusiones, cataractæ, quæ ut plurimum inter uveæ interiora, & lentem crystallinam; inflammatio, vel cacochymia, aut applicatio coagulantium ea producunt.

606. Si immobilis uvea, aut cataracta ad margines tenuior, in medio spissior, videtur *νυκταλωπία*, & *ἡμεραλωπία* oriri, prout simul latior est, vel arctior pupilla.

607. Dum verò lens crystallina opaca, inflammata, hydropica, suppurata, corrupta, destructa habetur, cataractæ species, visus hebes, cæcitas opaca, cæcitas ferena accidunt, adeoque *ἀμβλυωπία*, & *ἀμαύρωσις*. Ejus autem figura, moles, spissitudo peccans infinita visus læsi mala producet.

608. A quibus *μυωπία*, & *πριεβυωπία* forte pendent, ut & à vitio figuræ corneæ.

609. Ipsi quoque vitreo humori omnia eadem mala, simili cum effectu, ab iisdem causis, (607. 608.) accidere possunt.

610. Quin & retinæ hydrops, inflammatio,

matio, phlyctena, compressio; nervi optici mala similia; tumor, steatoma, abscessus, hydatidis, lapis, inflammatio, extenuatio, exesio, corruptio, cerebro accidens itâ, ut via à retinâ ad originem opticorum integrê, vel pro parte, impediatur, facient imagines, floccos, guttam serenam.

611. Tandem paralyſis, ſpaſmusve muſculorum oculos moventium, horum per mala offis orbitæ diſtractiones, vulnera, ulcera, inflammatio, preſſio, ſtrabiſmum, luſcitatem, adſpectum trucem, *ῥινοπτιάν*, & alia mira producunt.

612. Quibus ſi additur *ὁπόμενον*, patebit à cauſis multis & variis oriri poſſe hebetudinem, hallucinationem, confuſionem, fallaciam, cœcitatē ipſius viſus.

613. Auditus læditur, auctus, minutus, ſublatus, depravatus.

614. Augetur ſæpe in morbis acutis, affectis nervis, nervo auditorio tergeminus; dicitur *ὀξύνοια*.

615. Minuitur, obſtructo meatu Auditorio per quaſcunque demum cauſas; obſtructo meatu Eustachiano; tympani membranâ læſâ, ſpiſſâ, geminatâ, cruſtâ

adcreſcente craſſiori factâ; aure externâ ablatâ; offiſculis ſolutis, expulſis, abſentibus, quod ſæpe ab inflammationis pedifſequâ ſuppuratiōe; impletâ aure internâ per ſerum, ſaniem, ſanguinem, pus, pulverem, læſâ prius membranâ, illapſum; membranæ foraminis rotundi, & ovalis læſione, exſiccatione, humectatione, inſpiſſamento, ſordibus; ſtructuræ veſtibili, labyrinthi, cochleæ vitio, horum inſarctu; nervis ibidem vitiatis; tandem omni impedimento, quo intercipitur libera, ex his ad originem nervi auditorii in cerebro, via, ut ſunt inflammationes, tumores, exoſtoſes cranii, hydropes cerebri, &c. vocatur *βαραντία*.

616. Ab eiſdem cauſis omnibus (615.) continuatis, auctiſve, ſurditas, imprimis ſi Euaſtachiana tuba concreſcit; dicitur *κώφωσις*.

617. Depravatur vitio aëris externi, internive vario, tum nervorum affectio-nibus, ac maxime morbis, qui in arteriis, nervos & membranas intimæ auris inveſtientibus, enaſcuntur, unde *ἤχῳ*, Tinnituſque.

618. Olfactus minuitur, vel tollitur,
I. defectu

1. defectu ossiculorum quatuor spongiosorum, cavernarum ossis frontis, maxillæ superioris, ossis sphenoidis. 2. membranæ olfactoriæ siccitate, humiditate, inflammatione, suppuratione, gangrænâ. 3. compressis nervis per tumores, exostoses, polypos. 4. à vitiis nervi, & cerebri similibus (610)

619. Gustus minuitur, tollitur, depravatur; priora duo contingunt, si papillæ gustus obducuntur crustâ, sordibus, mucos, aphthis, ariditate, pelliculis, pustulis, verrucis, inflammatione, læsione nervorum quinti & noni paris.

620. Depravatur gustus vitio prædominantis in humoribus, maxime in salivâ ori infusâ, saporis; qui biliosus, alcalinus, oleosus, saccharinus, salinus, acidus, æruginosus, similem ideam, ac si ab assumptis oriretur, imprimat.

621. Tactus læditur in stupore, vitio nervi, cerebri, partis interpositæ; in nimia sensilitate, vitio cuticulæ nervum non satis regentis; in insensilitate, ab omni causâ, quæ nervum, cerebrumve lædit, quæ sane multiplex, ut historia apoplexiæ, & summæ paralytios docet.

622. Pervigilium oritur 1. à nimia determinatione liquidi nervosi ad organa sensuum. 2. à nimio ejus raptu in cerebrum, obstructis inferioribus. 3. ab irritante quocunque, & ubicunque, maximè circa cerebrum. 4. à nimio motu liquidorum. 5. à morbis, in quibus prædicta prædominantur, ut à febribus, phrenitide, melancholiâ, doloribus, suppurationibus, &c.

623. Somnolentia nimia ab omni causa, quæ liberum spirituum fluxum ab cerebri medullâ ad organa sensuum, & motuum voluntariorum, & refluxum ab his ad illam impedit; talis autem est admodum multiplex causa, v. g. impetus liquidi arteriosi nimius, plethora, obstructio, liquorum effusio; vasorum compressio, suppuratio, gangræna, inertia, collapsus; usus opii, narcoticorum, aromatum, spirituosorum; cibi copiosi, & diu in stomacho hærentes.

624. Coma vigil, id est somnolentia ingens sine ipso somno; Coma somnolentum, id est somnus perpetuus, &, ab omni evigilatione, relapsus in eum continuus; Carus, id est profundissima somni, cum repentinâ sensus & motus abolitione, species,

cies, & apoplexiæ genus levius; Lethargus, id est somnolentia profunda, tranquilla, ex lentâ & frigidâ causâ cum febre simili, ex risdem oriuntur causis, (622. 623.) vel solitariis, vel concurrentibus simul.

625. Neque à dictis Καταρροα̃ diversus morbus est.

626. Ἀναίσθησις, id est ablata facultas sentiendi actiones objectorum sensibilibum in organa sensuum externorum, tum hujus varii gradus, stupor, hebetudo, confusio; Memoria abolita, fortior, minor, confusa; Judicii facultas deleta, vacillans, confusa; Ratiocinandi facultas deleta, vacillans, confusa, pendent ex infinitis numero & varietate causis, quæ tamen, doctrinæ & memoriæ ergo, commodè referri possunt ad explicatas (à §. 601. ad 625.)

627. Ætas, affectus, concretiones solidorum, inspillationes fluidorum, causæ in his (626.) principes.

628. Ἀποσπληξίς, id est subita ablatio sensuum externorum, internorum, motuumque voluntariorum, unâ cum pulsu atque respiratione perdurantibus, iisque, quæ inde immediatè pendent, functioni-

bus ſuperſtitibus, cauſam habet in cerebro omne id, quod impedit fluxum ab origine medullæ cerebri in fines nervorum cerebri, & media; ergo omne, quod cerebrum comprimit externè, vel internè, ut i. fracturæ, impreſſiones, exoſtoſes, tumores, compreſſiones, ſi tenerum, cranii. 2. ſanguis, ſerum, aqua, pus, ſanies, pituita elapſa, & collecta loco, ubi cerebrum comprimere, vel erodere poſſunt, ut inter cranium & meningas, inter has & cerebrum, in cerebri ventriculis, ad medullam oblongatam, ad ſpinalem. 3. tumores inflammatorii, ſeroſi, aquoſi, purulenti, mucoſi, ſebacei, ſcirrhoſi, lapidoſi, iisdem locis, ſimili effectū compreſſionis enati. 4. impedimenta ſanguinis fluxuri in cerebrum, vitio vaſorum vulneratorum, ſideratorum, compreſſorumve; vitio liquidi ſpiſſi nimis. 5. impedimenta refluxuri à cerebro, in venis compreſſis. Quæ quidem capita primaria.

629. παράλυσις, reſolutio, id eſt immobilitas muſculi vitio ſpirituum; cauſa impeditus horum influxus in muſculum, idque vitio muſculi, nervi, cerebri.

Παραπληγία, reſolutio omnium ſub capite

capite musculorum, qui à cerebro nervos habent infrà cranium egredientes, unde causa fere hæret ad ventriculum cerebri quartum, vel ad initia spinalis medullæ.

Ἡμιπληγία, similis morbus ad partem eandem corporis, sed dimidiam, ex causa eadem, sed uni modò lateri applicatâ.

Παράλυσις partis hinc facilè intelligitur, ut & cur in apoplexiâ adsit paraplegia simul, vel hemiplegia, atque priori ablatâ posteriores restent?

630. Ἐπιληψία, morbus caducus, id est subita sensuum externorum, internorum, motuumque voluntariorum abolitio, cum violentis convulsionibus, & resolutione, reciprocis. Causa ut apoplexiæ, (628.) verum neque adeo fortes, nec adeo diu durantes.

631. Δινηΐς, vertigo, ubi objecta rotari videntur, & membra vacillant; causæ ut apoplexiæ, sed leviores (628.)

632. Σπασμός, convulsio, est invita & violenta musculi contractio, cum attractâ simul parte musculo appensa; causa liquidum nervosum fortiter & diu in musculum influens, cujus causæ infinitæ, in sanguine, arteriis, meningibus, cerebro, nervis, musculis, calvariâ.

Τίταν Θ est spasmus universalis, cujus effectus rigiditas summa.

Ἐμπροσθόν Θ , spasmus musculorum, corpus & caput ad anteriora flectentium.

Ὁπισθόν Θ , spasmus musculorum corpus & caput retroflectentium.

633. Hinc liquet, cur vertigo convulsio, caducus morbus, resolutio, fere tandem in apoplexiam desinant.

634. Excretorum, & retentorum vitia exposita in causis morborum, (546.) unde petenda.

635. Qualitas corporis vitiata dicitur, quæ dispositionem in sensus incurrentem lædit, maximè autem hic considerari solet quoad colorem, odoremque.

636. Cutis, tunica cornea, & membrana oris color flavus, viridis, lividus, pallidus, niger, ruber, à liquidis similibus per vascula pellacentibus plerumque dependet.

637. Ossium flavedo, rubedo, pallor, fuscus color, & niger, à tophis, inflammatione, abscessibus, medullâ morbosa, contusione, periostei ablatione, vel carie dependet.

638. Fætor ab humoribus stagnantibus, effusis,

effusis, corruptis, vel à venenis, pendet ut plurimum; tum ab omni causa, quæ olea & sales nimis solvit, ut est calor, motus nimius, &c.

ΣΗΜΕΙΩΤΙΚΗΣ GENERALIA.

639. **M**Orbus quum sit effectus pendens à suâ causa, ens est singulare, ab aliis diversum, adeoque in suâ propriâ, singulari naturâ accuratè cognoscendum. Idem de sanitate, ejusque vario statu sentiendum est.

640. Natura verò sanitatis, ejus defectus, morbi, raro per se sensibus obvia cognoscitur, quin sæpe utriusque ratio latet.

641. Sed effecta edunt, functionum vel exercitatione, vel læsione, quæ distincta quidem, tamen ab iis pendent, in sensus incurrunt, adeoque observari queunt.

642. Imò & cognitæ causæ nota applicatio corpori, per physiologiam perspecto, docet naturam effectus, qui inde sequetur, sive ille saluber, sive æger futurus sit: nec refert, an hæc causa corpori externa, interna, naturalis, accidens, salutaris, morbosave, vel lethalis fuerit.

643. Hæc ergo effecta, vel causæ hæc, (641. 642.) sensibilia quum sint, (ex hypothesi)

thesi) vel ex talibus deducta, *phenomena* vocantur; & si ex his, sensu perceptis, lege ratiocinii demonstratur vitæ, sanitatis, morbi natura, præsentia, eventus, *Signa* appellari solent.

644. Quæ *διαγνωστικά*, vel *σημειωτικά* dicuntur, quando præsentem; *προγνωστικά*, si futurum; *ἀναμνηστικά*, si præteritum corporis vivi, sani, morbofi, vel morituri statum denunciant.

645. In morbis autem id signum, quod proprium, & inseparabile ab ipsa naturâ morbi fluit, *παθογνωστικόν* vocatur.

646. Cujus ergo cognitio Medico necessaria, utilissima, acquisitu difficillima, & morbo, quamdiu genium servat, semper præsens habetur.

647. Ea verò signa, quæ mutationem, variumque mutati morbi statum docent, *επιγεγνημένα* audiunt.

648. Quorum tanta ad bene medendum vis, ut vix aliud plus emolumenti in praxi ferat: unde neglectorum horum etiam nocumenta summa.

649. Illa verò quum sint effectus à causa morbi, & morbo, & symptomatibus mutatis continuo producti, notant ergo diver-

sunt

sunt quolibet tempore statum ejus materiæ, quæ malum primò produxerat, vel quæ à malo producta fuit; unde referri solent ad tres has classes:

1. Cruditatis, & Coctionis:
2. Exitus in salutem, morbum, mortem.
3. Secretionis materiæ coctæ, quæ inde decretoria, vel κερτικὰ nominantur.

SIGNA SANITATIS OPTIMÆ GENERALIA.

650. **H**Æc peti debent ex functionibus (484) exercitatis sine dolore, sine molestia, cum constantiâ maximâ.

651. Constantia maxima describitur signis futuræ longævitatatis, quæ cognita etiam plerumque sanitatem prænunciant.

652. Illa verò sunt effectus ejus indolis totius machinæ, quoad solida & fluida, unde durabilitas totius compagis maximè pendet; quæ est assumptorum reductio in naturam similem eorum, quæ machinam jam constituunt sanam.

653. Quæ signa collecta hæc primaria sunt.

1. Conceptus ex parentibus sanis, vegetis, plenâ ætate, rarâ, sed fervidâ venere utenti-

utentibus, matutino tempore, post perfectam coctionem à somno, tempore verno, salubri.

2. Gestatio à matre bene sanâ, laboriosi corporis, tranquilli animi, unum modo factum habente in utero.

3. Nativitas post novem absolutos gestationis menses, mense Decembri, vel Januario.

4. Lentum, usque ad 25. annum ætatis, incrementum quoad vires, molemque.

5. Thorax latus & amplius; abdomen gracile & compressum; crura & femora firma, porosa, carnosa hirsuta, densis setosisque pilis dura; cranium magnum, & capax, maximè ad occiput, non verò à parte faciei; cutis dura, caro multa, adeps parcior.

6. Respiratio lenta, magna, plena, facilis, æqualis, sine apparente mutatione organorum, pneumaticorum. Pulsus lentus, magnus, plenus, æqualis, nec citò mutabilis, sed constans. Alvus, tardior, &, sine incommodo, sicca. Urina pauca, & cocta. Sudor rarus. Somnus profundus, æqualis, reficiens; voracitas, facilis digestio, laboris tolerantia; tarditas ingenii, motuumque animi, & corporis.

7. Sanguis crassus, extravasatus citò, & fatis

fatis validè concrefcens in molem tenacem ; reliqui humores tenaces , copiofi , & modicè calidi.

654. Functionum facilis , & non dolens exercitatio deprehenditur. 1. experimento ipfo. 2. per dicta modò (653.) 3. ex solidis (492.) validis , elasticis , tenacibus quoad materiem , eâ mole , formâ , fuperficie præditis , eo modo , fitu , proportionè nexis inter fe , unde motus proprii , & communes , quoad folida & liquida , facillimi , expeditiffimè fiant. 4. eâ fluidorum naturâ , quæ motus intestinos , circulares , fecretorios , nutritionis , excretorios , fine inæqualitate , ejufve effectis , optimè perficit. Cujus evidentiffima figna abfentia pulfationum , tumorum , dolorum , caloris , immobilitatis , infenfilitatis in partibus.

5. Ab eâ indole unionis inter mentem & corpus , unde vehementiffimi non fiant animi affectus.

6. Color candidus , & rofcus , vel lætoniger , calor moderatus , levis ad fenfum.

655. Maxima vis refiftendi morbis non fignat perfectiffimam fanitatem , & contra ; patet in venenis , & contagiis.

SANITATIS SIGNA SINGULARIA.

656. **S**anitas perfecta, cuique individuo singularis, hinc ratione sui subiecti tantum talis erit; adeoque corpora diversæ in solidis, & fluidis, indolis, tamen sana esse poterunt; hanc vocavere Veteres *ἰσχυρογὰριαν*, vel sanitatem temperiei; hæc signis suis cognita rem quidem non explicat, tamen usum in medendo habens proponetur.

657. Calidi temperamenti signa describuntur: pili crassi; flavi, copiosi toto corpore; color faciei, labiorum, oris, angulorum in oculis ruber; corpus gracile, agile, robustum, calidum; pulsus major, creber; iracundia.

His calefacientia nocent, temperata profunt.

658. Frigidæ temperiei omnia ergo contraria signa: glabrities, pili tenues; color pallescens; corpus crassius, tardum, debile, frigidum; pulsus minor, tardior; *ἀναισθησία*.

659. Sicca temperies calidæ, humida verò frigidæ convenit.

660. Signa biliosi temperamenti: pili nigri, crispi, plurimi; durities; macilentia,
graci-

gracilitas carnis; venæ magnæ; pulsus magni, celeres; pertinacia; sunt iracundi. His calida & sicca nocent, humida, & refrigerantia profunt.

661. Sanguinei temperamenti signa: piluli flavo-albi, fusci, rari; caro mollis, copiosa; venæ amplæ, sanguine distentæ; iracundia; mobilitas. Evacuantia & temperata profunt, calefaciens obest.

662. Phlegmaticum cognoscitur, glabritie, pilis albis, tenuibus, parum crescentibus; albedine, tumore, mollitie, pinguedine corporis; venis angustis, latentibus. Huic obest humidum, frigidumque, calidum autem, & siccum prodest.

663. Melancholici signa, glabrities, piluli nigri; macies, siccitas; color niger ubique; cunctatio, constantia. Calida nocent, & sicca, sed humida, emollientia, temperata juvant.

SIGNA MORBORUM.

664. **S**igna morbi futuri petuntur 1. ex mutatione functionum qualiumcunque, maximè ex imminutâ perspiratione Sanctorianâ. 2. ex cognitione temperamentorum. 3. ex observatione sex rerum non
natu-

naturalium (juxtâ § 18, usque ad § 47.) 4. ex scientia epidemicorum.

665. Signa morbi præteriti petuntur ex effectis relictis post læsas partes solidas, liquidas, & functiones ipsas.

666. Morbi præsentis signa spectant ejus causas, naturam, statum, symptomata, eventum.

667. Signa naturam causæ indicantia peti debent. 1. ex observatione sex rerum non naturalium corpori applicatarum, vel applicandarum, vid. totam αἰτιολογίαν παθολογικῆς. 2. ex signis ἰδιοσυγκρασίας; vid. 656, ad 664. 3. ex observatâ naturâ effectuum in sensus incurrentium.

668. Morbus solidæ partis cognoscitur 1. ex vi, qualitate, applicationis modo, duratione causæ, sive interna, sive externa fuerit. 2. ex mutatione qualitatum, situs, nexusque loci affecti. 3. à functionibus læsis. 4. ab excretis.

669. Vulnerum, contusionum, corrossionum, ambustionum præsentia, si sensibus externis patent, facile noscitur.

Horum status. 1. ex conspectu. 2. ex natura partis læsæ. 3. ex symptomatibus deprehenditur.

Horum

Horum eventus prædicitur. 1. ex necessitate functionis læsæ ad vitam, vel sanitatem. 2. ex indole partis læsæ. 3. ex modo læsionis. 4. ex temperie ægri.

670. Ulcerum, fistularum, scirrhorum, cancri, carcinomatis, inflammationum, gangrænarum, præsentia externa noscitur facile per signa pathognomica, ex horum definitione clara.

Status horum scitur 1. inspectu 2. cognita indole partis læsæ. 3. symptomatum observatione.

Eventus prælagitur. 1. à natura mala. 2. à natura partis læsæ, ejusque in vitam, vel sanitatem influxu. 3. à vicinia aliorum. 4. à difficultate applicandi auxilii. 5. à temperie ægri.

671. Si hæc (669. 670.) intrò latent, deteguntur Signis petitis. 1. à naturâ causæ. 2. à functione quâdam læsa. 3. ab excretis. 4. à loco affecto, per anatomen cognito. 5. à qualitate sensibili læsa.

Status, eventusque ex iisdem signis, ut (669. 670.) præcedentium, patent.

672. Locus affectus à causa externa in vulnere, contusione, inflammatione, ædeme, ulcere, gangrænâ, sphacelo, luxatione, distorsione, fractura, carie, atrophia,

phia, scirrho, cancro, carcinomate, signa habet & visui, & tactui sensibilia.

Comparatio functionis læsæ, cum origine instrumenti ejus functionis, sæpe sedem mali indicat.

673. Locus affectus internus à causa interna noscitur. 1. à natura cognita causæ. 2. à functione læsa. 3. à natura morbi. 4. ab excretis. 5. ex symptomate comparato cum anatomicis. Ex his præcipuè quinque fontibus cognoscuntur cerebri, narium, faucium, thoracis, pleuræ, mediastini, pulmonum, pericardii, cordis, diaphragmatis, hepatis, lienis, ventriculi, pancreatis, mesenterij, intestinorum, renum, ureterum, vesicæ, uteri, genitaliumque, læsiones.

674. Signa morbi acuti in fluidis habentur. 1. ex velocitate & vehementia incrementi. 2. ex vehementia symptomatum. 3. ex læsis functionibus. 4. ex excretis. 5. à constitutione epidemica. 6. ex tempestate anni. 7. ab sexu, ætate, vita, temperie ægri.

675. Signa acuti, (674) si valida, discrimen denunciant; si levia, boni quid promittunt.

676. Signa acuti morbi in fluidis, solum, pericu-

periculum, durationem, eventum præsa-
gientia, & determinantia, habentur ex co-
gnitis per sensus effectis, quæ ex vitiis flui-
dorum emanant. (vid. 535. ad 541. &
548. ad 558.)

677. Signa acrimoniæ liquidorum sunt,
dolor sine signis aucti motus, vel obstructio-
num majorum, erosio solidi sine tumore.

678. Signa acrimoniæ alcalinæ, fœtor
cadaverosus, sapor urinæ putrefactæ, ero-
sio nigra, plumbea, cinericia quoad colorem,
eaque celeris, sitis ingens, appetitus pro-
stratus, fœces alvi solutæ, cadaver olentes,
urina acris, crassa, spumescens; fœtida in-
star putrefactæ, vix demittens fœces, sudor
vix ullus, vel similis, arida cutis externa,
tum narium orisque interna, sanguis tenuis,
dissolutus floridus, vix concreescens, pustu-
læ nigræ subitô gangrænosæ, bubones, an-
thraces, maculæ purpureæ, inflammationes
acutissimæ, celerrimæ, sphaceli cum bullis
elevatis, serosis, pùtridis, juvamen ab acidis.

679. Signa acrimoniæ acidæ, fœtor a-
cidus, sapor similis, color pallidus oris, gin-
givæ &c. erosio lentior & cum pallore, sitis
non magna, appetitus sæpe ingens, dige-
stio celeris, fæces alvi cum torminibus
I acidum

acidum spirantes, urina stranguriosa, crassa, alba, cum sedimento crasso & plurimo, sudor & multus, & acidus, cutis laxior, sanguis crassus, niger, vel pallidus, inflammationes lentiores, juvamen ab antacidis.

680. Signa acrimoniæ muriaticæ, vel ammoniacæ, sapor falsus, erosio rubra, pruritus creans, lenta, sitis continua, ingens, pertinax, siccitas, rigiditas, urina falsa, cum sedimento spisso, color sæpe ruber, juvamen ab aquosis.

681. Signa acrimoniæ oleosæ aromaticæ, foetor empyreumaticus, sapor amarus, rancidus, pinguis, ut ab oleo ambusto, fauces adurens, nidorofus, erosio fervida, nigra, nausea, appetitus prostratus, sitis summa, fæces alvi pingues, foetidæ, urina flammea, foetida, spumosa, pauca, calida, cutis arida, oris siccitas, fordes, cruor ambustus, inflammationes acres, celeres, pertinaces, suppurationes similes, gangrænæ foetidissimæ, juvamen à frigidis, saponaceis, aquosis.

682. Signa fluiditatis nimiae sunt, perspiratio, sudor, urina, saliva, fæces alvi liquida, nimis aucta, corporis totius marcor, contractio, debilitas, sitis, mobilitas, juvamen ab inspissantibus.

683. Signa tenacitatis auctæ, tumor, dolor, anxietas, circulatio, secretio, excretio impeditæ, lentor circulantium, secretorum, excretorum; si frigus simul, designat pituitosum, si calor, significat inflammatorium spissum.

684. Hinc signa prædominii salis, olei, aquæ, terræ, habentur.

685. Signa autem vitæ validæ, si concurrunt cum signis his fluidorum, designant summam destructionem, citissimamque; contraria verò oppositum demonstrant.

686. Hinc intelliguntur malignitatis in acutis signa 1. ex causis validis, velocibus. 2. constitutione epidemicâ. 3. ægri temperie. 4. ex resistentâ pertinaci contra quævis remedia. 5. ex symptomatibus malis: talia habentur, sitis ingens, inextinguibilisque; oris, narium, faucis, linguæ, palati siccitas, sordes albæ, flavæ, fuscæ, nigræ, crustæ similes; appetitus integrè destructus; nausea; vomitus; singultus; dolor & anxietas ad stomachum; rejectio per vomitum sincera; alvi dejectio sincera, liquida, fœtida, non levans, valde debilitans, carunculas, fibras, membranas secum ferens; urina tenuis valde rubra, spumosa, parca, sæpe reddita;

I 2 pulsus

pulsus celer, debilis, durus, inæqualis, intermittens; respiratio citata, anhelosa, impedita, tussiculosa, dolens, sublimis; mentis alienatio, delirium, furor, insensibilitas; sudor frigidus, viscosus circâ caput, non levans; somnus nullus, turbidus, non levans, sopor perpetuus; sputum sanguinis; mictus cruoris; stillæ ex naribus parvæ; tremores manuum, linguæ, labiorum insoliti; convulsiones validæ; anxietas; jactatio membrorum; decubitus supinus; pedum à lecto propendentia; oculi lachrymosi, tristes, vagi, fixi, sicci, pulverulenti; collectiones floccorum; maculæ purpureæ; crises nec integræ, nec levantes; mutationes in insolita quæque.

687. Morbi superabiles noscuntur ab horum (685.) absentia, vel contrario.

688. Cruditas, coctio, crisis, eventus in mortem, alium morbum, salutemve, sunt signa, & objecta prognosticos in plerisque morbis.

689. Materia morbi prædita eâ mole, figurâ, cohæsiōe, mobilitate, inertia, ut morbum increfcere, & continuari faciat, vocatur *cruda*.

690. Ille verò status morbi & ejus *Cruditudo* & *Induritas*;

tas: quod æquê obtinet in morbis, ubi tota fluidorum massa, quam ubi una modò ejus pars affecta est.

691. Quod idem de solidis, quatenus vitio fluidorum agrotant, verum est.

692. Cruditas illa (689. 690. 691.) cognoscitur. 1. Ex vigore morbi crescente, vel durante. 2. ex augmento Symptomatum. 3. Exercitio functionum validè adhuc læso. 4. recessu circulantium, secretorum, excretorum humorum, excrementorumque, à statu sano, quoad copiam, vel qualitatem; unde in salivâ, mucus, sputo, vomitu redditis, bile, fœce alvi, urinâ, sudore, ichore, pure, sanguine, abscessu, aphthis &c. indicatur.

693. Materia morbi cruda, (689) si per actiones vitæ, vel medicamenta, sic mutata est, quoad molem, figuram, cohæSIONem, mobilitatem, inertiam, ut minus recedat à statu sano, minus lædat, morbum minuat, *Cocta* vocatur.

Ille verò morbi status, quo hæc fiunt, *status coctionis* dicitur; atque actio, quâ hæc fiunt, *Coctio*.

694. Status ille morbi, & materiæ ejus (693.) cognoscitur. 1. Ex quiete morbi,

ejus decremento , viribus iisdem vitæ , vel auctis. 2. symptomatum sedatione , immutatione , cum robore vitæ. 3. Exercitio functionum restituto. 4. Similitudine circulantium , secretorum , excretorum humorum , excrementorumque , cum naturalibus. (vid. 692.)

695. Causa ejus coctionis est vis vitæ , usus medicaminum , ipsa spontanea mutatio materiæ.

696. Materia morbi eousque cocta per suas causas , (695.) ut similis sit sanis , dicitur resoluta. Eaque perfectissima sanatio.

697. Si verò cocta eousque , ut apta sit fluere , misceri , separari , & dein ope virium vitæ excerni per emunctoria publica , privatave , aut deponi intra cavitates corporis natives , factasve , vocatur , dum sic separatur , *Critica*.

Ipsaque hæc excreta *Crisis*.

698. Cujus causa efficiens vis vitæ prævalens ; causa verò irritans materies paululum adhuc à sanitatis perfectione deflectens.

699. Ideoque dum vis vitæ (698.) materiem eam nondum naturalem expellere incipit , & movere , symptomata creantur sensibilia , quæ vera signa sunt futuræ mox , vel
jam

janæ natæ Crisios. Horum ignoratio periculosa, & distinctio difficilis.

700. Confunduntur enim sæpe cum symptomatibus, ab ipso morbo ortis.

701. Signa autem diagnostica sunt hæc: 1. hæc symptomata (699) oriuntur à vi vitæ morbum superante. Alia à vi morbi prævalente. 2. post coctionem hæc, eamque bonā; illa in cruditate. 3. circa dies criticos hæc; illa omni tempore 4. hæc levant; illa nocent.

702. Primaria autem hæc sunt illa critica symptomata crisi antecedentia: subitò & sine causâ manifestâ stupor, somnolentia, sopor, vigiliæ, delirium, anxietas, dyspnœa, nox molesta, rigor, dolor, rubor, titillatio, punctura, gravitas, densitas in parte; tenebræ, splendor, lux in oculis; nausea, æstus, sitis, hypochondriorum retractio, tremula agitatio labii inferioris.

703. Crisios verò præsentis signa & producta sunt, si juxtâ (701.) & post (702) oritur vomitus; salivatio; mucus; sputa; alvi fluor; urina; hæmorrhagia ex naribus, utero, hæmorrhoidibus; sudor; abscessus; pustulæ; tumores; bubo; parotis; aphthæ; decubitus humorum ex loco in locum.

704. Quæ verè critica esse cognoscuntur

ex (694. 697. 701.) adeoque coctio præcedens; status morbi; vis naturæ; excrementa naturalia, morbo, vitæ, victui, ætati, sexui, temperie convenientia; tempus; locus; levamen ab his quoad morbum, symptomataque; color, robur, pulsus mox restituta; constantia crisis in finem morbi bonitatem horum designant.

705. Horum absentia, vel oppositum docet symptomata esse morbi, non verò vitæ triumphantis, tumque omnia mala sunt.

706. Hinc Axiomata : *Crisis post coctionem semper bona.*

Crisis die Critico bona.

Crisis pro ætate, temperie, regione, morbo, epidemicis, tempestate, varia quoad materiem, & tempus.

Crisis ante coctionem mala.

Coctio semper bona.

Quò citior, eò salubrior Coctio, non Crisis.

707. In ægro causa adest vitæ, & morbi.

708. Harum causarum (707.) vires cognitæ, & comparatæ fundunt prognosin de exitu morbi in vitam, mortem, alium morbum, sanitatemve; tum tempora, & permutationes præsagiunt.

709. Virtus causæ, quâ durat vita, nosci-
tur

tur ex superstitie functione quâvis, maximè autem vitali, dein animali, tandem naturali; hinc axiomata: *quò functiones plures magis naturales sunt, eò plus spei. Quò melior ea-functio, unde plures alia pendent, eò magis res agri in vado.*

Et horum contraria.

710. Vis autem functionis noscitur ex effectis ejus sensibilibus omnibus; sed maximè ex iis, quæ in morbo advertuntur, adeoque spectatur maximè ex bonâ coctione, & secretionem materiæ morbi.

711. Optima coctio, qua citissimè cruditas fit similis naturali liquido.

712. *Quò ergò melior coctio, eò plus spei.*

713. Coctio autem spectatur functionum restitutione, excretorum ad similitudinem salubrium reductione. Hinc axioma: *Excreta quò similia naturalibus, eò plus spei.*

714. Robur causæ vitalis præterea cognoscitur ex ætate, sexu, temperie, vita, gente, genere ipsius agri.

715. Ex his ergò in omni agro colligitur vitale robur. (707. ad 714.)

716. Vis causæ morbi cognoscitur 1. ex notis ejus causis magnis, malignis, periculosibus. 2. ex genio morbi noto ex con-

stitutione epidemica. 3. ex copia, magnitudine, vehementia symptomatum. 4. ex cruditate. 5. ex mutatione qualitatum quoad figuram, molem, colorem, consistentiam. 6. ab excretis valde recedentibus à sanis.

717. Ex his signis ritè comparatis fit prædictio per hæc axiomata : *Si causa vitæ longè efficacior causâ morbi, ager brevi integrè sanabitur.*

Si æquales, discrimen, duratio, aliussve præfagitur morbus.

Si prævalet causa morbi, mors sequetur, vel totius, vel partis.

718. Magnitudo discriminis ex excessu, quo causa morbi vitæ causam superat, cognoscitur.

719. Duratio ex lento incremento morbi, & debilitate vitæ, ex materie morbi tenaci & pertinaci prædicatur.

720. Alius morbus præfagitur, si vis morbi, ejusque symptomata remittunt sine coctione, & sine crisi sufficiente, idque in morbo cum materiâ.

721. Qui succedens dein morbus sæpe priori pejor, & diuturnior, pro diversitate partis læsæ, quam novus occupat.

722. Pruritus, titillatio, rubor, dolor, calor,

calor, tumor, pulsatio, stupor, agitatio perpetua molesta partis, genius morbi ex ideâ ejus, vel ex epidemicâ indole cognitus, docent locum, quem occupabit.

723. Ut etiam dum noscitur, ea fieri in aliquâ parte, per artem, vel casum, quæ in eâ parte producant modò dicta. (722.)

724. Coctioni & crisi perficiendis causa princeps est Vitalis Functio, quæ quam pulsu & respiratione absolvatur, de his agendum; & quum Urina sit recrementum ex toto sanguine, omnibusque corporis partibus egestum vi vitæ, illa sui considerationem postulat.

DE PÛLSU ARTERIÆ, UT S I G N O.

725. **P**ulsus arteriæ quum nunciet motoris primi, & liquidi nostri universalis status, multum in arte Signorum præstat.

726. Fortis pulsus notat 1. vim contracti cordis validam, adeoque & valorem causæ contrahentis, id est 2. influxum liquidi nervosi validum in Cor à cerebello. 3. copiam cruoris. 4. secretiones, circulationesque Bonas; hinc optimi prælagii; sed fallit in morbis apoplecticis, & iis, ubi li-

bero itinere à corde in cerebellum, ab hoc in Cor, reliqua obstructa.

726. Debilis omnia contraria notat, sed fallit in obefis aliquando.

727. Pulsus magnus notat 1. copiam sanguinis. 2. vim pellentem. 3. arteriam contractilem & liberam. 4. circulationem & secretionem bonam.

728. Parvus contraria notat : plenus, & vacuus facile hinc intelliguntur, quousque admitti queunt.

729. Durus significat 1. membranam arteriæ sicciorem naturali ; adeoque 2. obstructions in vasis minimis ; 3. arterias plenas ; 4. sed ad capillares fines inflammatoriè obstructas ; 5. cruorem valde coactum ; 6. circulationes, secretiones, excretiones lasas ; 7. omnia, quæ ex modo dictis sequi debent.

730. Mollis omnia contraria signat ; sed fallit in inflammatione pulmonum.

731. Pulsus lentus notat 1. Cordis lentiores contractiones ; adeoque 2. tardiorum liquidi cerebellosi in nervos ejus influxum ; 3. circulum sanguinis expeditum, eumque. 4. æquabilem per omnia vasa : ubi autem à debilitate, malus.

732. Pulsus celer contraria significat, ut & acria irritantia, spiritus agitados, febres, inflammatum cerebrum.

733. Æqualis robore & celeritate, vitæ constantiam designans, bonus; inæqualis malus.

734. Intermittens, vitæ vim labilem notans, valde periculosus.

735. Fortis, magnus, æqualis, tardusque simul, est optimus.

736. Fortis & magnus; fortis & tardus; magnus & tardus simul, boni sunt.

737. Debilis, parvus, durus, inæqualis, intermittens, & celer simul, est pessimus.

738. Et prout plures horum defectus concurrunt simul, eò pejorem faciunt pulsum, & contrâ.

739. Myuri, ferrati, caprizantes, dicroti, hinc facile intelliguntur.

740. Atque inde liquet, quid calor, effectus pulsus, auctus significet? sc. vas arctatum, liquidum densum, vim projectricem validam, resistentias ad fines validas.

741. Unde imminutus calor omnia contraria designat.

742. Scire tamen est, naturam arteriæ, ætatem, sexum, animi affectus, sex res non naturales, habitum corporis, regionem, tempestatem mirificè hæc variare omnia.

743. Ut quoque multum intersit, quo ordine se mutuò diversi pulsus exceperint.

744. Et accuratè observandus pulsus, ut index materiæ morbosæ movendæ, mortæ, excretioni paratæ, & dum excernitur.

745. Ibi enim momentum agendo aptum egregiè, præter cætera, demonstrat.

DE RESPIRATIONE, UT SIGNO.

746. **R**espiratio facilis designat organa respirationis ritè valere, facile explicari pulmones, facilè transmitti sanguinem, adeoque eum aptum fluere per omnia vasa corporis; hinc boni prælagii.

747. Difficilis omnia notat contraria; adeoque pessimi prælagii.

748. Quæ autem simul valdè dolens est, aliquid inflammationis internæ notat: hinc pessimi semper auspicii.

749. Respiratio magna notat semper per se bene dilatabile pectus, mobile diaphragma, explicabile abdomen, & laxum pulmonem, simul cruorem meabilem, &

vires

vires bonas: adeoque bona quæque portendit.

750. Parva contraria notat, maximè designat pulmonem cruore, vel materie non meabili rigidum; fistulamve pulmonalem tumore, aut materie quâcunque sic obsessam, ut Aër immitti vix queat: hinc pessimi ominis.

751. Lenta significat, pulmonem æqualiter liberum, explicabilem, sanguinem penetrabilem, & æqualiter pulsum: hinc optimi vaticinii, si molestia, & desipientia absint.

752. Celeris notat organa respirationis læsa, pulmones obstructos, siccos, rigidos, cruorem ineptum transfluere; ideoque semper metuendum aliquid apportat.

753. Æqualis bonum pulmonem, bona organa, bene coctum cruorem annuncians, bona predicit.

754. Inæqualis autem causas vitæ proximas periclitari declarat; adeoque semper mala est.

755. Suffocativa, quæ ægro suffocationis sensum creat, pulmonem inflammatum, obstructum, plenum, rigidum, siccum, cruorem verò immeabilem eloquitur

tur; hinc brevi lethalis apparet, nisi ex causa fuerit spasmodicâ.

756. Respiratio in supremâ thoracis parte exercitata pessimam pulmonum, ergo & vitæ, conditionem designans, fere lethalis.

757. Sublimis, cum claviculis sublatis, sterno elevato, scapulis motis, narium pinnis anhelosis, costis inferioribus & abdomine valde agitatis simul, mortifera; nam denotat difficilem cruoris per pulmones motum, simulque vires deficientes.

758. Facilis, magna, lenta, æqualis, reficiens, motis tantum intercostalibus, diaphragmate & abdomine, est salutaris quam maximè.

759. Ea verò, quæ plurimas harum conditionum implet, bonitate optimam sequitur.

760. Difficilis, dolens, parva, celeris, inæqualis, suffocativa, sublimis, omni muscutorum, costis adnatorum, molimine exercitata, indubitatò lethalis.

761. Ea verò, quæ plurima horum vitiorum habet, eò pejor, quò plura eorum secum gerit.

762. Frigida lethalis, utpotè gangrænæ fere interiorum nuncia.

763. Par-

763. Parva cum sibilo stertoroso, ac fervente quasi gutture, citò lethalis, si reliqua signa mala sunt.

764. Magna, & celeris sæpe salutaris coctionis, & crisis causa.

765. Magna & rara cerebrum obstructum, & inde factos, futurosve morbos denunciat, ut coma, lethargum, deliria &c.

766. Tandem nativa constitutio, formatio Thoracis, pulmonum, diaphragmatis, abdominis, ætas, sexus, graviditas, affectus animi, habitus corporis, regio, anni & cœli tempestas, sæpe actionem respirationis mirè turbant, & variant.

767. Quin & mutatae ordo multum affundit lucis, quia ex malâ in bonas permutationis optima, & contrâ.

768. Ut & tempore crisis insurgens optima

769. Quia ergò Cordis, pulmonis, Thoracis, pleuræ, septi, abdominis, cruris, & liquidi cerebellosi nobis statum designat, liquet summi momenti esse ejus in morbis observationem.

DE URINA, UT SIGNO.

770. **E**X conspectu Urinæ de statu corporis judicaturus sciat 1. lotium Sani, & in eodem homine, & in variis, varium esse pro varietate ætatis, sexus, temperiei, tempestatis anni, sex rerum non naturalium, medicamentorum.

2. Hinc ergo in ferendo de urinâ judicio simul attendendum ad reliqua signa, in morbis apparentia; aliter fallaciæ ubique hæc ars plena.

771. Urina copiâ, colore, odore, sapore, fluore, & contentis spectatur.

772. Urina, si copiâ ultrâ solitum auctâ prodit, denotat 1. copiam potus aquosi. 2. laxitatem renalium fistularum. 3. perspirationem, sudorem, salivam impedita. 4. diuretica assumpta. 5. Cruoris non subactam miscelam. 6. affectus nervosos.

773. Præfagit talis urina (772) 1. crassitiem remanentis. 2. sitim. 3. anxietates. 4. obstructions, harumque effectus. 5. tabem ex diabete.

774. Si copiâ procedit parcior, designat. 1. potus penuriam, vel ejus spirituositatem. 2. vasa obstructa, spasmove contracta. 3. augmentum aliarum excretionum.

775. Præ-

775. Præſagit (774.) repletiones, gravitatem, torporem, ſoporem, tremorem convulſivum, mortem apoplecticam, ſi ex cauſâ ſecunda. (774.)

776. Urina colore & fluore aqueo inſipida, atque inodora ſi exit, denunciatur
1. copiam aquæ potæ. 2. vaſa renalia conſtricta. 3. ſanguinis arctam in oleo & ſale tenacitatem. 4. animi affectus enormes, inſultus hypochondriacos, pallorem virgineum, partum modo antegreſſum. 5. viſcera coctioni imparia. 6. vaſorum obſtructiones. 7. in morbis acutis, coctionis & criſeos impediementa.

777. Præſagit (776.) 1. ut §. 773. 2. in morbis inflammatoriis deliria, phrenitides, convulſiones, mortem.

778. Rubra ſine ſedimento in acutis notat. 1. motum attritus inter partes validum. 2. olei, ſalis, terræ, aquæ miſcelam intimam & tenacem. 3. ergo morbi cruditatem. 4. longam durationem. 5. periculum.

779. Præſagit 1. deſtructiones gangrænoſas vaſculorum. 2. difficilem coctionem. 3. tardam criſin, eamque ambiguam.

780. Flammea, tenuis, ſine ſedimento, notat

notat eadem (778.) validiora, unde & præfagium idem, (779.) sed periculosius.

781. Rubra cum sedimento lateri trito rubro simili designat. 1. motum attritus vehementem prægressum. 2. vasa laxa. 3. cruorem acrem salinum, & solutum, nutritioni ineptum. 4. febres intermittentes paroxysmo defunctas. 5. scorbutum in his oris.

782. Præfagit 1. destructionem vasculorum. 2. sudores, urinas, salivam, diarrhoeas, colliquativa. 3. *ἄγροφίαν*. 4. longitudinem morbi. 5. hydropes.

783. Si talis (781.) sedimenta habet furfuracea, eadem designat, (781.) & præfagit, (782.) sed pejus adhuc.

784. Si crocea sit colore, simulque ut prior, (781. 783.) designat, icterum, ejusque symptomata ad cutim, alvum, hypochondria, unde & præfagia petenda,

785. Viridis cum sedimento crasso significat. 1. temperiem atrabiliaria. 2. ejusque solutam excerni materiem. 3. adeoque anxietates præcordiorum, dolores colicos.

786. Præfagit talis, (785.) nisi materiës mota ritè excernatur, eam raptum iri
in

in cruorem ; unde infinita & acuta sæpe mala , ex atræ bilis historiâ petenda. Hinc & urina nigra intelligitur.

787. Sanguis , carunculæ , pus , filamenta , anguillulæ , grumi , arenulæ , partes calculi , mucus in fundo , designant vitia renum , ureterum , vesicæ , testium , vesicularum seminalium , prostaticarum , glandularum Couperi , urethræ.

788. Quorum vitiorum sedes , & natura ex aliis signis concurrentibus petenda.

789. Pinguis urina plerumque fit ex minimis arenulis aggestis ; aliter notat
1. vasa attrita 2. humores acres : & hinc sæpe phthisin & atrophiam minatur.

790. Spumosa diu olea & sales in lixivium saponaceum soluta notat , adeoque
1. tenacitatem miscelæ. 2. difficilem coctionem , & crisin. 3. morbos fere pulmonicos.

791. Fœtida , nisi ab assumtis talibus , notat sales & olea attenuata & soluta , ut fere putrefacta ; hinc summum in acutis , & chronicis discrimen ; nec facilem sanationem.

792. Insulsa colorata mortem propinquam clamat.

793. Pallida , cum sedimento tenaci & mucoso ,

mucoso, fere calculum vesicæ designat.

794. Urina ergo declarat 1. sanguinis indolem, impetum, ejusque symptomata. 2. statum morbi, coctionisque. 3. statum secretionis & crisis. 4. morbos renum, ureterum, vesicæ, testium, vasorum deferentium, vesicularum seminalium, prostaticarum, urethræ. 5. bilis aliquas ægritudines. Cætera, si sola, fere incerta.

T F I E I N H.

795. **A**Rs tuendæ valetudinis tria habet munera, sanitatem præsentem conservare, morbos præcavere, vitam disponere ad longævitatem.

796. Sanitas, quum sit aptitudo ad exercendas functiones, hæc autem in mobilitate determinatâ solidorum & fluidorum consistat, si semel perfecta ponitur, necessario solida de erit, fluida consumit, adeoque se ipsam destruit.

797. Ergo conservatur sanitas restituendo jugiter eandem copiam, & qualitatem partium, quales ante hanc consumptionem (796.) aderant in solidis & fluidis.

798. Huic restitutioni materiem præbent ingesta, Aër, cibus, potus. Hanc præparant gesta in corpore per vitales, natura-

naturales, animales actiones : hæc & applicant locis reparandis, & liberant à superfluis, crudis, atque nocituris.

799. Quare patet, totam hanc artem conservandæ salutis absolvi descriptione legum, quæ definiunt illum usum sex rerum non naturalium, quo satisfiat quæsito, jam descripto. (797.)

800. Difficile tamen est generales has leges ita promulgare, ut observatio earam omni homini æqualiter proffit.

801. Cujus quidem difficultatis causa sæpe in *ἰδιόσυγκρασιᾷ* hæret; ideòque in eandem vivendi rationem oppositis sæpe effectibus operatur.

802. Adeò ut vario non tantum, sed & contrario, usu sex rerum non naturalium utentibus tamen sua cuique & integra sanitas servetur; si verò suam inter se commutaverint iidem vivendi normam, mox utrique ægrotent.

803. Consuetudo autem, quam alteram naturam dicunt, vix credenda fert, sive Aëris, potus, cibi, motus medicamenti, veneni, sive reliquorum effectus spectare lubuerit.

804. Ideoque mutatio subita à consuetis

in nova est quam maximè semper, & ubique periculosa, licet à malis in bona vergat.

805. Sed, sensim mutando, sæpe variare quotidianam vitam ad sanitatem egregium est auxilium.

806. Aër maximè gravis, adeoque simul, ut fere semper est, serenus, & siccus, suo cuique loco saluberrimus habetor.

807. Aëris vero effectus varii, ejus favens, nocensve natura, descripta sunt, ubi de causis sanitatis, & morborum, actum fuit.

808. Qualitates etiam aëris calidi, frigidi, humidi, sicci, facillimè emendari queunt per opposita inducta: frigidus enim & humidus igne accenso, aromatum halitu, & vento admisso, vel arte excitato, qui calidus sit, facile in calidum mutatur, & siccum: calidus vero sparsu frigidaë, exhalatione aquæ per plantas frigidas, vento artificiali, corrigitur.

809. Cibus optimus ille est, qui sano corpori nostro simillimus, facile nostro corpori assimilandus, simplicissimus, parum fœculentus, nullâ acrimoniâ stimulative, nec mobilitate nimia præditus est.

810. Talis

810. Talis est omnis, qui deligitur 1. ex seminibus blandis farinaceis, frumentaceis, leguminosis; secali, tritico, hordeo, avenâ, fagopyro, oriza, milio, frumento saracenicis, fabis, pis, lentibus; si contrita, aquâ subacta, fermentata, leviter cocta sint. 2. ex fructibus horæis blandis, bene maturis, odoratis. 3. ex carnibus sani, junioris, non nimis pinguis animalis, sive quadrupes, avis, piscisve fuerit: tum lac & ova animalium optimè salubria nutrimenta præbent.

811. Dura, sicca, crassa, ponderosa, fœculenta alimenta profunt imprimis his, quorum viscera valida, digestio celeris, motus muscularis ingens. His lenia, humida, tenuia, levia, defœcata obsunt, aut continuum prandium imperant.

812. Illis verò, quibus viscera debilia, digestio difficilis, quies corporis adsunt, cibi naturâ, vel arte, chylo diluto similes profunt.

813. Ex quibus paucis tota ratio delectus, copiar, præparationis alimentorum peti potest, si prius cognoveris usuri viscera, humores, temperiem, ætatem, sexum, vitæ genus, studia.

814. Copia cuique optima, quam refectio-
tionis, non torporis sensus sequitur. So-
brietas tutior, sed debilibus; excessus melior,
sed robustis.

815. Condimenta, ex acidis, sale, aroma-
tibusve petita, sanis nocent acrimoniâ noxia
vasis tenuissimis, & appetitu falso excitato.

816. Ex iisdem regulis, (811. 812. 813.)
potus bonitas intelligitur; si enim ad sitim,
siccitatem, acrimoniamque emendandam
requiritur, tum aqua frigida levissima, lim-
pida, inodora, insulsa, cursu exercitata, est
potus optimus homini robusto.

817. Si verò simul calefaciens, stimu-
lansque virtus requiritur, tum cerevisiæ co-
ctæ fermentatæque, atque vina limpida,
fragrantia, grata, prosunt. Sed & horum
delectus, usus, copia invenitur per condi-
tiones assumpturi.

818. Cibi minimè pingues, & potus a-
quæ, corpora reddunt robustissima, & fir-
missima simul.

819. Motus corporis usque ad ortum levis
sudoris, vel incipientis lassitudinis sensum,
post coctionis initia, cum sensu levitatis,
optimus est: hinc & quietis regula.

820. Somni tempus, ubi temperet corpus
sanum.

sanum. Ejus mensura optima, agilitas vigilantis.

821. Omnia evacuantia, atque acria cujuscunque speciei, omnino vitanda.

822. Purgationes cutis externæ per frictiones, loturas, balnea, fomenta, natationes admodum profunt.

823. Affectus animi neque supprimendi omnino, neque excitandi nimis. Spes, & desideria ex his maximè utilia sunt.

P R O P H I L A X I S.

824. **M**Orbi præcaventur, dum, simulac ad futuri signa deprehenduntur prima, statim eorum causis occurritur.

825. Abstinencia, quies, potus aquæ calidæ, motus deinde ad lenem sudorem, postea largior somnus, bene tecto corpore, sunt primaria remedia morborum mox futurorum prophylactica.

826. Neque aliud plus defendit corpora ab horum prophasi, quam verno tempore tardè vestimenta & tegumenta minuere, autumnali verò tempestate cito ea augere.

827. Quò & diætæ imprimis moderamen facit, his regulis descriptum: æstate victus levis, mollis, laxans, humidus, lenis, exjuscalis, lacte, fructibus, oleribus, atque aquæ potu copioso conducit, cum motu leniore.

Hyeme victus gravis, durus, siccus, aromaticus, vel sale acrior, ex carne assa, & pane magis cocto, cum vini meraci pariori potu, prodest, cum motu validiore.

Ver & autumnus, prout calore vel frigore abundant imprimis, eo quoque diversum, juxta æstiva vel hyberna, moderamen exigunt.

VITÆ LONGÆVITAS.

828. **A**ër purus, campestris, montanus, ut & umbrosus in sylvis, cibi duri, tenaces radicum & frumentorum, potus aquæ, abstinencia summa, labor agriculturæ, alvus adstricta, vita varia, aëris mutationes per itinera, corpus durum, robustum, longævum reddunt, morbos validos arcent, sed mentem hebetant plerumque.

829. Adeoque summæ sanitatis, semper non sunt longissimæ vitæ auxilia, nec causæ.

830. Magnæ mutationes per curationes mercurii, vel sudoriferorum decoctorum, similiter ad longam sæpe vitam ducunt.

831. Promissa autem vitæ longævissimæ per usum arboris vitæ Helmontianæ, hellebori nigri, elixiris proprietatis, tincturæ physi-

physicorum, entis primi ex metallis, vegetabilibus, animalibus, vana sunt.

ΘΕΡΑΠΕΥΤΙΚΗ.

832. **H**abet ultima hæc Institutionum Medicarum pars quatuor munera: 1. conservare vitam. 2. tollere causas morbi. 3. ipsum morbum. 4. ejus effectus in ægris.

833. Instrumenta verò, quorum applicatorum efficaciam quatuor hæc munera perficiuntur in ægrotis, remedia, auxilia, medicamenta, vel juvantia, vocantur.

834. Quum illa unicuique ægro singulari applicanda sint, eorumque effectus ergo præsciri à Medico debeat, antequam ea applicet, patebit ideò, Medicum id discere debere ab aliquâ re, quam sensu deprehendit, vel ratione, in ægro, vel circâ eum, sive præterita, præsens, futura fuerit.

835. Illa res, quæ sic cognita id agit, (834) *indicans* appellatur; ejus autem à medico perceptio vocatur *indicatio*; ut & ipsum id, quod agendum cognoscitur, *indicatum* dicitur.

836. *Indicans*, quod docere Medi-

cum debet, est præsentia, indoles, gradus vitæ, causæ morbi, morbi symptomatis, defectus.

837. Docent verò hæc (836) 1. quid agendum sit, ut vita servetur, resiciatur, ut adversa ei tollantur. 2. per quæ instrumenta, quomodo præparata, quo tempore, quo ordine, quo modo applicata.

838. Therapeutices pars illa, quæ regulas tradit, quarum exercitio Indicantia (836) deteguntur, & indicata (837.) cognoscuntur, vocatur *Methodus Medendi*, cujus subsequitur compendium.

METHODUS MEDENDI.

839. **I**N omni ægro superest vita, ejus causa, effectusque; vocantur Res secundum naturam.

840. Tum aliquæ functiones superstites sunt, sanitatis olim comites, adeoque ejus aliquæ hætenus reliquiæ, nomine Virium donantur. (839.)

841. Quæ cuncta pendent à superstitie fluxu fluidorum per vasa.

842. Qui reductus ad minima, jactum liquorum per Cor, pulmones, cerebellum reciprocum adhuc ponit.

843. Adeoque hæc (839. 840. 841. 842.)

842.) cognita Medico indicant conserva-
tionem, & restitutionem sui in integrum.
Illa autem cognitio appellatur Indicatio vi-
talis, vel conservatoria.

844. Causa morbi cognita indicat cor-
rectionem, vel ablationem sui. Ejus per-
ceptio dicitur præservatoria, vel προφυ-
λακτική, quatenus effectum futurum hujus
causæ, morbum, præcavet.

845. Morbus perspectus indicat sui sub-
lationem. Quæ indicatio vocatur curato-
ria, vel θεραπευτική.

846. Symptomata cognita, quæ plus
molestiæ vel periculi dant, quam ut eorum
curatio differri queat, donec morbus, unde
pendent, sanatus sit, indicant sui mitiga-
tionem, & curationem singularem, dicitur-
que hæc Indicatio urgens, vel mitigatoria,
vel palliativa.

847. Unde jam constat, agenda, & ac-
tura non posse indicari, nisi cognitâ prius
vitâ, hujus causâ, statu, viribus, effectis;
tum morbo, ejus causâ, statu, viribus, ef-
fectis.

848. Item indicari primò quid agendum
sit, deinde per quæ &c.

849. Quum verò hæc omnia, (847)

in eodem ægro singula, singulare quid agendum indicent, & singularia etiam auxilia adhibenda dicent, sæpe unum horum aliud, imò contrarium quandoque indicat & agendum, & remedium, quam alterum: unde nata fuit doctrina, indicantis, contraindicantis, repugnantis, permittentis, coindicantis, correpugnantis, consentientis, quæ facile intelligitur.

850. Sunt verò axiomata, quorum usu difficultas hinc (849.) orta tollitur, sequentia.

1. Quodcunque in ægro indicat, sui vel conservationem, vel ablationem petit.

2. Quidquid in ægro deprehenditur secundum naturam, (839.) id sui conservationem semper indicat.

3. Quidquid in ægro deprehenditur contra naturam, id sui ablationem indicat.

4. Causa morbos per remedia curans vita est, & singularis cuique sua temperies: hæc deficiente iners medela.

5. Ergò ubi vitalis, & alia quælibet indicatio æquè urget, priori satisfaciendum.

6. Ubi impar indicatio, urgenti satisfaciendum.

7. Natura consuetis gaudet & insueta ægrè fert.

8. Ju-

8. Juvantia & nocentia præcipuè indicant.

9. Contrariis contraria tollenda; similibus conservanda similia.

10. His constat, quibus nutritur, corpus.

11. In maximis malis summa citò, & semel, remedia danda.

12. In mitiore malo sensim, & repetendo, lenia remedia danda.

INDICATIO VITALIS.

851. **V**itæ status internus cognoscitur cognitionis ejus viribus.

852. Vires noscuntur per effecta, quæ edunt in corpore ægro.

853. Effecta illa sunt functionum superstitum exercitationes.

854. Functionum exercitatio est liquidæ per solida propulsio.

855. Ea requirit liquidæ meabilis copiam debitam, ejusque per vasa actionem.

856. Vasa agunt, quando fibras, à liquido transfluente distractas, versus axin suæ cavitatis contrahendo, humores propellunt; hæ ergò vasorum vires.

857. Quæ requirunt vim elasticam & contractilem fibræ, quæ renititur suæ distractioni.

858. Et influxum liquidi tenuissimi in minima vascula nervosa alternè ad pulsum liquidorum crassiorum per vasa maxima.

C A R D I A C A.

859. **Q**Uum verò horum omnium primaria causa Cor sit, ideò auxilia, quæ vitali indicationi satisfaciunt fere Cardiaca vocari solent.

860. Liquet etiam, hæc varia admodum esse, sed revocari posse ad aliquot classes: nempe. 1. eorum, quæ copiam idoneam reficiunt liquidi sani in corpore (855.) 2. eorum, quæ vasis infundunt vires roboratas, restituendo iis elasticitatem (857.) 3. quæ id faciunt liquidum nervosum augendo ut vasa minima replendo roboret. (858.) 4. quæ stimulando inertia vasa & stagnantia liquida excitant.

861. Ad primum Cardiacorum genus pertinent liquores *a.* nutriendi facultate pollentes; & *β.* ita præparati, ut non egeant masticationis, digestionis gastricæ, vel intestinalis effectû, quum ille in ægris fere desit. *γ.* tum ex tali materie constantes, quæ calore viscerum ægrorum non putrescat suâ sponte, dum deficit vis expellens. *δ.* vel admiscetur aliquid morbofi in corpore, saliva, bilis

bitis, aliudve quid fuerit. *ſ.* quæ materies non sit similis, vel fovens ipsius causæ morbi, neque adeo hujus symptomata augeat.

862. Indicatur tale cardiacum (861.) à defectu virium, unâ cum signis inanitorum vasorum.

863. Indicatur talis Cardiaci (861.) materies singularis, ut contraria sit illi vitio liquidî, quod in ægro adest peccans, ex cognitâ indole vitiosi humoris. (vid. *Semioticen.*)

864. Si ergo humores vergunt in alcalinam indolem, optima cardiaca (860.) sunt 1. decocta farinaceorum seminum in aquâ, ut ptisana, flos, cremor Hordei Græcorum; Panacellæ Italicorum; Juscula avenacea diluta Britannorum &c. 2. fructus maturi, grati, acido-dulces, horæi, maximè succulenti; ut cerasa, ribesia, mora, bacca rubi Idæi, Sambuci, Ebuli, fraga, poma, pyra, melones &c. Cocta ex his juscula cum pane & aquâ. 3. lac, serum ejus, lac acidum, hydrogala.

865. Hæc (864.) delectus, præparatio, condimentum, copia, tempus adhibendi, ordo offerendi, indicantur ab

etate, sexu, temperie, consueto victu, causa morbi, morbo, ejus statu, duratione ejus præteritâ & futurâ, symptomatibus, tempore anni, cœlo, solo, quæ ægro adsunt.

866. Si humores induunt acidam naturam, optima Cardiaca (860. 1.) sunt 1. jura carniū. 2. ova. 3. gelatinæ, & ex his composita.

867. In quorum usu rursus observanda eadem, quæ dicta sunt (865.)

868. Ad secundam classē Cardiacorum (860. 2.) ea pertinent, quæ 1. fibrillis vasorum flaccidis applicant eas partes, quæ iis adhærentes, eas rigidiores efficiunt, ut sunt omnia, quæ moderatâ vi adstringunt; talia v. g. sunt poma, & pyra cydonia, cortex peruvianus, granati, vina austera, Gummilaccæ, & similia. Vel. quæ 2. fibras quasdam dissolutas à se mutuo vi austerâ in unum compingunt, ut sunt omnia ex vegetabilibus & fossilibus austera, boli, chalybs, fructus immaturi, vina austera &c. tum Motus.

869. Indicantur talia (868.) ex defectu virium cum pallore, frigidityte, tempore, aggerie serosa, flaccidityte corporis.

870. Quin & cautelas requisitas in usu dabit iterum regula data. (865.)

871. Tertia Cardiacorum classis (860. 3) constitui videtur maxime ex parte liquidissimâ, mobilissimâ; tenuissimâ classis primæ, (864. 866.) affatim ingestâ; quo forte liquor vegetabilis fermentatione in vinum mutatus multum facere posset.

872. Indicatur tale Cardiacum (871.) à defectu virium, unâ cum signis evidentibus languoris ad motus musculares, & exercitia sensuum, maximê si simul adsint signa crassioris per reliqua vasa liquidi,

873. Ultima tandem Cardiacorum, stimulantium scilicet, classis multiplex omnino est. 1. fructuum maturorum succi, quibus gratus acor, fragransque odor adest. (864. N. 2.) 2. huc referentur diffusi odores horum, ut & florum, herbarum, corticum, ut sunt Cortic. pomorum Citriorum, Limoniorum, Arantiorum, Sinensium, halitus aromatum α. lenium, Rosarum, Violarum, Liliorum, Jasmini, Philadelphiae, tuberosæ, croci, sambuci, narcissi, borraginis, buglossæ, melissæ, melisophylli. β. vel acriorum, ut Cinnamomi, Maceis, Nucis Myristicæ, Gariophyllorum

Orientalium, Galangæ, Stœchados, Majoranæ, Rorifmarini, Lavendulæ, Pulegii, Costi, Menthæ, Tanaceti, Chamæmeli, Mari, Mari Syriaci &c. 3. odores quidam singulares, Ambari, Moschi, Zibethæ, Styracis, Ladani, Castorei. 4. ex his omnibus intrâ corpus, gulâ receptis. 5. volatilia tenuia acriâ & acida, vina, acetâ; 6. spiritibus plena, spiritus stillatitii. 7. spiritus salini alcalini. 8. olea aromatum stillatitia, vel expressa. 9. aut ex his composita, titulo suffimenti, linimenti, epithematis, potusve medicati; vel titulo ex formâ desumpto, balsami, confectionis, aquæ, spiritus, salis volatilis simplicis, compositi, Tincturæ, Elæosacchari, pastilli & similia.

874. Sed & in usu horum denuò quam maximè est attendendum ad cautelas datas (865.)

875. Indicatur hoc Cardiacorum genus (873.) à defectu progressus circularis liquorum in genere; ejus autem species ex oppositâ indole peccantis mali.

ΠΡΟΦΥΛΑΞΙΣ ΘΕΡΑΠΕΥΤΙΚΗ.

876. **C**ausæ morborum, (vid. *Παθολογία* in Pathol.) cognitæ (vid. *Σημειώματα*)

meiot.) accuratè, indicant ablationem suam, & , si considerantur ratione partium solidarum , indicant vel destruendis externi sublationem , vel unionem separatarum , vel separationem unitarum , vel ablationem superflui , vel supplementum defectus.

877. Atque in his quidem occupatur tota Chirurgia diversis operationibus atque remediis suis.

ΑΝΤΙΔΟΤΑ.

878. **V**enena velocia , causæ morborum in solidis & liquidis, indicant
 1. causæ venenatæ ablationem. 2. veneni suscepti, vel suscipiendi, correctionem. 3. vel ejus ex corpore expulsum. 4. symptomatum mitigationem. 5. munitionem corporis contra vim contagii. Hæc auxilia ἀντίδοτα, ἐλεξιμένα, ἀλεξιφάρμακα dicuntur.

879. Causa venenum spargens , & corpori communicans , si sensibilis , & cognita , facilè aufertur 1. α. corrigendo Aërem , qui miasmata defert. β. cum mutando per ventum. γ. cum fugiendo. 2. tollendo , vel corrigendo ingesta , & applicata.

880. Venenum ipsum corrigitur , ei applicando talia , quæ valent ejus qualitates , quibus corpori nocet , inertes reddere.

881. Quæ vix, nisi per effecta sua, cognosci possunt; aliquando autem à priori, ex cognitâ eorum naturâ, intelligi.

882. Cogniti verò horum effectus producunt morbos similes descriptis in παθολογία.

883. Adeoque veneni cognita indoles per historiam venenorum, scientiam Mechanicam, Chemicam, Anatomicam imprimis hîc verè indicat.

884. Et hînc scitur correcturi materies, præparatio, dosis, applicatio, moderamen.

885. Primaria autem antidota, & fere communia sunt, aqua dulcis, calidior paululum cruore nostro, affatim ingesta, vel applicata; aqua leviter saponacea cum saponе Veneto; aqua leviter saponacea cum oxymelle saponaceo; olea blanda, recentia, expressa ex farinaceis, Acetum; Opium.

886. Singularia vero Antidota vocantur, quæ singulari vi corrigendi hujus, illiusve, veneni pollent, quæ fere venena sunt opposita. Hinc nocent nisi venenum contrarium adsit, ut Oleum Tartari contra Oleum Vitrioli, Mercurium Sublimatum, &c.

887. Possunt verò, & debent antidota
hæc

hæc universalia, (885.) & singularia, (886.) ita applicari, & in eam formam redigi, quâ apta sint vadere in loca, ubi virus hæret, & intactis suis viribus id destruere. Unde præstò semper sit intellectui classis eorum: suffimigium aëris, Vapor siccus, vel humidus ad pulmones, Haustus, Clyisma, Epithema, Balneum, Fodus, Injectiones in uterum, vesicam &c.

888. Expellitur venenum susceptum 1. minuendo resistantiam in loco, ubi minus nocet, ut eò dein vi vitæ, vel medicaminum pellatur, expellatur: Suctus Marforum & Psyllorum olim, hirudinum, cucurbitarum, fomentorum, frictionum, calor, id agunt. 2. verò attractione magneticâ, ut carnes venenatæ bestiarum, lapis serpentum &c. agunt. 3. omni medicamento validè diluente, movente, ut sunt vomitoria, purgantia, sudorifera. 4. partem affectam auferendo, ferro candente urendo.

889. Symptomata, quum sint effectus jam sensiles, facilè reducuntur ex pathologica doctrinâ in suas classes, tum curantur ut morbi singulares, de quibus postea.

890. Munitur corpus contra venena imprimis 1. usurpando largiter antidota generalia,

ralia, & singularia, si noscitur indoles futuri mali. 2. partem, cui metuitur, inungendo leniter oleosis. 3. omnes corporis partes æquâ in perspiratione retinendo.

891. Quæ de venenis hucusque, & de contagio vera sunt.

892. Causæ morborum remotiores, sensu cognitæ, faciliè mutantur, aut tollantur: indicant enim mutationem in sex rebus non naturalibus.

893. Causæ eadem (892.) magis tectæ, per sua effecta sensibilia cognitæ, indicant per phænomena morbi sua remedia.

894. Quorum observatus decursus docet nos, quo auxilio, tempore, ordine, viâ, utendum sit, ut causa morbi proxima in corpore hærens corrigi, vel expelli queat.

895. Accurata etiam horum phænomenon observatio faciliè docet, quid deficiat, & quæ supplementa adhibenda sint.

896. Ut & qui motus excitandi, sustinendi, quinam sopiendi, vel minuendi sint in eundem hunc scopum.

897. Unde in his ordinata & exacta cognitio effectuum egregie docet correctionem, & ablationem causæ.

898. Duplici ergo hactenus notâ viâ itur
in

in ablationem causæ, methodicâ, specificâ.

899. Methodicâ causa proxima noscitur, tolliturque 1. cognitis phænomenis, (893. ad 898.) & naturæ decursu. 2. vitæ labascenti succurrendo per Cardiaca, aut evacuantia impedimentorum. 3. vitæ nimis motæ, adeoque causam morbi intricanti magis, quam extricanti moderamen adhibendo per diluentia aquosa, glutinosa blanda, evacuantia materiem virium, opiata. 4. nihil agendo vel mutando, nisi ex clarissimâ indicatione.

900. Specificâ causa proxima tollitur sine methodo, ut Cortex Peru febres intermittentes curat, opium dolores, antidota singularia corrigentia, & attrahentia, (886. & 888. 2.) sua venena.

CURATORIA INDICATIO IN MORB. SOLID.

901. **M**Orbus ipse, si in parte solidâ solâ consideratur similiari, faciles indicationes præbet.

902. Nam soluta unitas requirit 1. ablationem interpositi inter partes separatas 2. harum adductionem ad se mutuo. 3. quietem in unione. 4. conglutinationem operanti, moderati liquidi nutrititii advecti, applicati.

903. Rigi-

236 CURATOR. INDIC. IN MORB. SOLID.

903. Rigiditas nimia indicat laxationem, quæ fit 1. humectando aquâ tepidâ. 2. leniendo decoctis blandis farinosis. 3. inungendo oleo emolliente. 4. moderato motu partis.

904. Flacciditas nimia indicat roborationem: fit 1. Cardiacis (868.) 2. motu majori, quo callositas paulo densior concilietur parti. 3. calore sicco. 4. simili victu, & aëre.

905. Hinc patet, quid agendum in Elasticitate auctâ, minutâ, in debilitate nimia fibræ ultimæ, fragilitate ejus, nimia ejus contractione, vel distractione.

906. Morbi partis organicæ in mole, situ, cohæsiōe, indicant, quæ dicta. (876.)

907. Reliqui verò, quum fere à vitio fluidorum pendeant, (vid. Pathol. in ætiol.) ad curationem horum nos ducunt.

INDIC. CURAT. IN MORB. FLUID. CORRIGENS.

908. **H**Æc indicant sui immutationem, vel educationem, idque vel in toto, vel in unâ parte affectâ.

909. In parte hærens vitium, temper vel tenacitatem liquidi, vel matiam solidi dispositi-

IND. CUR. IN MORE FLUID. CORRIG. 237
dispositionem ponit, adeoque indicat viæ
& materiæ in meabilitatem mutationem.

910. Quæ fiunt 1. mobilem reddendo
materiem fixam, per a. diluentia aquea, c.
resolventia salina, 2. saponacea, d. causæ
coaguli specifici opposita, e. stimulantia
acria salina, aromatica, oleosa, spirituosæ.
(vid. Cardiac. 873. & 904.) 2. aperiundo
meatus, fotu, balneo, calore, motu, fri-
ctione. 3. maturando per diaphoretica sti-
mulantia, mistis blandis & Emplasticis.
Hinc suppurando, emolliendoque, quò
farinæ, olea, 'gummi &c. spectant. 4.
viam aperiundo iisdem, vel caustico, vel
scalpello.

911. Fluidorum vitia in toto peccan-
tia corpore, per semeioticen cognita in-
dicant remedia contraria.

912. Fluiditas nimia inspissationem re-
quirit: fit ea 1. victu gelatinoso ex ani-
malibus & vegetantibus. 2. potu ex fari-
naceis aquosis non fermentatis. 3. actione
viscerum auctâ labore, motu, victione in
equo, rhedâ, navi. 4. usu i Cardiacorum.
(868.)

913. Spissitudo peccans indicat attenua-
tionem: illa fit 1. victu ex fluidis. 2.
Condi-

Condimentis acribus, Sinapi, Nasturtio, Piperitide, Raphano rusticano, Aromatibus. 3. potu acriore fermentato, spirituosus, aromatico; cerevisiâ, vino, vino in spiritus converso. 4. diluendo, motu, calore, balneis, fomentis, frictionibus, equitatione, vectione. 5. validis stimulantibus; sudoriferis, diureticis, purgantibus, vomitoriis, epispasticis, mercurialibus, aromaticis. 6. valde resolventibus, ut sunt sales alcalini fixi, volatiles, saponacei acidi, lixiviosi; ex his alia composita, quò & Mercurialia.

914. Motus nimius fluidorum per vasa circulantia, secernentia, excernentia, indicat ejus sedationem, quæ fit 1. ablato stimulo fibras irritantis, vel correctione ejus per contraria. 2. imminutione totius massæ fluidorum. 3. quiete inductâ per opiata.

915. Nimis imminutus ille motus excitat ejus excitationem, quæ producitur 1. ablato impedimento per remedia corrigentia, vel auferentia. 2. ope attenuantium, (913.) & Cardiacorum (ab 859. ad 876.)

916. Acrimonia liquidorum, quæcunque sit, indicat temperamentum & inertiam majorem; illa verò creatur 1. victu insipido-

insipidorum fere, farinaceorum, gelatino-
 forum, blandè oleosorum, fructuum be-
 ne maturorum. 2. potu aquæ. 3. quiete
 animi & corporis. 4. diluentibus aquosis,
 lenientibus farinosis, suboleosis, emollien-
 tibus, talia sunt, ptisanæ, emulsiones, fo-
 menta, balnea, haustus, clysmata ex his.
 5. opiatis.

917. Acrimonia acida exigit correctoria
 contraria, ut sunt 1. victus ex ovis, car-
 nibus, suboleosis. 2. potus aqueus, vel
 oleosus pinguis. 3. quies, hilaritas. 4.
 medicamenta, acidum α . absorbentia,
 ostracodermata, lapis cancerorum, marga-
 ritæ, corallia, creta, terræ pingues, fer-
 rum, stannum, lapis hamatitis, sanguis
 Draconis, maximè si hæc leviter calcina-
 ta. β . acidum convertentia in salem compo-
 situm blandum, sales alcalini fixi, volatiles
 quilibet. γ . obtundentia, & diluentia. (916.)

918. Acrimonia alcalina petit 1. diæ-
 tam ex lacte, fructibus, acidis farinosis.
 2. potum aquosum, farinosum, subacidum.
 3. quietem, frigus. 4. Medicamenta, α . al-
 cali destruendo, id in salem compositum
 blandum convertentia, ut acida ex anima-
 libus, instabilibus, fossilibus, β , alcali ob-
 tunden-

tundentia, lenientia, diluentia. (916.) 2. Sulphura.

919. Acrimonia muriatica indicat 1. dietam ex insulsis. 2. potum aqueum. 3. Medicamenta lixiviosa de calcevivâ. 4. generalia contra-acria. (916.)

920. Acrimonia oleosa, aromatica, biliosa, rancida, exusta, putrida exigit 1. victum ex insipidis & insulsis, farinosis, oleribus &c. 2. potum ex aquâ, & oxymelle dulciori. 3. quietem, frigus. 4. medicamenta saponacea, ut sunt, mel, manna, cassia, saponaria, sapo, saccharum. 5. generalia contra-acria. (916.)

921. Acrimonia acida austera requirit medelam, (917. & 913.)

922. Ex hoc fundamento, hætenus in Methodo Medendi jacto, constat de mediis excitandæ, promovendæ, absolvendæ Coctionis, & Crisios.

923. Quæ scilicet in attenuatione spissi, (913.) lenitione acris. (ab 916. ad 920.) aperturâ viarum obstructarum, (910. 2.) moderamine motus, (914. 915.) consistunt.

924. Imò hinc definitur, quid de Panaceâ sentiendum sit, si ritè considerentur hæc axiomata;

I. Pana-

1. Panacea in corpus mortuum non agit.

2. Sed per vitæ actionem deducitur in actum.

3. Neque in partem corporis absolute mortuam agit, ut in sphacelo. &c.

4. Non restituit liquida per se.

5. Neque solida ablata viscerum, vasorum, vel artuum.

6. Multi & varii morbi oriri possunt ab unâ simplici causa, sed variis partibus corporis, & vario modo, applicatâ.

7. A solo motu spirituum animalium variato infinite varii morbi oriri, foveri, crescere possunt.

8. Ut & à solis obstructionibus, & vitâ superstitie concurrentibus.

9. Tandem à solis spasms, flatibus, stimulis exiguis, venenisque.

925. Unde liquet, uno sæpe medicamento multos morbos posse curari, nullo omnes.

926. Maximè universalia esse aquam, ignem, argentum vivum, opium.

927. Quibus maximum paraverunt nomen, qui medicinam universalem possedisse creduntur.

928. Hinc iterum patet, quæ correctoria in morbis, & an sint ulla universalia?

IND. CURAT. IN FLUID. EVACUANS.

929. **M**Ateria morbi ex corpore educitur per duplicem viam: 1. per Emunctoria naturalia, totius cutis externæ, narium, oris, œsophagi, intestinorum, vesicæ, urethræ, uterî. 2. per artificialia in vasis Sanguiferis, per phlebotomen, arteriotomen, scarificationes, hirudines; in vasis Lymphaticis, per Caustica, & vesicatoria; in utrisque per fonticulos, setacea, ulcera, fistulas.

930. Hinc prima distinctio Evacuantium à diversitate Emunctorii, per quod educitur.

931. Altera petitur à diversitate materiæ educendæ.

932. Per cutim perspirabile evacuatur, & sudor. Indicatur:

1. A sudore critico solvente, vel levante morbum.

2. A materie morbi tenui, & dispersa per omnia vasa.

3. Ab temperie propriâ ægri.

4. A constitutione epidemica cognitâ.

5. Ab

5. Ab obstructionibus variis, & ubique hærentibus, resolvendis, maximè circa subcutanea.

933. Præparatur Corpus ad hanc excretionem, si opus est.

1. Liquida attenuando, diluendoque. (913.)

2. Vasa laxando, aperiendo. (910. 2.)

934. Exercetur usu eorum, quæ valdè movent liquida, (915.) quæ resistantiam ad cutanea excretoria vasa minuunt. Prius fit:

1. Aquæ fervidæ copiosæ potu.

2. Acidis fermentatis, vel stillatitiis vegetabilium aquæ calidæ mistis.

3. Alcalicis volatilibus, fixisve, aquæ calidæ infusis.

4. Salibus compositis, marino, gemmæ, berrace, nitro, ammoniaco &c. aquâ calidâ dilutis, quò & saponem referendi, & crystalli metallicæ.

5. Acribus aromaticis, valdè stimulantibus, horumque compositis.

935. Posterius absolvitur:

1. Totâ cute mundatâ per lotiones, frictionesque.

2. Vasa ejus laxando, maximè vapore calidæ

calidæ aquæ, ad nudum undique corpus excepto.

3. Majore calore externo producto circa nudum corpus, tepore lecti, balnei vaporis, spiritu vini accenso.

936. His autem levioribus insensibilis perspiratio promovetur.

937. In nares se evacuant sex magni sinus mucosi, & parvi spongiosi, sive tota glandulosa narium membrana, (397.) tum lachrymales glandulæ, (363) adeoque ingens hinc liquidorum copia excerni potest. Indicatur hæc evacuatio:

1. A gravedine, coryzâ, sternutatione, pure, morbisque oculorum lachrymosis.

2. A temperie ægri.

3. A revulsione à pulmonibus.

938. Excitatur:

1. Omni stimulo acri semicaustico, salibus, pulvere antimonii, nigellâ, euphorbio, tabaco, elleboro.

2. Fotu aquæ tepidæ, ejusque, vel & vaporis ejus, per nares attractione.

Sistitur, si nimia, ut & sternutatio, & destillatio irritans:

1. Suffumigiis blandis ex m^o tiche, thure, benzoino, succino, aromatibus.

2. Lacte

2^o Lacte tepido dulci, naribus attracto.

939. Per os, & in illud, se evacuant nares, (937.) ductus salivosi, (43.) membranæ & glandulæ pituitosæ Schneideri, hinc eadem indicatio, & medela (937. 938.) & hîc, pro parte, obtinet; unde apophlegmatismi, & gargarismata.

940. Evacuatio vero salivosa indicatur:

1. A crisi tali.

2. A naturâ singulari morbi hærente ad glandulas, & ad pinguia.

3. A naturâ morbi Epidemicâ.

941. Præparatur eô corpus usu præmisso attenuantium, diluentium, lenientium, actu calidorum.

942. Excitatur:

1. Collutionibus oris. (939.)

2. Masticando lenta, ut ceram, & expuendo, vel & acria simul.

3. Hauriendo per os vapores irritantes, Tabaci, Salviæ, &c.

4. Iis, quæ levem, sed diuturnam nauseam creant, ut est Antimonium semifixum.

5. Summis dissolventibus, ut Mercurio.

943. Nimia sistitur, vel coërcetur:

1. Sedando irritationem per opiata.

2. Revellendo in alias partes per omnia

alia evacuantia, maximè per purgantia
ferosa alvi.

944. Vomitoria Indicantur:

1. Ab oris foeditate matutinâ, ejus amaro-
re, ructu, nausçâ, morfu ventriculi,
appetitu lentè ablato sine febre.

2. A vomitu continuo spontaneo, ejus-
que facilitate.

3. A naturâ materiæ cognitæ, ut mobi-
lis, vel immobilis.

4. A loco affecto repletionem, & obstru-
ctionem infra diaphragma, si ea affectio pri-
maria.

5. A naturâ morbi generali, vel epide-
micâ.

6. A constitutione anni.

945. Vêtantur à contrariis hisce (944.)

946. Præparatur eò corpus.

1. Materiem reddendo mobilem, dilu-
endo, attenuando, resolvendo. (913.)

2. Vias laxando, lubricando, per emol-
lientia, oleosa, blanda.

3. Prius minuendo sanguinem; si ple-
num eo corpus est.

947. Excitatur:

1. Irritando fauces, vel musculos ab-
dominales per motum in mari &c.

2. Copia

2. Copia ingesta aquæ insulsæ, cum oleo, tepidæ.

3. Acribus & viscosis simul, ut sunt Asarum, Ellebori, Esulæ &c.

4. Antimonio.

5. Mercurio acri factio per acida.

948. Horum delectus, dosis, formula, opportunitas indicantur ab ætate, sexu, temperie, anni tempestate, idea morbi & materiæ educendæ.

949. Promovetur leni, aquoso, mellito, tepido, copioso potu, post singulos vomitus paroxysmos affatim ingesto.

950. Sedatur opiatis, aromaticis, acidis gratis, corroborantibus haustis, & similibus externè applicatis.

951. In Intestina plura evacuari, adeoque per hæc ex corpore educi queunt. Hæc evacuatio indicatur:

1. A fluxu alvi non colliquativo.

2. A materie peccante, ejusque loco.

3. A loco repleto vel obstructo sub diaphragmate.

4. A natura morbi generali, vel epidemica.

5. Arevulsione.

6. A signis coctionis.

7. A statu ægri.

952. Vetatur à contrariis.

953. Materies movenda præparatur, si opus, iisdem ac ad vomitum. (946.)

954. Excitatur:

1. Diluentibus, leviter stimulantibus simul; aquæ medicatæ, & serum lactis talia.

2. Lubricantibus, oleo, Therebinthina, juscule pingui, manna, cassia, melle, saccharo.

3. Leniter stimulantibus, simulque paululum crassioribus, Tartaro, Tamarindis, Rheo, prunis, uvis Corinthiacis, Aloë, salibus, succis horæis, rosis, violis, mercurio dulci.

4. Acribus; Senna, Agarico, Carthamo, &c.

5. Acerrimis Causticis, Euphorbio, Esula, Iride, Meseræo, Elleboro, crystallis argenti, mercurii &c.

955. Quorum delectus, dosis, formula, præparatio, opportunitas indicantur, ut de vomitoriis, (948.) imprimis autem ex indole singulari materiæ educendæ.

956. Promovetur juscule salis, butyrato, sero lactis &c.

957. Sisti-

957. Sistitur adstringentibus, acidis, opiatis, revulsione in omnes alias vias.

958. Fit & evacuatio alvi per clysmata; indicantur:

1. A loco affecto.

2. A materie educenda.

3. A viribus attritis ægri, ejusve temperie, simulque urgente evacuationis necessitate.

4. A siccitate, calore, motu nimio liquorum in acutis.

5. A revulsione, & lenimine.

959. Clysmata sunt ideo:

1. Diluentia ex aquâ, sero lactis &c.

2. Emollientia, vel lenientia simul, ex oleo, melle, siphone, farinâ, aquâ.

3. Stimulantia leviora; aqua salsa, nitrota, purgantia lenia.

4. Acria, ex Colocynthide, Tabaco, Antimoniatis.

5. Ex fumo Tabaci.

Hinc suppositoria intelliguntur.

960. Ubi eadem observanda, ac in vomitu, & purgatione. (948. 955.)

961. Evacuatio per urinam indicatur:

1. A signis coctionis.

2. A fluxu critico materiae morbosae per renes.

3. A materie peccante.

4. A loco affecto.

5. A constitutione Epidemicâ.

6. A temperie Ægri huic auscultante.

962. Vetatur à contrariis.

963. Excitatur usu:

1. Aquæ copiosæ, vel aquosorum.

2. Salibus alcalinis volatilibus, fixis, vel salibus volatilibus compositis.

3. Salibus fixis compositis; marino, gemmæ, ammoniaco, nitro, alumine, Tartaro, ostracodermatis, acido solutis in corpore, vel extrâ illud.

4. Acidis animalium, sero lactis, lacte acido.

5. Acidis vegetabilibus levibus, citri, Rhenano vino tenui &c.

6. Herbis succulentis, subacido vel nitroso sale pollentibus, fumariâ, fragis, anonide, eryngio, patroselino &c.

7. Spiritibus acidis aceti, salis, nitri, vitrioli, aluminis, sulphuris.

964. Sistitur, sedaturve usu,

1. Emulsionis gelatinosæ viscidioris.

2. Adstringentium, & corroborantium simul.

3. Opiatorum.

4. Al

4. Ad alia determinantium.

965. Evacuatio menstrui, vel lochiorum sanguinis per uterum indicatur:

1. Ab ætate.
2. A plethorâ fœminæ.
3. A morbo quocunque, ejusque symptomatibus, qui hinc pendet.

966. Perficitur:

1. Determinantibus ad uterum, venæ sectione in pede, cucurbitis, frictione, pediluviiis, fomentis.

2. Loca aperientibus, vaporibus, balneis, fomentis, clysmatibus uterinis, pessariis.

3. Remediis impedimento contrariis, quæ solis signis, in quâlibet propriis, inveniri queunt.

967. Sistitur:

1. Revulsione.

2. Vasorum adstrictu.

3. Opiatis.

968. Missio sanguinis, intrâ terminum, quo vires non minuuntur.

1. Minuit copiam.

2. Adeoque resistantiam movendorum.

3. Et repletionem vasorum, horumque ad se matuô compressionem.

4. Vasis elasticitatis exercitium reddit.
5. Liquida rarefacit.
6. Solvit.
7. Resolvit.
8. Obstructa expedit.
9. Circulationem, secretionem, excretionem promovet.
10. Revellit.
11. Refrigerat.

969. Hinc infinitos morbos, eosque varios, tollit.

970. Indicatur:

1. A copiâ nimîâ.
2. A resistantiâ nimîâ ad Cor.
3. A suffocato motu per nimium artèriarum tumorem a copiâ, vel à rarefactione.
4. A suffocato motu per vasorum extensionem ad ablatam elasticitatem usque.
5. A sanguine nimis densato.
6. A sanguine coëunte.
7. Ab eodem nimis crasso.
8. A signis obstructionis inflammatoriæ, & magnæ, ubicunque in corpore, dolore, tumore, rubore, æstu, anxietate; immo sudore, sputo, urinâ suppressis.
9. A motu nimio, vel parciore totius massæ à quâcunque causa.
10. A

10. A calore per omnia nimio.

11. A nimio impetu cruoris moti in unam partem, ut in Hæmorrhagiis.

12. Ab Epidemicis cognitis.

13. Ab ætate, sexu, victu, temperie.

14. A cacochymia.

15. A medicamentorum ingressu conciliando in vasa, pro magnis curationibus.

971. Optima fit.

1. Lato vulnere, secando illato.

2. In venâ libera, magna, facilè detegendâ, ab arteriis, nervis, tendine, remota.

3. Accelerando velocitatem cruoris, dum fluit, respiratione forti.

4. Motu musculorum circa venam apertam.

5. Jacenti Ægro.

972. Præparatio ad eam fit:

1. Frictu.

2. Fomento.

973. Vetatur:

1. A Chronicis plurimis.

2. Ab senio.

3. A temperie.

4. A cognita Endemici, vel Epidemici natura.

5. A crisi alibi facta.

6. A paucitate cruoris rubri, & virium.

7. A puerpera hysterica juniore.

974. Sanguis per hæmorrhoidalia vasa educendus indicatur.

1. A temperie atrabilaria.

2. A morbis cum phantasia læsa.

3. A consueto eorum fluxu suppresso.

4. A sanguinis eruptione per alias vias, qui olim per hæc effluebat.

975. Elicitur:

1. Emolliendo hæc vasa fomento molli, calido ex aqua, oleo, melle.

2. Aperiendo frictu aspero, vel hirudinibus.

3. Ufu Aloëticorum.

976. Scarificationes stimulando, evacuandoque agunt.

977. Cucurbitæ determinando in datum locum quælibet liquida.

978. Quin & hirudinum hinc actio liquet.

979. Setacea & fonticuli dolore stimulant, genus nervosum concutiunt, serum evacuant, nimix repletioni exitum dant.

980. Unde liquet, ubi, & unde indicentur.

981. Sti-

981. Stimulantia, dolorem, calorem, ruboremque creantia medicamenta, motu nervis conciliato, & determinatione in locum imperatum agunt.

982. Unde infinita, eaque bona effecta edunt, quorum necessitate indicantur.

983. Talia sunt sinapismi, dropaces, phœnigmi, vesicantia, caustica.

CURATIO PALLIATIVA.

984. Sic de curatione morborum in genere actum, restat paucis agere de mitigandis symptomatibus.

985. In quorum mitigatione semper etiam aliquid de morbo primario tollitur.

986. Unde qui omnia symptomata simul, ille sanè totum fere morbum, sanaret.

987. Sunt præcipua sitis, dolor, vigiliæ, excretiones nimix, atque lipothymia.

988. Sitis, à siccitate totius, sedatur potu largo calido aquoso farinaceo, balneis, fomentis, clysmatibus.

989. A siccitate partis, colluendo, laxando, aperiendo meatus mucosos & salivales per epithemata.

990. A sale lixivioso, vel acri aromatico, iisdem,

iisdem, (988. 989.) ut diluentibus, maximè acidis, nitrosisque sedatur.

991. A materie ineptâ per canales tranare, eam diluentibus, (913.) & resolventibus tollitur.

992. Dolor sedatur:

1. Diluendo acre aquâ calidâ, farinosa, leni, suboleosa.

2. Laxando vasa balneo, fotu, ex humectantibus, anodynis, vel & aperiendo.

3. Corrigendo acre suis contrariis.

4. Stuporem inducendo opiat.

993. Vigiliæ nimix ex malo, quod cerebrum ipsum infestat, difficulter admodum sopiuntur.

994. Si à nimia siccitate, compescuntur potu, fotu, balneo, clysmate, aquosis.

995. Si ab acri quocunque, curatione acris tolluntur. (vid. 916. ad 920.)

996. Si oritur ab impetu nimio in cerebrum, & nimio motu fluidorum, curatio exigitur, (914.) tum epispasticis, fotibus, balneis inferiorum, simulque repercutientibus & sedantibus ad superiora applicatis; ut est oxycratum, oxyrrhodinum, ung. populeon, olea anodyna solani, pipaveris, hyoscyami &c.

997. Opiat.

997. Opiatis verò internis vix utendum, nisi constet, in solo motu vehementiore spirituum malum consistere.

998. Tumque post evacuantia, & diluentia demum prodest.

999. Excretiones nimix sedantur per ea, quæ in pertractatione Evacuantium dicta. (ab 931. ad 967.)

1000. Nimia sanguinis per vulnus excretio sedatur compressione, ligaturâ, combustione vasis, inspissatione fluidi per stiptica.

1001. Lipothymix à stagnante liquido, & anxietate spasmodicâ sanantur diluendo, laxando.

1002. A vitio spirituum torpidorum, omni stimulo cardiaco, (873.) vel & dolorifico, evulsis pilis, distractionibus &c.

FINIS.

SERIES

Materiarum atque Contextus
Totius Opusculi.

P rolegomena : De Ortu Medicinæ, Ejus- que Natura & Fatis.	pag. 1
Pars Medicinæ PHYSIOLOGICA.	2
De Masticatione.	13
Deglutitione.	18
Digestione Gastrica, seu stomachi fun- ctione.	20
Intestinali.	25
Functione Bilis.	27
Pancreatis.	28
Chyli secretione	ibid.
Fæcis alvinae excretione.	31
Chyli in venas propulsione.	32
cum cruore mixti Circulatione.	37
Functione Cordis.	39
Pulmonis.	42
Sanguinis Circulatione.	54
Functione Cerebri.	60
Glandularum.	63
Cerebri Glandulosi.	68
Medullosi.	70
Nervorum.	71
Sanguinis	

De Sanguinis per partes inferiores Circula-	tionē. pag.	76
Functione Splenis.		77
Hepatis.		81
Renum.		83
Lotii ex vesica excretionē.		86
Functione Musculorum.		88
Cutis.		96
Sudoris excretionē.		98
Sanctoriana perspirationē.	ibid.	
Nutritiōe, Incremento & Decremento.		100
Sensibus externis (1.) <i>de Visu.</i> p.	104.	
(2.) <i>Auditu.</i> p.	112.	
(3.) <i>Olfactu.</i> p.	118.	
(4.) <i>Gustu.</i> p.	121.	
(5.) <i>Tactu.</i>	123.	
Sensibus internis.		123
Vigiliis.		125
Somno.	ibid.	
Actione Respirationis.		129
Generationis.		133
Pars Medicinæ PATHOLOGICA.		143
De Morborum Natura.		144
Differentiis.	ibid.	
Causis.		152
Symptomatibus.		165
		Pars

Pars Medicinæ SEMIOTICA.	pag.	183
Signa Sanitatis optimæ, Generalia.		185
Singularia.		188
Morborum.		189
Pulsuum.		203
Respirationis.		206
Urinarum.		210
Pars Medicinæ Sanitatem conservare docens HYGIENE.		214
De Præservatione à morbis.		219
Vitæ Longævitate.		220
Pars Medicinæ CŪRATORIA.		221
De Methodo Medendi in Genere.		222
Indicatione Vitali.		225
Cardiacis.		226
Causis Morborum tollendis.		230
Antidotis.		231
Indicatione Curatoria in Morbis		
Partium Solidarum.		235.
Fluidarum.		236
Fluida evacuantibus.		242
Curatione palliativa.		255







gal

